




De Captivitate
Babylonica.


—


1.5.2.0

















2
C
6554
518

DECA

PTIVITATE
BABYLO
NICA
ECCLESIAE.

PRAE LVDIVM

Martini Lutheri.

..

1520



Numina cœlestem nobis peperere Lutherum,
Nostra diu maius sæcra, videre nihil.
Quem si Pontificum crudelis deprimit error,
Non feret iratos impia terra Deos.

I H E S V S.

M A R T I N V S L V T H E R V S

August. Hermannō Tulichio suo

Salutem.

VELIM, nolim, cogor indies eruditior fieri, tot tantisque magistris certatim me urgentibus & exercentibus. De indulgentiis ante duos annos scripsi: sed sic, ut me nunc mirum in modum poeniteat editi libelli. Herebam enim id temporis magna quadam superstitione Ro. tyrannidis, unde & indulgentias non penitus reiiciendas esse censebam, quas tanto hominum consensu cernebamus comprobari. Nec mirum: quia solus tunc volebam hoc saxum. At postea, beneficio Syluestri & fratrum adiutus qui strenue illas turati sunt, intellexi eas aliud non esse, quam meras adulatorum Romanorum imposturas, quibus & fidem dei, & pecunias hominum perderet. Atque utinam a Bibliopolis queam impetrare, & omnibus qui legerunt persuadere, ut uniuerfos libellos meos de indulgentiis exuerant, & pro omnibus quæ de eis scripsi hanc propositionem apprehendant.

I N D V L G E N T I A E

sunt adulatorum Romanorum nequitiae.

Indulgentia

Post hæc, Eccius & Emser cum coniuratis suis, de primatu Papæ me erudire ceperunt. Atque hic etiam, ne hominibus tam doctis ingratum sum, confiteor me valde promouisse eorum opera. Nempe, cum Papatum negassem diuini, admisi esse humani iuris. Sed ut auidui & legi subtilissimas subtilitates istorum Trossulorum, quibus suum idolum fabre statuunt (est enim mihi ingeniū in his rebus non usquequaque indocile) scire nunc & certus sum, Papatum esse regnum Babylonis, & potentiam Nimroth robusti venatoris. Proinde & hic, ut amicis meis omnia prosperrime cedant, oro librarios, oro lectores, ut nunc quæ super hac re edidi exustis, hanc propositionem teneant.

papatus

P A P A T V S E S T R O

busta venatio Ro. Episcopi. Probatur, ex rationibus Eccianis, Emseranis, & Lipsiensibus
Lectoris Bibliici.

a ij

DE CAPTIVITATE

¶ Nunc de utriusque speciei communione mihi schola iudicetur, & de nonnullis alijs maximis rebus hic labor est: ne & hos frustra Cratippos meos audiam. Scripsit quidam frater Cremonensis Italus, reuocationem Martini Lutheri, ad sanctam sedem. Hoc est, quia nō ego (ut verba sonant) sed quia ipse me reuocat. Sic enim Itali hodie incipiunt latinisare. Scripsit in me de utraque specie sacramenti, frater alius Lipsensis Germanus, lector ille (ut nosti) totius Canonis Biblicis: facturus (ut audio) adhuc maiora & mira mirabilia. Italus sane cautus, nomen suum obtinuit: forte exemplum Caierani, & Syluestri veritus. Lipsensis contra, sicut decet strennum & ferocem Germanum, multis tituli versibus, nomen suum, uitam suam, sanctitatem suam, scientiam suam, officium suum, gloriam suam, honorem suum, pene & Calopodia sua celebravit. Hic proculdubio non mediocria discā, quandoquidem ad ipsum filium dei scribitur nuncupatoria Epistola. tam familiares sunt hi sancti Christo regnanti in caelis. Deinde, tres mihi pice hic videntur loqui: una bene latina, altera melius græca, tertia optime Hebraica. Quid hic mihi, Hermanne mihi agendum putas aliud, quam ut aures arrigam? Res Lipsiæ agitur per obseruantiam sanctæ Crucis.

Haftenus ego stultus sensi: pulchrum fore, si pro laicis utraque species sacramenti porrigenda statueretur Concilio generali. Hanc sententiam frater plus quam doctissimus correcturus dicit, Neque præceptum esse, neque consultum, siue a Christo, siue Apostolis, ut utraque species porrigatur laicis: ideoque, Ecclesiæ relictum iudicio, quid hic faciendum omittendumue sit, cui necesse sit obedire. Hæc ille.

Rogas forte, quæ intemperie hominem agitent, aut contra quæ scribat. Cum ego, non damnarim vnius speciei usum, & Ecclesiæ iudicio reliquerim, utriusque usum statuendum. Id quod & ipse conatur asserere, eo ipso contra me pugnaturus. Respondeo, id genus disputandi omnibus familiare esse. qui contra Lutherum scribunt: ut hoc asserant quod impugnant, aut fingant quod impugnent. Sic Syluester, sic Ecceus, sic Emsler, sic Colonien quoque & Louanien, a quorum ingenio si hic frater recessisset, contra Lutherum non scripsisset.

Sed accidit huic homini aliquid præ cæteris felicius. Cum enim esset probaturus, neque præceptum, neque consultum, sed arbitrio Ecclesiæ relictum utrius speciei usum, inducit scripturas quibus probet, præcepto Christi esse unam pro laicis statutam speciem. Ut sic verum

Non sumus
vni speciei
ut
non
impugnant
impugnent

fit, nouo hoc scripturæ interprete, unam speciem non præceptam, & simul præceptam esse a Christo. Huius genere disputationis nouæ, scis ut Lipsenses isti Dialectici peculiariter utantur. Nonne & Emser cum prioris suo libello profiteretur, sese candide de me loqui: & a me conuictus de terribili inuidia, scdisq; mendacijs, in posteriore me confutaturus, utrunq; plane confiteatur, & nigro & candido animo sese scripsisse. Bonus scilicet vir, ut nosti.

Sed audi nostrum speciosum speciatorem, apud quem idem est, arbitrium Ecclesiæ, & præceptum Christi. Rursus, idem præceptum Christi, & non præceptum Christi. qua dexteritate probet, unam tantum speciem laicis, præcepto Christi, id est, arbitrio Ecclesiæ, dandam. Literis enim maiusculis signat in hunc modum, F V N D A M E N T V M I N F A L L I B I L E. Deinde, tractat cap. vi. Iohan. incredibili sapientia, ubi Christus d. pane coeli & pane vitæ, qui est ipse, loquitur, quæ verba homo doctissimus, non modo ad sacramentum altaris trahit, verum & hoc facit: ut quia Christus dixerat, Ego sum panis viuus. & non, Ego sum calix viuus, concludat, non nisi unam speciem sacramenti pro laicis eo loco institutam. Quod vero sequitur, Caro mea vere est cibus, & sanguis meus vere est potus. itē, Nisi manducaueritis carnem filij hominis, & biberitis eius sanguinem, cum pro utraq; specie videretur fraterno cerebro, inuicte contra unam pugnare, huius quam feliciter & docte eludit, in hunc modum, Quod Christus his verbis aliud non voluit, quam qui unam speciem acciperet, sub eadem utrunq; carnem & sanguinem acciperet. Hæc ille pro fundamento suo infallibili, tam digne sancta, coelestiq; obseruantia struituræ.

Ex isto nunc discere & tu quæso mecum, Christum cap. vi. Iohan. precipere unam speciem, sic tamen, ut hoc ipsum præcipere sit id, quod relinqui arbitrio Ecclesiæ. Ad hæc, Christum in eodem capitulo loqui dumtaxat de laicis, non de presbyteris. Nam, ad hos non pertinet panis viuus de celo, id est, una species sacramenti, sed forte panis mortis de inferno. Jam, quid de diaconibus & hypodiaconibus fiet, qui neq; laici sunt, neq; sacerdotes. hos oportet, hoc eximio autore, neq; una, neq; utraq; specie uti. Intelligis mihi Tulich, morem tractandæ scripturæ obseruanticum & nouum. Sed & hoc discas, Christum Iohan. vi. de sacramento eucharistiæ loqui: cum ipse doceat se loqui de fide incarnati verbi, dicens, Hoc est opus dei, ut credatis in eum quem ille misit. Verum, huic Lipsensi Bibliorum professori, hoc donandum est, ut e quolibet scripturæ loco probet quodlibet. Est enim Theologus

DE CAPTIVITATE

Anaxagoricus, immo Aristotelicus, cui nomina & verba transposita eadem & omnia significant. Sic enim aptat scripturæ testimonia per totum librum, ut si velit probare, Christum esse in sacramento, ausit incipere, Lectio libri Apocalypsis beati Iohannis Apostoli. quam enim hoc verbum apte diceretur, tam sua dicuntur omnia: & existimat homo prudens, copia allegatorum se hanc suam maniam ornaturum.

Prætereo cetera: ne te necem sentina huius graueolentissimæ cloacæ. In fine Paulum. i. Corinth. xi. adducit, qui accepisse a Domino se, & tradidisse Corinthiis & panis, & calicis usum dicit. Hic iterum non ster speciator, sicut ubiq; scripturas egregie tractans docet, Paulum ibidem permisisse utranq; speciem, non tradidisse. Quæris unde probet? E capite suo, sicut & illud Iohan. vi. Nam hunc lectorem de ceterationem reddere eorum quæ dicit: cum sit de professione eorum: qui visionibus suis omnia probant & docent. Docemur ergo & hic, Apostolum eo loci non ad uniuersos Corinthios scripsisse, sed ad laicos tantum: ideo sacerdotibus illic nihil permisisse, sed priuatos esse uniuerso sacramento. Deinde, quod noua grammatica, *Accepi a domino, idem sit, quod permissum est a domino. Et tradidi vobis, id est, permisi vobis.* Hoc rogo insigniter nota. Nam, hinc non modo Ecclesiæ, sed cuilibet passim nebuloni licebit, hoc magistro, permissio nem facere, ex uniuersis præceptis, institutis, ordinationibus Christi & Apostolorum.

Video itaq; hominem hunc angelo Satanæ agitatam, & eos qui colludunt, hoc querere, ut per me nomen aucupentur in mundo: quia si digni fuerint cum Luthero congregari: sed frustrabitur eorū spes sua, & contempti non nominabuntur a me in perpetuum. Vna hac contentus ero responsione ad uniuersos eorū libros. Quod si digni sunt quos Christus ad sanam mentem reducat, oro ut id faciat misericordia sua. si digni non sunt, precor ut non cessent scribere tales libros, & hostes veritatis: ut non alios mereantur legere. Vulgo & vere dicitur, Hoc scio pro certo, quod si cum stercore certo, Vinco vel vincor, semper ego maculor. Deinde, quia video illis otium & chartas abundare: dabo operam, ut negotium scribendi habeant copiosum. Præcurram enim, ut dum gloriosissimi victores, de una aliqua mea hæresi (ut eis videtur) triumphant, ego interim nouam moliar. Cupio em̃ & ego hos insignes bellorum duces, multis titulis ornari. Itaq; dum illi murmurant, a me laudari utriusq; speciei communionem, & in maxima ista seq; dignissima re sedicissime occupatur: ego procedam

*de p. ceteris q. q.
p. missis p. p.*

& iam conabor offendere, omnes esse impios qui utriusq; speciei cō-
munionem laicis denegāt. Quod, ut commodius faciam, præludam
de captiuitate Ecclesiæ Romanæ: suo tempore daturus plurima, ubi
Papistæ doctissimi, hunc librum superauerint.

Hoc autem facio: ne si pius aliquis lector mihi fuerit obuius, offē-
datur stercoreibus istis a me tractatis: & iuste queratur, sese nihil legere
quod aut ingenium colat & erudiat, aut saltem occasionem det erudi-
tis cogitationibus. Scis enim quam iniquo animo ferant amici, me
occupari istorum hominum sordidis strophis, quas ipsa lectione di-
cunt abunde confutari: a me vero meliora expectari, quæ Satian per
eos tentet impedire. Horum consilia tandem statuti est sequi, & rixan-
di inuehendiq; negotium crabronibus istis relinquere.

De illo Italo, fratre Cremonensi nihil dicam. Quod homo simplex
& idiota, aliquot locis rhetoricis me conatur ad sanctam sedem re-
uocare: a qua nondum me recessisse mihi conscius sum, nec ullus cō-
monstrauit. Agit enim, potissimum locis illis ridiculis, quod gratia
professionis meæ, & Imperij ad Germanos translati debeam cōmo-
ueri. Videturq; omnino, non tam mei reuocationem, quam laudes
Gallorum & Romani Pontificis scribere voluisse, cui permittendum
est: ut hoc qualicunq; opusculo, obsequium suum testetur. Nec mere-
tur dure tractari, cum nulla malitia videatur agi: nec erudite confuta-
ri, cum mera inscitia & imperitia nugeatur omnia.

¶ PRINCIPIO, neganda mihi sunt septem sacramenta, & tan-
tum tria pro tempore ponenda, Baptismus, Pœnitentia, Panis: & hæc
omnia esse per Romanam curiam, nobis in miserabilem captiuitatē
ducta, Ecclesiamq; sua tota libertate spoliata. Quanquā, si usu scri-
pturæ loqui uelim, non nisi unum sacramētum habeam, & tria signa
sacramēntalia, de quo latius suo tempore. Nunc de sacramento panis,
omnium primo.

Dicam itaq; quid & in hoc sacramenti ministerio meditatus pro-
mouerim. Nam, quo tempore sermonem de Eucharistia edebam, in
usu cōmuni hærebam: nihil de Papæ siue iure, siue iniuria sollicitus.
At nunc prouocatus & exercitatus, sed multo magis, quod ipsa ser-
barem, dabo libere quæ sentio. Rideant siue plorent Papistæ, vel
uniuersi in unum.

¶ PRIMVM, cap. vi. Iohannis in totum est seponendū, ut quod
nec syllaba quidem de sacramento loquitur, non modo quod sacra-
mentum nondum esset institutum, sed multo magis, quod ipsa ser-
monis & sententiarum consequentia, de fide (ut dixi) incarnati uerbi

*Id est de fide incarnati uerbi & de
promissione loqui. nec autem ipse ad demonstrationem
de quibus & fide dicitur per se magis.*

DE CAPTIVITATE

Christum loqui clare ostendunt. Dicit enim, Verba mea spiritus & vi-
ta sunt, ostendens se de manducatione spirituali loqui, qua qui come-
dit, vivit: cum Iudæi de carnali eum intelligerent, ideoque litigarent. At
nulla manducatio vivificat, nisi fidei. hæc enim est vere spiritualis &
viva manducatio. Sicut & August. dicit. Ut quid paras ventrem &
dentem? crede, & manducaſti. Sacramentalis enim non vivificat. cum
multi manducant indigne, ut non possit de sacramento intelligi hoc
loco locutus.

Sunt sane quidam his verbis ad sacramentum docendum abusi,
ut & Decretalis, dudu m, & multi alij. Sed aliud est, abusive scripturas,
aliud legitime intelligere. alioquin cum dicit, Nisi manducaveritis
carnem meam, & biberitis sanguinem meum, non habebitis vitam,
omnes infantes, omnes infirmos, omnes absentes, aut quoquo mo-
do impeditos a sacramentali manducatione damnaret, quacunq; fi-
de præstaret, si sacramentalem manducationem ibi præcepisset. Sic
August. lib. ij. contra Iulian. ex Innocentio probat, etiam infantes citra
sacramentum manducare carnem, & bibere sanguinem Christi, id est.
eadem fide Ecclesiæ communicare. Sit ergo rata hæc sententia, cap. vi.
Iohannis nihil ad rem facere. Vnde & alias scripsi, Boemos non posse
se pro utraq; specie tuenda huic loco fideliter inniti.

Duo itaque sunt loci qui de hac re clarissime tractant, Scriptura Evan-
gelica in cena domini, Et Paulus. i. Corint. xi. Quos videamus. Con-
sonant enim sibi Matheus, Marcus, & Lucas, Christum dedisse disci-
pulis omnibus totum sacramentum: & Paulum utraq; tradidisse par-
tem certum est: ita, ut nullus tam impudentis frontis unquam fuerit,
qui aliud diceret. His adde quod Matheus refert, non de pane Chri-
stum dixisse, manducate ex hoc panem, sed de calice, bibite ex hoc om-
nes. Et Marcus item non dicit, manducaverunt omnes, sed biberunt
ex eo omnes: uterque universitatis notam ad calicem, non ad panem
ponens, quasi spiritus futurum hoc schisma præviderit, quod calicis
communione prohiberet aliquibus, quem Christus omnibus vo-
luerit esse communem. Quanta putas furia in nos insanirent, si voca-
bulum, omnes, ad panem, & non ad calicem positum inuenerint, nul-
lum nobis prorsus effugium relinquerent: clamarent, hæreticos decer-
nerent, schismaticos damnarent. At cum a nostra parte stet contra
ipſos, nullo sinunt sese claudi syllogismo, homines liberrimi arbitrij,
etiam in ijs quæ dei sunt, mutandis, remutandis, & omnibus confun-
dendis.

Des bibisse non
dumque ex hoc

excommunicatam
non recipit

B A B Y L O N I C A.

Sed finge me ex aduerso stare, & dominos meos papistas interroga re. Totū sacramentū, seu utraq; species, in cornu domini, aut datum est solis presbyteris, aut simul laicis. Si solis presbyteris (id enim volūt) iam nullo modo licet ullā speciē dari laicis. non enim temere dandū est, cui Christus, prima institutiōe non dedit. Alioquin, si unā Christi institutiōe permittimus mutari, iam uniuersas eius leges fecimus irritas, & quilibet audebit dicere, se non ligari ulla eius lege aut institutiōe. Vna enim indiuidua tollit in scripturis maxime, uniuersalem. Si simul & laicis, iam inuitabiliter sequitur, laicis non debere negari utraq; speciē. Quod si denegetur dari petentibus, impie & contra Christi factum exemplum & institutionem agitur.

Ego fateor, ista me ratione, mihi inuicta, superatū nec legisse, nec audiuille, nec inuenisse, quid contra dicat. Cum hic Christi verbū & exemplū stet firmissime, ubi non permittendo, sed precipiendo dicit, *Bibite ex eo omnes*. Si enim oibus bibendū est, & illud non possit solis presbyteris dictū intelligi, certe impiū est, laicos petentes ab eo arceri, etiā si angelus de coelo hoc faceret. Nā, quod dicūt, Ecclesię arbitrio relictū esse, distribuendā utrā speciē, sine ratione dicitur, sine autoritate produciuntur, & eadē facilitatē contemnitur, qua probatur. nec contra aduersariū aliquid facit, qui verbū & factum Christi nobis opponit, quare verbo Christi est referendus, at hoc non habemus.

Si autē utra species potest negari laicis, poterit eis & pars baptismi & poenitentię tolli, eodē arbitrio Ecclesię. cū ubiq; sit par ratio & potestas. Quare, sicut totus baptismus, totaq; absolutio, ita totū sacramentum panis est oibus laicis dandū, si petant. Satis autē miror, eos asserere, presbyteris nullo modo licere, in missa unā speciē accipere, sub peccato mortali: nulla alia causa, nisi quod (ut omnes unanimiter dicūt) utraq; species, sit unum plēnū sacramentū, quod non debeat diuidi. Dicant ergo mihi quēso, cur laicis licet diuidi, & solis eis non dari integū sacramentū? Nonne suomet testimonio cōfident, aut laicis dandam utraq; speciē, aut una specie nō dari eis legitimū sacramentū? Quomodo in presbyteris nō est sacramentū plēnū, una species, & in laicis est plēnū? Quid mihi arbitriū Ecclesię & potestas Papę hic iactantur? Non per hęc soluuntur verba dei, & testimonia veritatis.

Utra sequitur, si vini speciē potest Ecclesia tollere laicis, potest & panis speciē tollere, ergo poterit totū sacramentū altaris laicis tollere, & Christi institutiōe penitus in eis euacuare. Sed qua rogo autoritate? Si autē non potest panē aut utraq; tollere, nec vinū potest: nec potest haberi, quod hic dici potest aduersario. cum eandē in utra, quę

DE CAPTIVITATE

in utraq; specie potestatem esse oporteat, si non in utraq; nec in utra.
Opto audire, quid hic adularores Romani velint dicere.

Sed quod maxime omnium urget, penitusq; nec condudit, Christus dicit. Hic est sanguis meus, qui pro vobis; & pro multis effundetur in remissionem peccatorum. Hic clarissime vides, sanguinem dari omnibus, pro quorum peccatis fusus est. Quis vero audeat dicere, pro laicis non esse fusum? An non vides, quos alloquitur dans calicem? Nonne omnibus dat? Nonne pro omnibus fusus dicit? Pro vobis (inquit) esto sint etiam sacerdotes: & pro multis, etiam non possunt esse sacerdotes; & tamen dicit, Bibite ex eo omnes. Vellem & ego hic negari facile, & verbis meis illudere verba Christi: ut meus negator sciret. Sed scripturis redarguendi sunt, qui scripturis nituntur contra nos.

¶ Hæc sunt, quæ me prohibuerunt Boemos damnare, qui siue sint mali siue boni, certe verbum & factum Christi habent pro se: nos autem neutrum, sed tantum inane illud hominum commentum, Ecclesia sic ordinavit, cum non Ecclesia, sed tyranni Ecclesiarum, contra consensum Ecclesiæ (id est, populi dei) ista ordinarint.

Obsecro autem, quæ est necessitas, quæ religio, quæ utilitas, laicis negari utraq; speciem, id est signum visibile, quando omnes concedunt eis rem sacramenti sine signo. Si rem concedunt quæ maior est, cur signum quod minus est non concedunt. In omni enim sacramento, signum, in quantum signum, incomparabiliter minus est quam res ipsa. Quid ergo prohibet inquam minus dari, quando maius datur, nisi quod mihi hac permissione irati dei videtur contigisse, ut esset occasio schismatis in Ecclesia, qua significaretur, nos rem sacramenti iam dudum amissa, propter signum, & id quod minus est, contra rem maximam & solam pugnare, sicuti quidam pro cerimonijs pugnant contra charitatem. immo, ceptum videtur hoc monstrum eo tempore, quo pro diuinitus mundi cepimus contra Christianam charitatem insanire: ut deus ostenderet hoc terrifico signo, nos signa maioris durere quam res ipsas. Quæ peruersitas, si baptizando concedas fidem dari baptisimi, neges autem signum fidei eiusdem, id est, aquam.

Vltimo, stat inuictus Paulus, omnium obstruens ora. i. Corint. ii. Ego accepi a domino, quod & tradidi vobis. Non dicit, ut e suo cerebro frater mentitur, permisi vobis. Nec est verum, propter contentionem illorum utraq; speciem donasse. Primo, quod textus ipse indicat, non de utraq; specie fuisse contentionem, sed de contemptu & inuidia abundantium & egentium. ut clarus est textus, dicens, Alter esurit, alter ebrius est, & confunditis eos qui non habent. Deinde, quod

¶ Hic est deus
¶

¶ Hic est deus
¶

non loquitur de prima sua traditione. non enim dicit, accipio a domi-
no & do vobis, sed accepi & tradidi, scilicet in initio prædicationis,
longe ante hanc contentionem: significans utranq; speciem eis tradi-
disse, quod tradidisse est præcepisse. sicut alibi utitur eodem verbo. Ni-
hil ergo sunt quæ fraternalis sumus hic de permissione, sine scriptu-
ris, sine ratione, sine causa conglomerat. Aduersarij non querunt quid
ipse somniet, sed quid scriptura in his iudicet: ex qua nec apicem po-
test producere pro suo somnio, cum illi tanta fulmina pro sua fide
proferant.

Surgite ergo hic uniuersi adulescentes Papæ in unum, satagite, desen-
dire vos ab impietate, tyrannide, læsa maiestate Euangelij, iniuria fra-
terni opprobrij: qui hereticos iactatis eos, qui non secundum merum
capitis vestri somnium, contra tam patentes & potentes scripturas sa-
piunt. Si uiri sunt heretici & schismatici nominandi: non Boemi, non
Græci (quia Euangelij nituntur) sed vos Romani estis heretici, & im-
pij schismatici: qui solo vestro sigmento presumitis contra euidentes
dei scripturas. Eluite hæc viri.

Quid vero magis ridiculum, & fraterno isto capite dignius dici
potuit, quam Apostolum particulari Ecclesiæ, scilicet Corinthiorum,
ista scripsisse & permisisse, non autem uniuersali, unde hæc probat.
Ex solito penu, nempe proprio & impio capite. cum uniuersalis Ec-
clesia, Epistolam hanc pro se acceptat, legit, sequitur in omnibus, cur
non etiam in hac parte. Quod si demus unam Epistolam aliquam
Pauli, aut unum alicuius locum, non ad uniuersalem Ecclesiam perti-
nere: iam euacuata est tota Pauli autoritas. Corinthij enim dicent, ea
quæ de fide ad Ro. docet non ad se pertinere. Quid blasphemius & in-
sanius hac insania fingi possit. Absit, absit, ut ullus apex in toto Pau-
lo sit, quem non debeat imitari & seruare tota uniuersalis Ecclesia.
Non sic senserunt patres usq; in hæc tempora periculosa, in quibus
prædixit Paulus, futuros esse blasphemos & cecos & insensatos. Quo-
rum unus hic frater, vel primus est.

Sed demus insaniam hanc intolerabilem. Si particulari Ecclesiæ
permisit Paulus: recte ergo Græci, recte Boemi faciunt, etiam te autore.
sunt enim particulares Ecclesiæ. quare satis est eos non agere cõta Pau-
lum, saltem permittentem. Porro, Paulus permittere non potuit aliquid
contra Christi institutum. Oppono igitur Roma tibi, & oibus tuis adu-
latoribus, hos Christi & Pauli sermones, pro Græcis & Boemis: nec
poteris uno pilo monstrare, potestatem tibi esse datam, hæc mutandi, mul-
to minus alios propter tuam præsumptionem neglectam, hereticos crimi-

*Placuit
Sapientibus
Bohemis*

*Ecty hinc p
vltio p mru*

*Christiana Apt
p mru c*

DE CAPTIVITATE

mandi. sed tu digna es, impietatis & tyrannidis crimine accusari.

Ad hæc legimus in Cypriano, qui unus, contra omnes Romanos satis potens est, qui lib. v. sermone de lapsis, testatur: multis in Ecclesia illa usum fuisse laicis, etiam pueris, utranq; speciem, immo corpus domini in manu dari. ut per multa exempla docet. Inter cætera e uulgo quosdã sic increpat, Et quod non statim domini corpus inquinatis manibus accipiat, aut ore polluto domini sanguinem bibat, sacerdotibus, sacrilegus irascitur. Vides hic de laicis eum loqui sacrilegis, quia a sacerdotibus, corpus & sanguinem accipere voluerunt. Habes hic adulator miser quod gannias; dic & hunc sanctum martyrem, unum in Ecclesia, apostolico spiritu doctorem esse hæreticum, & in particulari Ecclesia permissione usum.

Recenset ibidem historia, se teste ac presente factã, ubi diaconus calicem infanti puellæ dedisse, immo reluctanti, eidem infudisse sanguinem domini, aperitissime scribit. Idem de sancto Donato legitur, cuius calicem fractum, O miser adulator, quã frigide eludit, fractum (inquit) calicem lego, sanguinem datũ non lego, Quid mirum? qui in sacris scripturis intelligit quod vult, etiam in historiis legat quod vult. Sed nunquid per hoc stabiliter arbitrium Ecclesiæ, aut confutantur hæretici? Verũ, hæc abunde satis. non enim ut illi responderem hæc corpi, qui dignus non est responsione, sed ut rei veritatem aperirem.

Concludo itaq; Negare utranq; speciem laicis, esse impiũ & tyrannicum, nec in manu ullius angeli, nedum Papæ & Concilij cuiuscunq; nec moror Conciliũ Constantiense, cuius autoritas si valet, cur non valet & Basilien. quod cõtra statuit, Boemis licere utranq; speciem suscipere, quod multa disputatide illic obientũ est, ut extantes annales, & literę Concilij probant. quod Adulator iste ignorans, adducit pro suo somnio, adeo prudenter omnia tractat.

¶ Prima ergo captivitas huius sacramenti, est, quo ad eius substantiam, seu integritatẽ, quã nobis abstulit Romana tyrannis. Nõ quod peccent in Christũ qui una specie utuntur, cum Christus non precepit ulla uti, sed arbitrio cuiuslibet reliquit dicens, Quotiescunq; hæc feceritis, in mei memoriã facietis. Sed quod illi peccant, qui hoc arbitrio volentibus uti, prohibent utranq; dari, culpa non est in laicis, sed sacerdotibus. Sacramentũ non est sacerdotũ, sed omnium: nec domini sunt sacerdotes, sed ministri, debentes reddere utranq; speciem petentibus quotiescunq; petierint. Quod si hoc ius rapuerint laicis & vi negaverint, tyranni sunt, laici sine culpa, vel una vel utraq; caret: fide interim servandi, & desyderio integri sacramenti. Sicut baptismũ & absolutio

*Consequens
Baptismi, utrumq;
speciem admittit
laici*

nem debent petenti, tanquā ius habenti, ipsi ministri: quod si non de-
derint, petens plenū habet fidei suæ meritū, ipsi corā Christo serui ne-
quam accusabuntur. Sicut olim in eremo sancti patres, in multis an-
nis non cōmunicauerunt ulla specie sacramenti.

Itaq; non hoc ago, ut vi rapiatur uraq; species, quasi necessitate pre-
cepti ad eam cogamur: sed conscientiā instruo, ut patiatur quisq; ty-
rannidē Romanā, sciens libi raptū per vim ius suum in sacramento,
propter peccatū suū. tantū hoc volo, ne quis Romanā tyrannidē iusti-
ficet, quasi recte fecerit, unam speciem laicis prohibens: sed detestemur
eam, ne cōsentiamus ei: tamen feramus eam non aliter, ac si apud Tur-
cam essemus captiui, ubi neutra specie liceret uti. Hoc est, quod dixi
mihi pulchrū videri, si generalis Concilij statuto ista captiuitas solue-
retur, & nobis Christiana illa libertas e manibus Romani tyranni re-
stitueretur, & cuiq; suum arbitrium petendi utendiq; relinqueretur, si-
cut in baptismo & pœnitentiā relinquitur. At nunc cogit singulis an-
nis unam speciem accipi eadem tyrannide: adeo extincta est libertas
nobis a Christo donata, sic meruit im pia nostra ingratitude.

¶ Altera captiuitas eiusdem sacramenti mitior est, quod ad conscien-
tiam spectat, sed quā multo omniū periculosissimū sit tangere, nedū
damnare. Hic Viglephista, & sexcētis nominibus hereticus ero. Quid
tum? Postq; Romanus Episcopus, Episcopus esse desist, & tyrānus fa-
ctus est, non formido eius uniuersa decreta, cuius scio non esse potesta-
tem, articulos nouos fidei condendi, nec Concilij quidem generalis.
Dedit mihi quondā, cum Theologiā scholasticā haurirē, occasionem
cogitandi, D. Card. Camera libro sententiarū quarto, acutissime dispu-
tans, multo probabilius esse, & minus superfluorū miraculorū poni,
si in altari verus panis, verūq; vinū, non aut sola accidentia esse astrue-
rentur, nisi Ecclesia determinasset contrariū. Postea videns, quē esset Ec-
clesia quē hoc determinasset, nempe Thomistica, hoc est, Aristotelica,
audacior factus sum, & qui inter saxum & sacrum harebam, tandem
stabiliui conscientiam meam, sententia priore, Esse videlicet, verum pa-
nem, verumq; vinum, in quibus Christi vera caro, verusq; sanguis,
non aliter nec minus sit, quam illi sub accidentibus suis ponūt. quod
feci, quia vidi Thomistarum opiniones, siue probentur a Papa, siue a
Concilio, manere opiniones, nec fieri articulos fidei, etiam si angelus
de cœlo aliud statueret. Nam, quod sine scripturis asseritur, aut reuela-
tione probata, opinari licet, credi non est necesse. Hæc autem opinio
Thomæ, adeo sine scripturis & ratione fluctuat, ut nec philosophiā,
nec dialecticam suam nouisse mihi videatur. Longe enim aliter Aristo-

224
140

De huius
ratione
S. i. m.

De omni
probatur

Thomas
i. m.

DE CAPTIVITATE

teles de accidentibus & subiecto, quam sanctus Thomas loquitur. ut mihi dolendū videatur pro tanto viro, qui opiniones in rebus fidei, non modo ex Aristotele tradere, sed & super eum, quē non intellexit, conatus est stabilire, infelicissimi fundamenti infelicissima structura.

Permitto itaq; qui volet utranq; opinionem tenere: hoc solū nunc ago, ut scrupulos conscientiarum de medio tollam: ne quis se reum hæreseos metuat, si in altari verum panem, verumq; vinum esse crediderit. Sed liberum esse sibi sciat circa periculum salutis, alterutrum imaginari, opinari, & credere. cum sit hic nulla necessitas fidei. Ego tamē meam nunc prosequor sententiā. ¶ Primum nolo eos audire, nec candilli facere, qui clamantur hunc esse Viglephisticum, Hulsiticū, hæreticum, & contra Ecclesiæ determinationem. cum hoc non faciās nisi h, quos multis modis hæreticos esse conuici in re indulgentiarū, lib. arb. & gratia dei, operibus bonis, & peccatis &c. ut si Viglephus scdus fuit hæreticus, ipsi decies hæretici sint: & pulchrum sit ab hæreticis & pueris sophistis culpari & criminari, quibus placuisse summa impietas est. Præterea, quod suas sententiās non alia re probare, nec contrarias alia ratione improbare possunt, quam dicēdo: hoc est Viglephisticum, Hulsiticum, hæreticum. Hoc enim dumbe in summa semper natat salua, atq; aliud nihil: ubi si petas scripturā, dicunt: Nos sic sentimus, & Ecclesia (id est, nos ipsi) sic determinauit: adeo homines reprobi circa fidem & incredibiles, nobis sua phantasmata, autoritate Ecclesiæ, pro articulis fidei audent proponere.

Est autē sententiæ meæ ratio magna, imprimis illa: quod verbis diuinis non est ulla facienda vis, neq; per hominem, nec per angelum: sed quantum fieri potest, in simplicissima significatione seruanda sunt: & nisi manifesta circumstantia cogat, extra grammaticam & propriā accipiendā non sunt. ne detur aduersariis occasio, uniuersam scripturam eludendi. Quo cōsilio, recte Origenes olim repudiatus est: quod ligna, & omnia quæ de paradiso scribuntur, grammatica locutione contempta, in allegorias verterit. cum hinc possit duci, ligna non esse creata a deo. Ita & hic: cum Euangelistæ clare scribant, Christum accepisse panem ac benedixisse, & Actū liber, & Paulus Apostolus, panem deinceps appellent, verum oportet intelligi panem, verumq; vinum, sicut verum calicem. non enim calicem transsubstantiari etiam ipsi dicunt. Transsubstantiationem vero potestate diuina factam, cū non sit necesse poni, pro figmento humanæ opinionis haberi, quia nulla scriptura, nulla ratione nititur ut videbimus.

Absurda est ergo & noua verborum impositio, panem pro specie

supra calicem

cum crucem

vel accidentibus panis, vinum pro specie vel accidentibus vini accipi. Cur non & omnia alia pro speciebus & accidentibus accipiunt. Quod si cetera omnia cōstarent, non tamen liceret verba dei sic eleuare, & cum tanta iniuria suis significationibus exinaniri.

Sed & Ecclesia ultra mille ducentos annos recte credidit: nec usquā nec unquam de ista transubstantiatione (portentoso scilicet vocabulo & somno) meminerūt sancti patres, donec corpit Aristotelis simulata philosophia in Ecclesia grassari, in istis trecentis nouissimis annis, in quibus & alia multa perperam sunt determinata. quale est, Essentiā diuinā nec generari, nec generare. Animā esse formam substantialē corporis humani. & h̄s similia, quæ nullis prorsus asseruntur rationibus aut causis: ut ipsemet confiteatur Card. Camera.

Dicent fortassis, periculū idolatriæ cogere, ut non sit panis & vinum vere. Ridiculum hoc valde, cum subtilem philosophiam de substantiā & accidentibus laici nunq̄ cognouerint: nec si docerentur, capere possint: & idem sit periculum (saluis accidentibus quæ vidēt) quod in substantia quam non vident. Si enim accidentia non adorant, sed latentē ibi Christū: cur adorarēt panem quem non vident.

Cur autem non possit Christus corpus suum intra substantiam panis continere, sicut in accidentibus. Ecce ignis & ferrum duæ substantiæ, sic miscentur in ferro ignito, ut quælibet pars sit ferrum & ignis. Cur non multo magis, corpus gloriosum Christi, sic in omni parte substantiæ panis esse possit.

Quid facient. Christus ex uterō matris natus creditur, illeſo. Dicāt & hic, carnem illam virginis interim fuisse annihilatam, seu ut aptius dici volunt, transubstantiatam, ut Christus in accidentibus eius inuolutus, tandem per accidentia prodiret. Idem dicendū erit, de ianua clausa, & ostio monumēti clauso, per quæ illa intrauit & exiuit. Sed hinc nata est Babylonia illa philosophiæ istius, de quantitate continua distincta a substantiā, donec eo ventū sit, ut ignorent & ipsi, quæ sint accidentia, & quæ substantia. Nam, quis certo monstrauit unquam, colorem, colorem, frigus, lucem, pondus, figuras, esse accidentia. Deniq̄, accidentibus illis in altari, coacti sunt fingere nouū esse, ac creati a deo, propter Aristotelē, qui dicit, Accidentis esse est inesse. Et infinita monstra, quibus omnibus essent liberi, si simpliciter panem ibi esse verum sinnerent. Et plane gaudeo, saltem apud vulgum, relictam esse simplicē fidem sacramenti huius. Nam, ut non capiunt, ita nec disputant, an accidentia ibi sint sine substantiā: sed simplici fide, Christi corpus & sanguinem, veraciter ibi contineri credunt, dato ocioſis illis negotio, de

transubstantiatione
— hinc 15

Card. Camera

hinc
— hinc
— hinc

Non minus
esse si in ferra
mō & chusky hinc

A simili

Cue inde sequuntur
de primis negotio

DE CAPTIVITATE

eo quod continet disputandi.

At dicent forte, Ex Aristotele doceri, subiectū & prædicatū pro positionis affirmatiue, debere pro eodem supponere, seu (ut bestia ipsi us verba ponam) ex. vi. metaphysicorum. Ad affirmatiuam requiritur extremorum compositio, quam illi exponunt, pro eodem suppositionem. Quare, dum dico, hoc est corpus meum, subiectū non posse pro pane supponere, sed pro corpore Christi.

Quid hic dicemus? quando Aristotelem & humanas doctrinas facimus tam sublimium & diuinarum rerum censores? Cur non explore ista curiositate, in verbis Christi simpliciter hæremus, parati ignorare quicquid ibi fiat, cōtentiq; verū corpus Christi, virtute verborū illic adesse? An est necesse, modos o patiōis diuine omnino cōprehendere?

Verum, quid ad Aristotelem dicunt? Qui subiectū omnibus prædicamentis accidentium tribuit, licet substantiam velit esse primum subiectum. Vnde apud eum, hoc album, hoc magnum, hoc aliquid, sunt subiecta de quibus aliquid prædicatur. Quæ si vera sunt, Quæro, si ideo est transsubstantiatio ponenda, ne corpus Christi de pane verificetur, cur non etiam ponitur transfaccidentatio, ne corpus Christi, de accidente affirmetur? Nam idem periculum manet, si per subiectū intelligat quis, hoc album, vel hoc rotundum est corpus meum: & quæ ratione transsubstantiatio ponitur, ponenda est & transfaccidentatio: propter suppositionem istam extremorum pro eodem.

Si aut, intellectu excedens, eximis accidens, ut non velis subiectum pro eo supponere, cum dicis, Hoc est corpus meum: cur non eadē facilitate transcendis substantiam panis? ut & illam velis non accipi per subiectū, ut non minus in substantia quam accidente sit, hoc corpus meum: præsertim cum diuinū illud sit opus, virtutis omnipotentis, quæ tantum & taliter in substantia, quantum & qualiter in accidente potest operari?

Sed ne nimis philosophemur, Nonne Christus videtur huic curio sitati pulchre occurrisse, cū non de vino dixerit, hoc est sanguis meus, sed hic est sanguis meus? Et multo clarius, cum calicis miscet nomen, dicens: Hic calix noui testamēti, in meo sanguine. Nōne videtur nos voluisse in simplici fide continere, tantū ut crederemus sanguinē suū esse in calice? Ego sane, si non possum consequi, quo modo panis sit corpus Christi, captiuabo tamen intellectū meū in obsequiū Christi: & verbis eius simpliciter inherens, credo firmiter, non modo corpus Christi esse in pane, sed panem esse corpus Christi. Sic enim me seruabunt verba, ubi dicit. Accipit panē, gratias agens, fregit & dixit. Ac

*Abstrusum
et non
de panis*

*panis album
sanguinem*

*non est nouus
Christi*

capite, manducate: hoc (id est, hic panis, quem acciperat & fregerat) est corpus meū. Et Paulus. Nonne panis quem frangimus participatio corporis Christi est? Non dicit, in pane est, sed ipse panis est participatio corporis Christi. Quid si Philosophia hæc non capit? Maior est spiritus sanctus quam Aristoteles. Nunquid capit transubstantiationem illorū; cum & ipsi fateantur, hic uniuersam philosophiam rueret. Quod autē in græco & latino pronomen, hoc, ad corpus refertur, facit similitudo generis: sed in hebræo, ubi neutrum genus non est, refertur ad panem, ut sic liceat dicere, Hic est corpus meum. quod & ipse usus loquendi & sensus cōmunis probat: subiectū scilicet esse monstratiū panis, & nō corporis, dum dicit. Hoc est corpus meum, das ist meyn leyp. id est, iste panis est corpus meum.

Sicut ergo in Christo res se habet, ita & in sacramento. Non enim ad corporalem inhabitationē diuinitatis necesse est transubstantiari humanā naturā, ut diuinitas sub accidentibus humanæ naturæ teneatur. Sed integra utraq; natura, vere dicitur, Hic homo est deus, hic deus est homo. Quod & si philosophia non capit, fides tamen capit. Et maior est verbi dei autoritas, quam nostri ingenij capacitas. Ita in sacramento, ut verum corpus, verusq; sanguis sit, nō est necesse panem & vinum transubstantiari, ut Christus sub accidentibus teneatur: sed utroq; simul manente, vere dicitur, hic panis est corpus meū, hoc vinum est sanguis meus, & cōtra. Sic interim sapiā, pro honore sanctorum verborū dei; quibus per humanas ratiūculas nō patiar vim fieri & ea in alienas significationes torqueri. Permitto tamen alijs opinionem alterā sequi, quæ in decretali firmiter statuitur: Modo non urgeant, suas opiniones (ut dixi) pro articulis fidei a nobis acceptari.

¶ Tercia captiuitas eiusdem sacramenti, est longe impijssimus ille abusus, quo factū est, ut fere nihil sit hodie in Ecclesia receptius ac magis persuasum, quam Missam esse opus bonum & sacrificiū. Qui abusus deinde inundauit infinitos alios abusus: donec fide sacramenti penitus extincta, meras nundinas, cauponatiōes, & quæstuarios q̄sdā contractus e diuino sacramento fecerint. Hinc participationes, fraternitates, suffragia, merita, anniuersaria, memoriæ, & id genus negotiorum in Ecclesia venduntur, emuntur, paciscuntur, cōponuntur: penitetq; in his uniuersa alimonia sacerdotū & monachorum.

Rem arduam, & quam forte sit impossibile conuelli, aggredior: ut quæ tanto sæculorū usu firmata, omnīq; consensu probata, sic inserderit, ut necesse sit maiorem partē librorū qui hodie regnant, & pene uniuersam Ecclesiā faciem tolli & mutari, penitusq; aliud genus ce-

Opin. opinio
ad articulos

Missæ opus bonum
fit ad communionem

rimoniariū induci, seu potius reduci. Sed Christus meus viuit: & maiori cura verbū dei oportet obseruare, quam omnium hominum & angelorum intelligentias. Ego mea vice fungar, rem ipsam in lucem producturus: gratūq; sicut accepi veritatē, sineq; inuidia comunicaturus. Cæterum, quisq; suæ salutis rationem habeat, incredulitatis suæ & ignoratæ veritatis culpam, in me ne ullus torquere possit, coram iudice Christo fideliter operam dabo.

¶ PRINCIPIO, ut ad veram liberamq; huius sacramenti scientiā tuto & feliciter perueniamus, curandū est ante omnia, ut omnibus ijs sepositis quæ ad institutionē huius sacramenti primitiuam & simplicem humanis studijs & seruatoribus sunt addita: qualia sunt, vestes, ornamenta, cantus, preces, organa, lucernæ, & uniuersa illa viliū biliū rerū pompa: ad ipsam solam & puram Christi institutionē oculos & animū vertamus: nec nobis aliud proponamus, quam ipsum verbū Christi quo instituit & perfecit ac nobis cōmēdauit sacramentum. Nam in eo verbō, & prorsus nullo alio sita est vis, natura, & tota substantia Missæ. Cætera omnia sunt humana studia, verbo Christi accessoria, sine quibus Missa optimē potest haberi & subsistere. Verba autē Christi, quibus sacramentū hoc instituit, sunt hæc.

Cœnantibus autē eis, accepit Ihesus panem & benedixit ac fregit, deditq; discipulis suis & ait, Accipite & manducate, hoc est corpus meū quod pro vobis tradetur. Et accipiens calicem gratias egit & dedit illis dicens, Bibite ex hoc omnes, Hic est calix noui testamenti in meo sanguine, qui pro vobis & pro multis effundetur in remissionē peccatorum. Hoc facite in meam cōmemorationem.

Quæ verba & Apostolus. i. Corint. xi. tradit & latius explicat: quibus nos oportet nitī, & super ea ædificari, seu supra firmā petram, si non volumus omni vento doctrinæ circumferri: sicut hactenus circumlati sumus per impias doctrinas hominum auersantū veritatem. Nihil enim in his omisium quod ad integritatē, usum, & fructū huius sacramenti pertinet, nihilq; positū quod superflūū, & non necessariū sit nobis nolle. Qui enim omisissis his verbis de Missa vel media, ut vel docet, monstra impietatis docebit ut factum est per eos, qui opus operatē, & sacrificium ex eo fecerunt.

Ster ergo primum & infallibiliter, Missam seu sacramentū altaris, esse testamentū Christi, quod moriens post se reliquit, distribuendum suis fidelibus. Sic enim habent eius verba, Hic calix nouum testamentum, in meo sanguine. Ster inquam ista veritas ut fundamentū immobile, super quod omnia struemus quæ dicenda sunt. hoc enim videt

opus super

bis, ut subuertemus omnes hominū impletates in hoc dulcissimū sacramentum inuectas. Verax ergo Christus vere dicit, hoc esse nouum testamentum in sanguine suo pro nobis fuso. Non frustra hæc inculcores est non parua, & imis sensibus reponenda.

¶ Queramus ergo quid sit testamentū, & simul habebimus, quid sit Missa, quis usus, quis fructus, quis abusus eius. Testamentū absque dubio, est promissio morituri, qua nuncupat hereditatem suam, & instituit heredes. Inuoluit itaque testamentū, primo mortem testatoris: deinde hereditatis promissionē, & heredis nuncupationem. Sic enim Paulus Ro. iiii. & Gal. iii. & Heb. ix. diffuse testamentū tractat. Quod & in verbis istis Christi clare videmus. Mortem suā Christus testatur, dum dicit, Hoc est corpus meum quod tradetur: Hic sanguis meus qui effundetur. Hereditatē nuncupat & designat, cum dicit, In remissionem peccatorum. Heredes autē instituit cum dicit, pro vobis & pro multis: id est, qui acceptant & credunt promissioni testatoris: fides enim hic heredes facit, ut videbimus.

Vides ergo, quod Missa (quam vocamus) sit promissio remissionis peccatorū a deo nobis facta: & talis promissio, quæ per mortem filij dei firmata sit. Nam, promissio & testamentū, non differunt alio, quā quod testamentum simul inuoluit mortem promissoris. Et testator idem est quod moriturus promissor: promissor autem videtur (ut sic dicam) testator. Hoc testamentū Christi præfiguratum est in omnibus promissionibus dei ab initio mundi: immo, omnes promissiones antiquæ in ista noua futura in Christo promissione valuerunt, quæ quid valuerunt: in ea quæ pependunt. Inde usitatissima sunt illa in scripturis verba, pactum, fœdus, testamentum domini. Quibus significabatur, deus olim moriturus. Nam, ubi testamentū est, mors testatoris intercedat necesse est. Heb. x. Deus autem testatus est, ideo necesse fuit eum mori. mori autem non potuit, nisi esset homo. Ita in eodem testamenti vocabulo, compendiosissime, & incarnatio, & mors Christi comprehensa est.

Ex quibus iam sua sponte patet, quis sit usus & abusus Missæ, quæ digna vel indigna preparatio. Si enim promissio est, ut dictum est: nullis operibus, nullis viribus, nullis meritis ad eam acceditur, sed sola fide. Vbi enim est verbum promittentis dei, ibi necessaria est fides acceptantis hominis: ut clarum sit, initium salutis nostræ esse fidem, quæ pendeat in verbo promittentis dei: qui citra omne nostrum studium, gratuita & immerita misericordia nos præuenit, & offert promissionis suæ verbum. Missa enim verbum suum, & sic sanauit eos:

DE CAPTIVITATE

Non autē accepit opus nostrū, & sic saluauit nos. Verbū dei omnīū
primū est: quod sequitur fides: fidem charitas, Charitas deinde facit
omne bonum opus. quia non operatur malum, immo est plenitudo
legis. Nec alia via potest homo cum deo, aut cōuenire, aut agere, quā
per fidem. id est, ut nō homo suis operibus ullis, sed deus sua promissio-
ne sui auctoris salutis: ut omnia pendeant, portentur, seruenturq; in
verbo virtutis suæ: quo genuit nos, ut efflemus initium aliquod crea-
turæ eius.

Sic Adæ post lapsum erigendo dedit hanc promissionē, dicens ad serpentem, Inimicitias ponam inter te & mulierē, inter semen tuum & semen illius. Ipsa conteret caput tuū, & tu insidiaberis calcaneo illius. In hoc promissionis verbo, Adam cū illis tanquā in gremio dei portatus est, & fide illius seruatus, expectans longanimit̃ mulierem quæ conteret caput serpentis, sicut deus promisi. Et in hac fide & expectatione etiam mortuus est, ignarus quando & qualis esset futura, futurā tamen non diffidēs. Nam talis promissio cum sit veritas dei, etiam in inferno seruat credentes, & expectantes eam. Post hanc secuta est promissio alia facta Noe usq; ad Abraham, dato pro signo fœderis arcu nubiū: cuius fide, ipse & posterī eius propitium deum inuenerūt. Post hunc, Abraham promisit benedictionē omnīū gentiū in semine eius. Et hic est sinus Abraham, in quem sunt recepti posterī eius. Deinde, Moisi & filiis Israhel, præcipue Dauid, apertissimā de Christo promissionem dedit. Quis reuelauit tandem, quæ fuerit p̃cis facta promissio.

Sic ventū ē ad promissionē omnīū perfectissimā noui testamen-
ti, in qua apertis verbis, *vitā & salus gratuito promittuntur*, & creden-
tibus promissioni donantur. Et insigni nota discernit hoc testamentū
a veteri, dum dicit, *Nouum testamentum*. Verus enim testamentū per
Mosen datum, erat promissio non remissionis peccatorū, seu æterna-
rum rerū, sed temporalīū, nempe, terræ Canaan, per quā nemo reno-
uabatur spiritu, ad hereditatē celestem capescendam, unde & iratio-
nalem pecudem in figura Christi, oportebat occidi, in cuius sanguine
idem testamentū confirmabatur: ut qualis Testamentū, tale testamentum,
qualis hostia, talis promissio. *At hic dicit, Testamentū nouū in meo,*
non alieno, sed proprio sanguine: quo gratia per spiritū, in remissio-
nem peccatorum, ad hereditatē capiendā promittitur.

Est itaq; Missa secundū substantiā suā, proprie nihil aliud, quā ver-
ba Christi prædicta, Accipite & manducate &c. ac si dicat, Ecce o ho-
mo peccator & damnatus, ex mera gratuitaq; charitate qua diligo te,
scilicet volente misericordiarū patre, his verbis promitto tibi, ante omne:

missa quid

meritū & votum tuum, remissionem omnium peccatorum tuorum, & vitam eternam. Et ut certissimus de hac mea promissione irrevocabili sis, corpus meum tradam, & sanguinem fundam, morte ipsa hanc promissionem confirmaturus: & utrumque tibi in signum & memoriale eiusdem promissionis, relinquitur. Quod cum frequentaveris, mei memor sis, hanc meam in te charitatem & largitatem prædices & laudes, & gratias agas.

Ex quibus vides, ad Missam digne habendam aliud non requiri quam fidem, quæ huic promissioni fideliter nitatur: Christum in his suis verbis veracem credat, & sibi hæc immensa bona esse donata, non dubitet. Ad hanc fidem mox sequetur sua sponte, dulcissimus affectus cordis, quo dilatur & impinguatur spiritus hominis (hæc est charitas, per spiritum sanctum in fide Christi donata) ut in Christum, tam largum & benignum testatorem rapiatur, fiatque penitus alius & novus homo. Quis enim non dulciter lachrymetur, immo præ gaudio in Christum pene exanimetur, si credat fide indubitata, hanc Christi promissionem inestimabilem ad se pertinere? Quomodo non diliget tantum benefactorem, qui indigno & longe alia merito, tantas divitias & hereditatem hanc eternam, præveniens offert, promittit, & donat.

Quocirca, una & sola miseria nostra, quod multas Missas in orbe habemus, & nulli vel pauci has promissiones & divitias propositas agnoscimus, consideramus, & apprehendimus. Cum reuera in Missa aliud agi non oporteat maiori, immo unico studio, quam ut hæc verba, has promissiones Christi, quæ vere sunt ipsa Missa, ante oculos versaremus, meditaremur & ruminaremus: quo fidem in ea exercere mus, nutrire, augere, & roboraremus, hæc quotidiana commemoratione. Hoc est enim quod præcipit, dicens, Hoc facite in meam commemorationem. Hoc ipsum agere deberet Evangelista, ut promissionem istam populo fideliter inculcasset, & commendaret, ad prouocandam fidem eorum in eandem. At nunc, quora parnouit Missam esse promissionem Christi: ut tacem impios fabulatores, qui humanas traditiones vice tantæ promissionis docent. Quod si etiam hæc verba Christi docent, non tamen nomine promissionis aut testamenti, ac per hoc non ad obtinendam fidem, docent.

Quin quod deploramus, in hac captiuitate: omni studio cauetur, ne verba illa Christi ullus laicus audiat: quasi sacrationa quam ut vulgo tradi debeant. Sic enim insanimus, & verba consecrationis (ut vocant) nobis sacerdotibus solis arrogamus occulte dicenda: sic tamen, ut ne nobis quidem prosint. cum nec ipsi ea ut promissiones ~~hæc testamentum~~ habeamus ad fidem nutriendam, sed nescio qua su-

superstitione & impia opinione ea reueremur potius quam eis credimus. Qua miseria nostra quid aliud Satan in nobis operatur, quā ut nihil de Missa in Ecclesia reliquum faciat: curet tamen interim omnes angulos orbis Missis plenos esse, hoc est, abusionibus & irrisionibus testamenti dei, grauissimisq; idolatriæ peccatis, mundum assidue magis ac magis onerari ad damnationē maiore augenda? Quod enim idolatriæ peccatū grauius esse potest, quā promissionibus dei peruersa opinione abuti, & fidem in easdem vel negligere, vel extinguere?

Neq; enim deus (ut dixi) aliter cum hominibus unquam egit aut agit, quam verbo promissionis. Rursus, nec nos cum deo unquā agere aliter possumus, quam fide in verbū promissionis eius. Opera ille nihil curat, nec eis indiget quibus potius erga homines, & cū hominibus & nobis ipsis agimus. Indiget autē, ut verax in suis promissis a nobis habeatur, talisq; longanimiter sustineatur, ac sic fides, spe & charitate colatur. Quo fit, ut gloriā suam in nobis obtineat: dum non nobis currenibus, sed ipso misere, promittente, donante omnia bona accipimus & habemus. Ecce hic est verus cultus dei & latia, quam in Missa debemus persolvere. Sed quum promissionis verbo nō traduntur, quæ fidei exercitatio haberi potest? At sine fide quis ferat? quis amat? sine fide, spe, & charitate quæ latia? Non est itaq; dubiū, uniuersos hodie sacerdotes & monachos cū Episcopis & omnibus suis maioribus esse idolatras, in statu periculosissimo agētes. ob hanc Missæ seu sacramenti, seu promissionis dei ignorantia, abusionē, irrisionem.

Quilibet enim facile intelligit, quod hæc duo sunt simul necessaria, promissio, & fides. Sine promissione enim credi nihil potest, sine fide autē promissio inutilis est. cum per fidem stabiliatur & impleatur. Ex quibus itidē facile quiuis colligit, Missam, cū sit aliud nihil quam promissio, hac fide sola adiri & frequentari: sine qua, quicquid preclarū, præparatoriorū, operū, signorū, gestū afferunt, irritabula sunt impietatis, magis quam officia pietatis. cum fere fiat, ut his paratis, exstiment sese legitime altaria accedere, & re vera non fuerint ullo tempore vel opere magis inepti: propter infidelitatē quā secū afferunt. Quantos pascim videas & quotidie sacrificulos, qui si vel inepte vestiti, vel illotis manibus, vel inter precandū titubantes quid leuiusculæ errauerint, ingenti sese miseri crimine reos faciunt. At, quod Missam ipsam, id est, diuinam promissionem neq; obseruant, neq; credunt, prorsus, ne tantillum quidem habent conscientia. O indigna religio nostro seculo, omnium impijsimo & ingratisimo.

Præparatio itaq; digna, & usus legitime non est, nisi fides qua cre-

*hinc respicitur ad
missionem*

*preparatio ad
donum*

*indignus sumus fidem fuisse necessariam
quælibet actio*

dicitur Missæ, id est, diuinæ promissioni. Quocirca, accessurus ad altare, siue sacramentū accepturus, caueat, ne vacuus appareat in cōspectu domini dei. Vacuus autē erit, si fidem non habuerit in Missam seu testamentū hoc nouū. Qua impietate quid posset grauius cōmittere in diuinam veritatē: quam hac incredulitate sua. quantum est in se, mendacem arguit, & vane promittētem. Tutissimū itaq; fuerit, ad Missam non alio animo accedere, quam si ad audiendam quamlibet aliā promissionē dei velis accedere: hoc est, ut paratus sis non multa operari & asserere, sed omnia credere & accipere quę tibi illic promittuntur, seu promissa pronunciantur per ministeriū sacerdotis. Hoc animo si non veneris, caue accesseris: in iudiciū sine dubio accedes.

Recte itaq; dixi, totam virtutem Missæ consistere in verbis Christi, quibus testatur remissionem peccatorū donari omnibus, qui credūt corpus eius tradi, & sanguinē eius fundi pro se. Atq; ob hanc rem, nulla re magis opus esse auditoris Missam, quam ut ipsa verba sedulo & plena fide meditentur. quod nisi fecerint, frustra omnia alia fecerint. Hoc sane verum est: in omni promissione sua deus fere solitus est adijcere signū aliquod, seu monumentū, seu memoriale promissionis suę: quo fidelius seruaretur, & efficacius moneret. Sic in promissione Noe data de non perdenda terra alio diluuiō, dedit arcū suū in nubibus: quo dixit sese recordaturum fœderis sui. Et Abraham, post promissionem hereditatis in semine suo, dedit circumcisionē in signaculum iustitię fidei. Sic Gedeoni dedit vellus aridum & roridum, ad firmandam promissionem suam super vincēdis Madianitis. Sic Achas per Efsaiam obtulit signum, pro vincendo rege Syrię & Samarię, quo promissioni suę fidem in eo firmaret. Talia multa legimus signa, promissionum dei in scripturis.

Sic & in Missa, hac omniū princeps promissione adiecit signū memoriale tantę promissionis, suū ipsius corpus, & suum ipsius sanguinem in pane & vino: sicut dicit, Hoc facite in meā cōmemorationē. Sic in Baptismo, verbis promissionis adiecit signum mersionis in aquam. Ex quibus intelligimus, in qualibet promissione dei duo poni, verbum, & signum: ut verbum intelligamus esse testamentum, signū vero esse sacramentū, ut in Missa, verbū Christi est testamentum, panis & vinum sunt sacramentū. Atq; ut maior vis sita est in verbo quam signo, ita maior in testamento quam sacramento. Quia potest homo verbum seu testamentū habere & eo uti, absq; signo seu sacramento. Crede, inq; Aug. & manducaſti. Sed cui credit, nisi verbo promittentis: ita possum quotidie, immo omni hora Missam habere,

John

*signa promissionis
in scripturis*

*signum promissionis
in missa*

*duo in promissionibus
verbum & signum*

*promissio missam per
hoc signum*

promissio per verbum christi

DE CAPTIVITATÉ

dum quoties voluero, possum verba Christi mihi proponere, & fidē meam in illis alere & roborare: hoc est reuera, spiritualiter manducare & bibere.

Hic vides, quid & quantum Theologi sententiarj in hac re præstiterint. Primum, id quod summū & capitale est, nempe testamentū & verbū promissionis, nullus eorum tractat: ita fidem & totā Missæ virtutē nobis oblitterarunt. Deinde, alterā eius partē, scilicet signū seu sacramentū, solum versant, sed ita, ut nec in hac fidem doceant, sed sūas præparationes, & opera operata, participationes & fructus, Missæ, donec in profundū venerint, & de transubstantiatione, alijsq; infinitis metaphysicis nugis nugarentur, & scientiā verumq; usum tē testamenti quā sacramenti cum uniūersa fide abolerent: facerentq; ut populus Christi (ut propheta dicit) obliuisceretur dei sui diebus innumeris. Tu vero, sine alios percensere varios fructus audite Missæ, & animū tuum huc intende: ut cum Propheta dicas & credas, hic tibi a deo paratā esse mensam corā te, aduersus oēs q; tribulāt te, in q; pascat & pinguecat fides tua. Nō autē pascat fides tua, nisi pmissiōis diuinæ verbo. Homo em̄ non in solo pane viuit, sed in omī verbo qd procedit de ore dei. Quare, in Missa ante omnia verbi promissionis te obseruatore esse curiosissimū oportet, tanq; opulentissimū conuiuij, omnimode pascuæ, & sanctæ refectiōis tuæ: ut hoc præ omnibus maximi facias, plurimū in id confidas: & firmissime in co heres, etiā per mortē & omnia peccata. Quod si feceris, non solū stillas istas, & minutias fructū Missæ, quas quidā etiam supersticiose slexerunt, sed ipsum fontem principalem vitæ obtinebis, fidem scilicet verbi, ex qua omne bonum fluit, sicut Io. iij. dicit, Qui in me credit, de ventre eius fluent aquæ vitæ. Item, Qui biberit ex aqua, quam ego dabo, fiet in fons aquæ vitæ salientis in vitam æternam.

Jam duo sunt, quæ solēt nos tentare ne fructus Missæ percipiamus. Alterum est, nos esse peccatores & indignos præ nimia vilitate rebus tantis. Alterum, etiam si digni essemus, magnitudo tamen rerū tanta est: ut natura pusillanimis non audeat ea petere aut sperare. Nam, remissionem peccatorū, & æternā vitam quis nō stupecat potius quā optet, si digne pensetur magnitudo bonorū quæ per ea veniunt: habere scilicet deum patrem, esse filium, hæredem omnium bonorū dei. Aduersus hanc geminam pusillanimitatem, oportet ut verbū Christi apprehendas, ipsumq; multo fortius intuearis quā has cogitationes infirmitatis tuæ. Magna enim sunt opera domini, exquisita in omnes voluntates eius: qui potēs est dare supra quā petimus aut intelligimus.

Nisi enim superarent nostram dignitatem, nostram capacitatem, nostrum denique omnem sensum. diuina non essent. Sic & Christus nos animat dicens, Nolite timere pusillus grex. placuit enim patri vestro, dare vobis regnum. Hæc ipsa enim exuberantia incomprehensibilis dei in nos per Christum effusa, facit ut eum rursus super omnia ardentissime diligamus, summa fiducia in eum feramur, omnia contemnimus, diligamus omnia pro eo pati. unde & recte fons dilectionis hoc sacramentum est appellatum.

In qua re exemplum tibi sume ex hominibus. Si enim cuiquā mē dico, autem indigno & malo seruo, legaret diuissimus dominus mille aureos: certe cum fiducia eos postularet & acciperet, nec indigni-
tatis lux, nec magnitudinis testamenti habita ratione. Quod si quis ei resistens obijceret indignitatem suam, & magnitudinem testamēti, quid putas dicturus esset? Scilicet, quid ad te? non ego merito meo, nec iure ullo proprio accipio quod accipio. Scio me indignum, & maio-
ra accipere quam merear, immo contraria merui: sed iure testamēti & alienæ bonitatis peto quod peto. Si illi non fuit indignum tanta tam
indigno legare, cur ego propter indignitatem meam contemnā ac-
cepere, quin hac ipsa causa magis amplector, grauitatē & alienam
gratiam, quæ ego sum indignior. Eadem cogitatione armari oportet
& cuiusq; conscientiam aduersus omnes scrupulos & morus suos,
ad hanc Christi promissionē indubitata fide obtinendā summopere
cauendo, ne fiducia confessionis, orationis, preparationis quicquam
accedat, sed his omnibus desperatis, in superba fiducia promittentis
Christi. Quia, ut dictū est fatis, verbum promissionis hic solū regnare
debet in fide pura, quæ est unica & sola sufficiens preparatio.

Videmus ex his, quam grandi ira dei factum sit, ut verba testamen-
ti huius nos clarentur impij doctores: atq; per hoc ipsum fidē extinxe-
rūt, quantum in eis fuit. Iam primum est videre, quid ad fidem extingū-
sequi fuit necesse. Nempe, suppositiones operū impijssimas. Vbi em
fides occidit, & verbū fidei obmutescit, ibi mox surgunt opera in lo-
cū eius, & traditiones operum. Quibus ceu captiuitate Babylonica
transiit fumus de terra nostra, captis omnibus desyderabilibus no-
stris. Ita de Missa contigit: quæ impiorū hominū doctrina mutata est
in opus bonum, quod ipsi vocant opus operatum, quo apud deum
sepe omnia præsumunt posse. Inde processum est, ad extremū insaniam:
ut quia Missa est vi operis operati valere mentiti sunt, adiecerunt, eam
nō minus utilem esse cæteris, etiā si ipsi impio sacrificio noxia sit. Atq;
in hāc harenā fundauerunt suas applicationes, participationes, & ira

*Pyrum fide supph
nues emestum*

DE CAPTIVITATE

ternitates, anniuersaria, & id genus infinita lucri & questus negotia.

Contra has laruas quia validæ sunt & multæ, penitusq; insederūt, nisi constantissima cura obseruaueris quid sit Missa, & præcedentium fortiter memineris, vix subsistes. Audisti enim, Missam aliud non esse, quam promissionem diuinam, seu testamentum Christi, sacramentū corporis & sanguinis sui commendatum. quod si verum est, intelligis: Non posse ipsum esse opus ullo modo, nec quicquam in ipso fieri: nec alio studio a quoquam tractari, quam sola fide. Fides autem nō est opus, sed magistra & vita operum. Quis enim est uspiam tam infanus, ut promissionem acceptam, aut testamentū donatū, vocet opus bonum quod suo testatori faciat accipiens? Quis est hæres, qui patri suo testatori existimet benefacere? dum instrumenta testamēti cum hæreditate testata accipit? Quæ est ergo impia temeritas nostra, ut diuinū testamentum accepturi 'veniamus ut bonum opus ei faciuri? Est ne ista ignorantia testamenti, & captiuitas tanti sacramenti omnibus laicis superior? Vbi de acceptis grati esse debemus? venimus superbi, daturi accipienda, irridentes inaudita peruersitate donatoris misericordiam, dum hoc donamus ut opus? quod accipimus ut donum? ut testator iam non suorum largitor bonorum, sed nostrorum sit acceptor, Vt impietati ista.

Quis vero unquā fuit tam demens, ut baptismum diceret esse bonum opus? aut baptisandus crederet, se se opus facere quod pro se & alijs deo offerret & communicaret? Si ergo in uno aliquo sacramento & testamento nullum est opus bonum cōmunicabile alijs, nec in Missa erit. cum & ipsa non sit nisi testamentū & sacramentum. Vnde manifestus & impius error est, Missam pro peccatis, pro satisfactionibus, pro defunctis, aut quibuscunq; necessitatibus suis aut aliorū offerre seu applicare. Quod facillime intelligis esse euidentissime verum: si firmiter teneas, Missam esse promissionem diuinam, quæ nulli prodesse, nulli applicari, nulli suffragari, nulli cōmunicari potest nisi ipsi credenti soli, propria fide. Quis enim promissionem dei, quæ iustus cuiusq; singula im exigit fidem, potest pro alio acceptare aut applicare? Nunquid possum alteri promissionem dei dare, etiam non credenti? aut possum pro alio credere? aut possum facere ut alius credat? At hæc fieri oportet, si Missam possum alijs applicare & communicare. cum in Missa non sint nisi ista duo, promissio diuina, & fides humana quæ accipiat quod illa promittit. Quod si verum est, potero etiam pro alijs audire Euangelium & credere: potero pro alio baptisari: potero pro alio absolui a peccatis: potero & pro alio communicare de

missam in ipso pro defunctis applicari potest pro alijs

missa non est nisi ista duo, promissio diuina, & fides humana

hæc sunt duo, promissio diuina, & fides humana

B A B Y L O N I C A.

altaris sacramento: potero (ut & illorū sacramenta percenseā) pro alio ducere uxore, p alio fieri sacerdos, p alio cōfirmari, p alio inungi.

Deniq; cur Abraham non pro omnibus ludæis credidit; cur exigitur a ludæis singulis fides in eandem promissionem Abraham credi tam; Sicut ergo Insupabilis veritas, ubi promissio diuinā est, ibi unusquisq; pro se stat, sua fides exigitur, quisq; pro se rationem reddet, & suum onus portabit, sicut dicit Marci ult. Qui crediderit & baptisatus fuerit, saluus erit; qui autem non crediderit, cōdemnabitur. Ita & Missam unusquisq; tantum sibi potest utilem facere fide propria, & pro nullis prorsus cōmunicare. Sicut sacerdos nulli pro alio potest sacramentum ministrare, sed cuilibet seorsum idem sacramentū ministrat. Sunt enim sacerdotes consecrando & ministrando ministri nostri, per quos non offerimus bonum opus, aut communicamus actiue, sed per eos promissiones & signum accipimus, & communicamur passive; id quod in laicis hactenus permansit. Nam, hi non dicuntur bonum facere, sed accipere. Sacerdotes vero abierunt in impietates suas, facto sibi bono opere, quod communicent & offerant ex sacramento & testamento dei, quo bonum acceptum oportuit.

Sed dices, Quid? Nunquid subvertes omnium Ecclesiarum & Monasteriorum usum & sensum, quibus per tot sæcula inualuerunt, fundatis super Missam, anniuersarijs, suffragijs, applicationibus, cōmunicationibus &c. hoc est, pinguisimis redditibus? Respondeo, Hoc est, quod de captiuitate Ecclesiæ scribere me compulit. Sic enim venerabile testamentum dei, in impijsimi quæstus seruitutem coactum est per impiorum hominum opiniones & traditiones: qui omisso verbo dei, sui cordis nobis cogitationes proposuerunt, & orbem seduxerunt. Quid mihi de multitudine & magnitudine errantium? Fortior om̃ est veritas. Si potes Christū negare q̃ docet, Missam esse testamentum & sacramentū, volo illos iustificare. Deinde, si potes dicere, eū facere opus bonū q̃ recipit beneficiū testamēti, aut unū in hoc ipsum sacramēto promissiois: volo mea libēs damnare. Cū aut neutrum possis: qd dubitas, cōtempta turba ad malū eunte, dare gloriā deo, & veritatem eius confiteri? Esse scilicet hodie sacerdotes oēs in penitentia peruersa, qui etq; Missam pro opere ducunt, quo succurrant suis aut aliorū, siue mortuorū, siue viuorū necessitatibus. Inaudita & stupenda dico. Sed Missam si intuearis qd sit, vera me esse locutū cognosces. Hoc fecit illa nimia securitas, qua irā dei in nos grassantē nō intelleximus.

Hoc autem facile admitto, Orationes, quas ad Missam percipientes congregati corā deo effundimus, esse bona opera, seu beneficia.

d ij

*Abbas misse
in missa per*

*missam in missa
per alios legi*

*Orationes q̃ deus in
hunc opus in
missam*

missa in. e. q̃ deus in missa

DE CAPTIVITATE

que nobis mutuo impartimus, applicamus & cōmunicamus, & pro inuicem offerimus. Sicut Iacobus nos docet, Orare pro inuicē, ut saluemur. Et Paulus. i. Timot. ij. pręcipit fieri obsecrationes, orationes, postulationes pro omnibus hominibus, pro regibus & omnibus qui in sublimitate sunt cōstituti. Hęc enim non sunt Missa, sed opera Missę: si tamen opera vocari debent, orationes cordis & oris. quia fiunt ex fide in sacramento percepta vel aucta. Non enim Missa vel promissio dei impletur orando, sed solum credendo. Credentes autē oramus, & quodlibet opus bonum facimus. Sed quis sacerdotū hoc nomine sacrificat, ut solas orationes arbitretur sese offerre? Omnes imaginantur sese offerre ipsum Christum deo patri, tanquā hostiā sufficientissimam, & bonum opus facere omnibus: quibus proponunt prodesse. quia confidunt in opere operati, quod orationi non tribuunt. Sic paulatim errore crescente, id quod orationum est tribuerunt sacramento: & quod recipere beneficiū debent, id obtulerunt deo.

Quare acute discernendū est, inter testamentū, sacramentūq; ipsum, & inter orationes quas simul oramus. Nec id solum, sed scire quoq; oportet, orationes prorsus nihil valere, nec oranti ipsi, nec ijs pro quibus orantur: nisi primum testamentū fide perceptum sit ut fides oret, quę sola exauditur. sicut Iacobus. i. cap. docet. Adeo longe aliud est oratio quā Missa. Orationē possum extendere in quotquot voluerō: Missam nemo accipit, nisi qui per seipsum credit, & tantū quantum credit: nec potest dari, siue deo siue hominibus: sed solus deus per ministerium sacerdotis dat eam hominibus: qui accipiunt eam fide sola, sine ullis operibus aut meritis. Neq; enim ullus audeat tantum insatiare, ut dicat bonū opus facere eum, qui pauper & indigens venit accepturus de manu diuitis beneficiū. At Missa (ut dixi) beneficiū est promissionis diuine, per manū sacerdotū oībus hominibus exhibitum.

¶ Est ergo certū, Missam non esse opus alijs cōmunicabile, sed obiectū (ut dicitur) fidei proprię cuiusq; alendę & roborandę. Jam & alterum scandalum amouendum est, quod multo grandius est & speciosissimum. Id est, quod Missa creditur passim esse sacrificium quod offertur deo. In quam opinionem & verba Canonis sonare videtur, ubi dicitur. Hęc dona, hęc munera, hęc sancta sacrificia. Et infra, hęc oblationem. Item, clarissime postulat, ut acceptum sit sacrificium, sicut sacrificium Abel &c. Inde Christus hostia altaris dicitur. Accedunt his dicta sanctorum patrum, tot exempla, tantusq; usus per orbem constanter obseruatus.

His omnibus, quia pertinacissime insederunt, oportet constanter

missa

missa

missa

In missa

B A B Y L O N I C A.

me opponere verba & exemplū Christi. Nisi enim Missam obtinuerimus esse promissionem Christi, seu testamentū, ut verba dare sonant, totum Euangelium & uniuersum solatiū amittimus. Nihil cōtra hæc verba permitamus præualere, etiam si angelus de cœlo aliud docuerit. Nihil enim de opere vel sacrificio in illis continetur. Deinde, & exemplum Christi pro nobis stat. Non enim Christus in cœna nouissima, cum institueret hoc sacramentū & conderet testamentū, ipsum obtulit deo patri, aut ut opus bonum pro alijs perfecit, sed in mensa sedens singulis idem testamentū proposuit, & signū exhibuit. Iam Missa quanto vicinior & similior primæ omnium Missæ quam Christus in cœna fecit, tanto Christianior. At Missa Christi fuit simplicissima sine ulla festiuitate, gestuum, cantuum, aliarumq; ceremoniarum pompa: ubi si necesse fuisset eam offerri ut sacrificium, non plene eam instituisset.

Non quod calumniari debeat ullus uniuersam Ecclesiā, quæ multis alijs ritibus & ceremonijs Missam ornauit & ampliauit: sed hoc volumus: ne quis ceremoniarū specie falsus, ac multitudine pompæ impeditus, simplicitatē Missæ amittat. & reuera transsubstantiationē quandam colat, si amissa substantia simplici Missæ, in accidentibus multiplicibus pompæ hæreat. Nam, quicquid ultra verbū & exemplum Christi accessit, accidens Missæ est: quorum quodlibet non alio loco ducere debemus, quam quo loco nunc ducimus, Monstrantias (quas vocant) & pallia altaris, quibus ipsa hostia continetur. Quare sicut repugnat testamentū distribui, seu promissionem accipere, & sacrificare sacrificijs: ita repugnat Missam esse sacrificiū, cum illam recipiamus, hoc vero demus. Idem autē simul recipi & offerri nō potest, nec ab eodem simul dari & acceptari. Non magis certe, quā oratio & impetrata res queunt idem esse, nec idem sit orare & orata accipere.

Quid ergo dicemus ad Canonem & auctoritates patrum? Primum respondeo. Si nihil habetur quod dicatur, tutius est oīa negare, quam Missam concedere opus aut sacrificiū esse. ne verbū Christi negemus, fidem simul cum Missa pessundantes. Tamen quo seruemus & eos, dicemus ex Apostolo. i. Corinth. xi. nos doceri, solitos fuisse fideles Christi ad Missam congregatos, secum asferre cibum & potum, (ut eas collectas vocabant) quæ distribuerentur in omnes egentes, exemplo Apostolorum Act. iij. e quibus sumebatur id quod consecrabatur panis & vini pro sacramento. Et quia hæc omnia sanctificabantur per verbum & orationem ritu hebraico, quo leuabantur sursum, ut in Mose legimus, relicta sunt verba & ritus leuandi seu offerendi, abolito

Quia huiusmodi ritus

quæ verba non habent auctoritatem

Missam non est sacrificium

DE CAPTIVITATE

iam dudum usu conferendi & colligendi ea quæ offerrentur seu leuarentur. Sic Ezechias Esa. xxxvij. iubet Esaiam leuare orationem in conspectu dei pro reliquijs. Et psal. Extollite manus vestras in sancta. Item Ad te leuabo manus meas. i. Timot. ij. Leuantes puras manus in omni loco. Quare vocabula sacrificij, seu oblationis, referri debent non ad sacramentum & testamntum, sed ad collectas ipsas. Vnde & reliquum est, vocabulum Collectæ, pro precibus in Missa dictis.

Idem facit, quod sacerdos mox consecrato pane & calice, eleuat eundem: quo non se offerre aliquid deo ostendit, cum nullo verbo tum meminere hostiæ seu oblationis. Sed est & id ipsum, vel reliquum ritus hebraici, quo leuabantur quæ cum gratiarum actionibus accepta deo referebantur. Vel admonitio nostri, quo prouocemur ad fidem testamenti huius: quod tum verbis Christi protulit & exhibuit, ut simul et signum eiusdem ostendat, & oblatio panis proprie respondeat huic demonstratio, Hoc est corpus meum, nosque circumstantes ceu alloquatur hoc ipso signo. Sic oblatio calicis proprie respondeat huic demonstratio, Hic calix novi testamenti &c. Fidem enim in nobis sacerdos excitare debet ipso eleuandi ritu. Atque utinam ut in oculis nostris manifeste eleuat signum seu sacramentum, ita simul auribus nostris aperta altaque voce pronunciet & verbum seu testamentum: idque in qualibet populorum lingua, quo fides exercitaretur efficacius. Cur enim liceat Græce & Latine & Hebraice Missam perficere, & non etiam Alemanice, aut alia quacunque lingua?

Quocirca, obseruent sese sacerdotes hoc perditio periculosissimoque sæculo qui sacrificant. Primum, ut verba Canonis maioris & minoris, cum Collectis, quæ aperte nimis sacrificium sonant, dirigant non ad sacramentum, sed vel ad ipsum panem & vinum consecrandum, vel ad orationes suas. Panis enim & vinum antea offeruntur ad benedicendum, ut per verbum & orationem sanctificentur. Postquam autem benedictus & consecratus est, iam non offertur, sed accipitur dono a deo. Et in hoc negotio cogitet, Euangelium esse præferendum omnibus Canonibus & Collectis, per homines compositis: Euangelium autem non sinit Missam esse sacrificium, ut audisti.

Deinde, publice Missam perficiens, præstituat sibi non aliud facere, quam se & alios communicare per Missam: simul tamen orationes suas pro se & alijs offerre cauens, ne Missam offerre præsumat. Qui vero priuatim Missas parat, præstituat sibi ut seipsum communique. Prorsus nihil differt, nec plus facit Missa priuata, quam simplex cuiusque laici de manu sacerdotis sumpta communio: exceptis orationibus, &

*Supra prædictum
et orationes
sunt.*

quod sibi ipsi consecrat & ministrat, Re ipsa Missæ & sacramenti oēs
 fumus æquales, sacerdotes, & laici.

Quod si postularur ab alijs, votiuas (quas vocâr) celebrare: caueat,
 ne mercedem accipiat pro Missa, aut præsumat ullam votiuam sacrifici
 care: sed iudeat, hoc totum ad orationes referre, quas siue pro defun
 ctis, siue viuētibz offerat, sic cogitans. Ecce ibo & mihi soli sacramen
 tum suscipiam, sed inter suscipiendum pro illo & illo orabo, sic ut o
 rationis non Missæ mercedem pro victu & amictu recipiat. Nec mo
 ueat, quod totus orbis contrarium & sensum & usum habeat. Euan
 gelium certissimum habes, quo fretus facile cōtemnes hominum sen
 sus & opiniones. Quod si me contemnens pergas Missam offerre, nō
 solas orationes, scito me fuisse monitorem tibi fidelem, & in die iudi
 cij excusatum, tuum portabis ipse peccatum. Dixi, quæ tibi dicere te
 nebar frater fratri in salutem: tibi proderunt seruata, tibi nocebunt ne
 glecta. Quod si aliqui etiam damnarint hæc, illud Pauli respondeo,
 Mali vero homines & seductores proficient in peius, errantes, & in
 errorem mittentes.

Ex isto nunc facile illud quipis intelligit, quod usitatissimū ex Gre
 go. dicitur, Missam mali sacerdotis non minoris ducendam, quā bo
 ni cuiuscunq;. Nec sancti Petri meliorem fuisse, quā Iudæ traditoris, si
 sacrificassent. Hoc enim operculo suas impietates quidam velant, &
 hinc distinctionem operis operati, & operis operantis inuenerūt: quo
 secure ipsi male viuere, & alijs tamen benefacere præsumerent. Verum
 Gregorius recte dicit, at illi peruersæ cum intelligunt. Verissimum est
 enim, per impios sacerdotes non minus de testamento & sacramento
 dari & accipi, quā per quosq; sanctissimos. Quis enim dubitat, Euan
 gelium prædicari per impios? At Missa, est pars Euangelij, immo sum
 ma & compendium Euangelij. Quid est enim uniuersum Euangelij,
 quam bonum nunciū remissionis peccatorū? At quicquid de remis
 sione peccatorū & misericordia dei lausime & copiosissime dici po
 test, breuiter est in verbo testamenti comprehensum. Vnde, & concio
 nes populares aliud esse non deberent, quam expositiones Missæ, id
 est, declarationes promissionis diuinæ huius testamenti. hoc enim esset
 fidem docere, & vere Ecclesiam ædificare. At qui nunc Missam expo
 nunt, in allegorijs humanarum ceremoniarum ludunt & illudunt.

Igitur, sicut impius potest baptizare, id est, verbum promissionis &
 signum aquæ super baptizandū ferre: ita potest & promissionē huius
 sacramenti proferre & ministrare vscitibus, & simul ipse vscit: sicut
 Iudas traditor in cornu domini, manet tamen semp idē sacramentū &

DE CAPTIVITATE

testamentum, quod in credente operatur suū opus, in incredulo operatur alienum opus. Verum, in offerendo longe aliud agitur. Cum enim non Missa, sed orationes offerantur deo: clarum est, oblationes impij sacerdotis nihil valere. Sed (ut idem Grego. ait) cum is, qui indignus est ad deprecandum mittitur, animus iudicis ad deterius provocatur. Non ergo sunt confundenda illa duo, Missa, & oratio: sacramentum, & opus: testamentum, & sacrificium. Quia alterum venit a deo ad nos per ministerium sacerdotis, & exigit fidem. Alterum prodegit a fide nostra ad deum per sacerdotem, & exigit exauditionem. Illud descendit, hoc ascendit: ideo, illud non requirit necessario dignū & pium ministrum, hoc vero requirit. quia deus peccatores non exaudit, qui novit per malos benefacere, sed nullius mali acceptat opus. sicut monstravit in Cayn. & Prouerb. xv. dicitur, Victimę impiorum abominabiles domino. Roma. xiiij. Omne quod non est ex fide, peccatum est.

Vt autem finem huius primę partis faciamus, reliqua producturi, ubi impugnator insurrexerit, Concludimus ex omnibus his, quibus nam Missa sit parata, & qui digne communicent. Nempe soli n̄ qui tristes, afflictas, turbatas, cōfusas & erroneas non habēt cōscientias. Nam, verbum diuinę promissionis huius sacramenti cum exhibeat peccatorum remissionem, secure accedit quicunq; peccatorum suorum vexatur siue morlu, siue tiullatione. Est enim testamentum hoc Christi medicina unica, pręteritorum, pręsentium, & futurorum peccatorū: modo indubitata fide ei adhæseris, & credideris tibi gratuito dari id quod verba testamenti sonant. Quod si non credideris, nusquam, nunquam, nullis operibus, nullis studijs, conscientiam poteris pacare. Fides enim sola est pax conscientię, infidelitas autem sola, turbatio conscientię.

DE SACRAMENTO BAPTISMI.

Benedictus deus & pater domini nostri Iesu Christi, qui secundum diuitias misericordię suę saltem hoc unicum sacramentum seruauit in Ecclesia sua illibatum & incontaminatum a cōstitutionibus hominum, liberumq; fecit omnibus gētib; omniumq; hominum ordinibus; nec passus est & ipsum teterrimis quęstus & impijsimis superstitionū portentis opprimi: eo scilicet cōsilio usus, qđ paruolos,

B A B Y L O N I C A.

qui auaritiæ & superstitionis capaces non sunt, eo voluit iniuri, & simplicissima fide verbi sui sanctificari: quibus & potissimum hodie prodest baptismus. Nam, si adultis & maioribus donandū esset hoc sacramentū, non videretur potuisse & eius perseverari virtus & gloria, præ tyrannide Auaritiæ & Superstitionis, quæ omnia diuina nobis supplantauit. Inuenisset sine dubio & hic prudentia carnis suas præparationes & dignitates: deinde reueruationes, restrictiōes, & si qua sunt similia rhetia pecuniarū, quibus aqua non vilior, quam nunc membræ, venderetur.

Verum, ubi virtutem Baptismi in paruulis non potuit Satan extinguere, præualuit tamen ut in omnibus adultis exstingueret: ut iam fere nemo sit qui sese baptismum recorderetur, nedum gloriatur. tot reperitis alijs vijs remittendorū peccatorū, & in cælum veniendi. Præbuit his opinionibus occasionem verbū illud periculosum diui Hieronymi, siue male positum, siue male intellectū: quo poenitentia appellat secundam post naufragium tabulam. quasi baptismus non sit poenitentia. Hinc enim, ubi in peccatū lapsi fuerint, de prima tabula seu naue desperantes velut amissa, secundæ tantum incipiunt niti & fidere tabule, id est, poenitentia. Hinc nata sunt votorū, religionū, operū, satisfactorum, peregrinationū, indulgentiarū, sectarū infinita illa onera: & de his maria illa librorum, questionum, opinionum, traditionū humanarum, quas totus mūdus iam non capit: ut incomparabiliter peius habet Ecclesiam dei ea tyrannis, quam unquam habuit synagoga, aut ullam nationem sub cælo.

At Pontifici erat hæc omnia tollere, & Christianos omni cura ad sinceritatē baptismi reuocare: quo intelligerent, quid essent, & quid facere Christianos oporteat. Verum, unum est hodie eorū officiū, populos quam longissime abducere a baptismo, & diluio tyrannidis suæ oēs immergere: & facere, ut populus Christi (sicut Propheta ait) obliuiscatur eius imperpetuum. O infelices omnes, qui hodie pontifici cum nomine censentur: qui non modo nihil sciunt nec faciunt quod Pontifices decet, sed ignorant quoque quid scire & facere eos oporteat. Et implent illud Esaie. lvi. Speculatores eius cæci omnes, nescierunt uniuersi ipsi pastores ignorauerunt intelligentiam: omnes declinauerunt in viam suam, unusquisque ad auaritiam suam &c.

¶ Primum itaque in Baptismo obseruanda est diuina promissio, quæ dicit. Qui crediderit & baptizatus fuerit, saluus erit. Quæ promissio præferenda est incomparabiliter uniuersis pompis operū, votorum, religionum, & quicquid humanitus est introductū. Nam in hac pen-

De asserenda in baptismo

DE CAPTIVITATE

dei universa salus nostra. Sic autem est observanda, ut fidem exerceamus in ea: prorsus non dubitantes, nos esse saluos postquam sumus baptisati. Nam nisi hæc assit aut pareatur fides, nihil prodest baptisimus: immo obest, non solum tum cum suscipitur, sed toto post tempore vitæ. incredulus enim cuiusmodi, mendacem arguit promissionem diuinam, quod est summum omnium peccatorum. Hoc exercitium fidei si apprehenderimus, statim intelligemus, quam arduum sit credere promissioni huius diuinæ. Humana enim imbecillitas peccatorum suorum sibi consola, difficillime omnium credit se esse saluam aut saluandam: & tamen nisi id credat, saluari non poterit, quia non credit veritati diuinæ promissioni salutem.

Hæc erat prædicatione sedulo inculcanda populo, assidue recitanda ista promissio, semper reperendus baptisimus, iugiter excitanda fortitudo fides. Sicut enim semel super nos laeta diuina hac promissione, usque ad mortem veritas eius perseverat: ita fides in eandem nunquam debet intermitteri, sed usque ad mortem alii & roborari, perpetua memoria promissionis eiusdem in baptismo nobis factæ. Quare, dum a peccatis resurgimus siue poenitemus, non facimus aliud quam quod ad baptismi virtutem & fidem unde cecideramus reuertimur: & ad promissionem tunc factam redimus quam per peccatum deserueramus. Semper enim manet veritas promissionis semel factæ, nos extra meritum ceptura reuersos. Atque id, ni fallor, volunt qui obscure dicunt, Baptisimus in se primum & fundamentum omnium sacramentorum, sine quo nihil aliud queat aliorum obtineri.

Proinde, non parum profuerit, si poenitens primo omnium baptismi sui memoriam apprehendat, & promissionis diuinæ quam deseruit, eandem confiteatur domino: gaudens se tantam fiduciam recordari, habere salutis quod baptisatus sit: detestansque suam tam adhuc in præsidio, habere salutis quod baptisatus sit: detestansque suam impiam ingrati tudinem, quod a fide & veritate eiusdem defecerit. Mire enim cor eius confortabitur, & ad spem misericordiae animabitur, si consideret diuinam promissionem, & sibi factam, quam impossibile est mentiri, adhuc integram & non reuocari. Nam, nec mutabilem ullis peccatis esse, sicut Paulus dicit, Timothee. Si non credimus, ille fidelis peruenit, ut si cetera omnia ruant, hæc tamen cum credita, non derelinquet. Habet enim per hanc, quod insinuant aduersario opponat: habet, quod turbantibus peccatis conscientia non obiciat: habet, quod horum omnis & iudicij respondeat. Habet denique quoddam iuris rationibus solacium sit. Nempe, hanc unam veritatem, dicens: Deus

*penitus qui per
hunc mundum
debet*

B A B Y L O N I C A

est verax in promissionibus suis, cuius signum in baptismo suscepti;
Si deus pro me, quis contra me?

Si enim filij Israel ad poenitentiam reuerſuri, primo omnium exitu
de Aegypto memorabant; & hac memoria ad deũ, qui eduxerat eos,
revertebantur: quę memoria & hoc ipsum praſidium eis toties a Mo-
ſe inculcatur, & a David repetitur: quanto magis nos noſtrum de Ae-
gypto noſtra exitum debemus memorare, & eius memoria redire ad
eum qui nos eduxit per lauacrum regenerationis nouę, cuius memor-
ia in hoc ipsum nobis cõmendata eſt. Id quod omnium cõmodiſſime
ſieri in ſacramento panis & vini poteſt. Sic enim olim tria iſta ſacra-
menta, poenitentia, baptiſmus, panis, ſimul eodem officio frequenta-
bantur, & alterum alterum iuuabat. Ita legitur de quadam ſancta vir-
gine, quę quoties tentabatur, non niſi Baptiſmo ſuo repugnabat, di-
cens breuiſſime, Chriſtiana ſum. Intellexit enim hoſtis ſtatum virtutis
baptiſmi & fidei, quę in veritate dei promittens p̄debat, & fugit ab ea,

ita vides, quam diues ſit homo Chriſtianus ſiue baptiſatus, qui etiā
volens non poteſt perdere ſalutem ſuā quantuſcunq; peccatis, niſi no-
lit credere. Nulla enim peccata eum poſſunt damnare, niſi ſola incre-
dulus. Cætera omnia, ſi redeat, vel ſtet fides in promiſſionem diui-
nam baptiſato factā, in momento abſorbentur per eandẽ fidẽ: immo
veritatem dei, quia ſeipſum negare non poteſt, ſi tu eum conſeſſus fue-
ris, & promittenti fideliter adhaereſis. Contritio autẽ, & peccatorũ con-
feſſio, deinde & ſanctificatio, & omnia illa hominum excogitata ſtudia,
ſubito te deferent, & infeliciorem reddent, ſi oblitus veritatis huius di-
uinę in ipsis tete diſtenderis. Vanitas enim vanitatum & afflictio ſpi-
ritus eſt, quicquid extra fidem veritatis dei laboratur.

Simul vides, quam periculolum, immo falſum ſit opinari, poeni-
tentiam eſſe ſecundam tabulam poſt naufragiũ: & quam pernicioſus
ſit error, putare per peccatum excidiſſe vim baptiſmi, & nauem hanc
eſſe illiſam. Manet illa una ſolida, & inuicta naus, nec unquam diſſol-
uitur in ullaſ tabulas, in qua omnes vehuntur qui ad portum ſalutis
vehuntur, quę eſt veritas dei in ſacramentis promittens. Hoc ſane ſit,
ut multi & naue temere in mare proſiliāt & pereāt. hi ſunt q̄ deſerta pro-
miſſionis fide, in peccatũ ſeſe præcipitant. Verũ, naus ipſa permanet,
& tranſit integra curſu ſuo: quod ſi qua gratia ad nauẽ reuerſi poteſt,
nulla tabula, ſed ſolida ipſa naue feretur ad vitā. hic eſt, q̄ ad promiſſi-
onẽ dei ſtabilẽ & manentẽ per fidẽ reuerſit. Vnde Petrus. i. Pet. i. arguit
eos q̄ peccat, quod obliuionẽ accipiant purgationis veterũ delictorũ
ſuorum: ſine dubio, ingrati tudinem accepti baptiſmi, & impietatem

Fides

DE CAPTIVITATE

infidelitatis eorum taxans.

Quid ergo prodest, de baptismo tam multa scribere, & hanc fidem promissionis non docere? Omnia sacramenta ad fidem alendam sunt instituta; & hanc ipsam adeo non tangunt, ut etiam asserant impij homines, non debere hominem esse certum de remissione peccatorum, seu gratia sacramentorum, qua impietate orbem totum dementant, & sacramentū baptismi, in quo stat prima gloria conscientiae nostrae, funditus extinguunt, nedum captiuant; interim insanitētes in miseris actionibus, operibus, & id genus infinitis nugis. Esto ergo prudens lector, immo contemptor Magistri sententiarū libro quarto, cū omnibus suis scribenribus: qui tantum de materia & forma sacramentorum scribunt; dum optime scribunt, id est, mortuam & occidentem literā sacramentorum tractant. Ceterum spiritū, vitam & usum, id est, promissionis diuinæ veritatē & nostrā fidem prorsus intactas relinquunt.

Vide itaq; ne te fallant operum pompæ, & humanarum traditionum fallaciae; ut veritati diuinæ & fidei tuæ non facias iniuriam. A si de sacramentorum tibi incipiendū est, sine ullis operibus, si saluus fieri voles, fidem aut ipsa sequetur opera, tantū ne vilem habeas fidem, quæ opus est omnium operū excellentissimū & arduissimū: quo solo, etiam si cæteris omnibus carere cogereris, seruaberis. Est enim opus dei, non hominis, sicut Paulus docet. Cætera nobiscū & per nos operatur; hoc unicum in nobis, & sine nobis operatur.

Ex his perspicue discernere possumus, quid inter ministrum hominem, & autorem deum intersit in baptizando. Homo enim baptizat, & non baptizat, Baptizat, quia perficit opus, dum mergit baptizandum. Non baptizat, quia non fungitur in eo opere sua autoritate, sed vice dei. Vnde oportet nos baptismum de manu hominis non aliter suscipere, quam si ipse Christus, immo ipse deus nos suis proprijs manibus baptizaret. Non enim hominis est, sed Christi & dei baptismus quem recipimus per manū hominis. Sicut quolibet alia creatura qua utimur per manum alterius, non est nisi dei. Caue ergo sic discernas baptismū, ut externum homini, internū deo tribuas; utrunq; soli deo tribue, nec conferentis personam aliam, quā instrumentū vicariū dei accipe, per quod dominus in cælo sedens, te in aquam suis manibus proprijs mergit; & remissionem peccatorum promittit in terris, voce hominis tibi loquens per os ministri sui.

Hoc & ipsa verba tibi dicunt, cum dicit, Ego baptizo te in nomine patris, & filij & spiritus sancti Amen. Non dicit, Ego baptizo te in no-

*Cum ipso & qui
dicit baptizat*

*Cum spiritu in
et manu dei baptizat*

B A B Y L O N I C A .

mine meo. Quasi dicat: id quod facio, non mea autoritate, sed vice & nomine dei facio: ut non aliter habeas, quam si ipse dominus visibiliter fecisset. Autor & minister diuersi sunt, sed opus idem utriusque, immo solius auctoris, per ministerium meum. Sic enim ego arbitror, in nomine, referre personam auctoris, ut non tantum sit nomen domini preterendere & inuocare in opere, sed ipsum opus tanquam alienum, alterius nomine & vice implere. Quo tropo Matt. xxiiij. Christus dicit, Multi venient in nomine meo. Et Ro. i. Per quem accepimus gratiam & Apostolorum, ad obediendum fidei in omnibus gentibus pro nomine eius.

Hanc sententiam ego libentissime sequor. quod sit plenissimum fortis & efficax fidei adiutorium, nosse se esse baptisatum, non ab homine, sed ab ipsa trinitate per hominem, qui nomine eius rem gerat apud nos. Quo cessat illa ociosa contentio, qua de forma baptismi (quam appellant ipsa verba) litigant. Græcis dictis, Baptisetur seruus Christi. Latinis, Ego baptiso. Item alij rigidissime nugantes, damnant sic dicentem, Ego baptiso te in nomine Iesu Christi, quo ritu certum est Apostolos baptisasse, ut in Actis apostolicis legimus: voluntque nullam aliam deinceps valere quam istam. Ego baptiso te in nomine patris & filij & spiritus sancti Amen. Sed frustra contendunt, nihil enim probant, sua somnia duntaxat afferunt. Quocumque modo tradatur baptismus, modo non in nomine hominis, sed in nomine domini tradatur, vere saluum facit. Immo non dubitem, si quis in nomine domini suscipiatur: etiam si impius minister non det in nomine domini, vere baptisatum esse in nomine domini. Non enim in conferentis tantum, quantum in suscipientis fide vel usu, sita est virtus baptismi. Sicut legitur exemplum de quodam Mimo, per iocum baptisato. Has & similes disputationum & questionum angustias, fecerunt nobis ij qui fidei nihil, operibus aut ritibusque omnia tribuerunt. cum soli fidei omnia & nihil ritibus debeamus, quæ nos facit liberos spiritu ab oibus istis scrupulis & opinionibus.

¶ Alterum quod ad baptismum pertinet, est signum seu sacramentum quod est, ipsamersio in aquam, unde & nomen habet. Nam baptiso gratia, mergo latine, & baptismusmersio est. Dictum est enim, iuxta promissiones diuinas dari & signa, quæ id figurent quod verba significant, seu ut recentiores dicunt, sacramentum efficaciter significat: quod quale sit videbimus. Arbitrati sunt quamplurimi, esse aliquam virtutem occultam spiritualem in verbo & aqua quæ operetur in anima recipientis gratiam dei. His alij contradicentes statuunt, nihil esse vix

*de his qd in
opere
fidei*

Baptisum sumit

DE CAPTIVITATE

turis in sacramentis, sed gratiam a solo deo dari, qui assisit ex pacto sacramentis a se institutis. Omnes tamen in hoc concedunt, sacramenta esse efficaciam signa gratiæ. ad quod hoc unico mouentur argumento. Non videri alioqui qua ratione nouæ legis sacramenta præstarent virtutis, si solū significarent. Et hinc impulli sunt tantum tribuere sacramentis nouæ legis, ut prodesset ea statueret, etiā ijs qui in peccatis mortalibus sunt, nec requiri fidē aut gratiā, sed sufficere, non posuisse obicem, hoc est, actuale propositum denuo peccandi.

Hæc aut, quia sunt impia & infidelia, contra fidem & naturā sacramentorū pugnantia, diligenter sunt cauenda & fugienda. Error enim est, sacramenta nouæ legis differre a sacramentis veteris legis. penes efficaciam significationis, utraq; æqualiter significabant. Idem enim deus, qui nos nunc per baptismum & panem saluat, saluauit Abel per sacrificium, Noë per arcum, Abraham per circumcisionem, & alios omnes per sua signa. Nihil itaq; differt sacramentum veteris & nouæ legis quo ad significationem, modo veterem legem appelles quicquid in patriarchis & alijs patribus tempore legis operatus est deus. Nam ea signa quæ in patriarchis & patribus facta sunt, longe sunt discernenda a figuris legalibus quas Moyses in lege sua instituit: quales sunt, ritus sacerdotales in vestibus, vasibus, cibis, domibus & similibus. ab his enim non modo longissime differunt nouæ legis sacramenta, sed & ipsa signa, quæ pro tempore deus patribus dedit in lege viuentibus. quale fuit Gedeonis in vellere, Manue in sacrificio, quale & Isaias obtulit Achaz, Isa. viij. in ijs enim simul promittebatur aliquid, quo fides in deum exigebatur.

In hoc ergo differunt legales figuræ a signis nouis & vetustis: quia legales figuræ non habent annexum verbum promissionis quod fidem exigat, unde non sunt signa iustificationis. quia non sunt sacramenta fidei, quæ sola iustificat, sed sunt sacramenta operis tantum. Totā enim eorum vis & natura est, opus, non fides. Qui enim ea faciebat, implebat ea, etiam sine fide operans. At nostra, & patrum signa seu sacramenta habent annexum verbum promissionis, quod fidem exigat, & nullo opere alio impleri potest: ideo sunt signa seu sacramenta iustificationis, quia sunt sacramenta iustificantis fidei & non operis: unde & tota eorum efficacia est ipsa fides, non operatio. Qui enim eis credit, is implet ea, etiam si nihil operetur. Inde proverbium illud, Non sacramenta, sed fides sacramenta iustificat. Sic circumcisio non iustificauit Abraham & semen eius, & tamen Apostolus eam appellat signaculum iustitiæ fidei. Quia fides in promissionem, cui iuncta fuit circumcisio, iustificat.

*non habet a se
promissum differt
Sed non habet mē
operis
operis*

*Operis figuræ nihil nisi operum fuerint
pne fide
non sunt operum. ex opere*

BABYLONICA.

bat & implebat id quod circumcisio significabat. Fides enim fuit circumcisio prepuj cordis in spiritu, quam figurabat circumcisio carnis in litera. Sic sacrificiū Abel plane non eum iustificabat, sed fides, quæ se deo totum obtulit, quā sacrificiū externū figurabat.

Ita baptismus neminem iustificat, nec ulli prodest, sed fides in verbum promissionis, cui additur baptismus hæc enim iustificat, & implet id quod baptismus significat, fides enim est submersio veteris hominis, & emerſio noui hominis. Quare fieri non potest, ut sacramenta noua differant ab antiquis sacramentis. Habent enim æque promissiones diuinas, & eundem spiritum fidei: licet a figuris antiquis in comparabiliter differant, propter verbū promissionis, quod est mediū unicū & efficacissimū differentię. Sicut & nunc pompa vestium, locorum, ciborum & infinitarū ceremoniarum sine dubio figurat egrēgia in spiritu implenda: & tamen quia nullum adest eis verbum diuinę promissionis, nulla ratione cum signis baptismi & panis consecrati possunt nec iustificare, aut proficere ullo modo. cum impletio eorū sit ipse usus, seu opus eorū sine fide. dum enim fiunt, seu aguntur, impleantur. Sicut & Apostolus Colos. ij. de eis dicit, quæ omnia ipso pereunt usu, iuxta præcepta & doctrinas hominum &c. At sacramenta non implentur dum fiunt, sed dum creduntur.

Ita nec verum esse potest, sacramentis inesse vim efficacem iustificationis, seu esse ea signa efficacia gratiæ. Hæc enim omnia dicuntur in fiduram fidei, ex ignorantia promissionis diuinę. Nisi hoc modo efficacia dixeris, quod si assit fides indubitata, certissime & efficacissime gratiam conferat. At non hoc modo efficaciam illis tribui probat, quod ea prodelle dicunt omnibus etiam impijs & incredulis, modo non ponat obiectionem, quasi ipsa incredulitas, non sit omnium obstinatissimus & hostilissimus obex gratiæ. adeo ex sacramento præceptū, ex fide opus facere moliti sunt. Nam, si dat gratiam mihi sacramentū, quia suspicio: iam vere ex opere meo, non ex fide gratiam obtineo: nec promissionem in sacramento apprehendo, sed solum signum instituitur & præceptū a deo. Ita clare vides, quā nihil sacramenta intelleda sunt sententiaris Theologis: quod nec fidei, nec promissionis ulla in sacramentis ratione habuerint, tantū in signo & usu signi heredes, & ex fide in opus, ex verbo in signū nos rapiētes: quæ ut dixi sacramenta non modo captiuauerūt, sed penitus, quod in eis fuit, aboleuerunt.

Nos ergo aperientes oculū discamus, magis verbum quā signum, magis fidem quam opus, seu usum signi obseruare. Scientes, ubique est promissio diuina, ibi requiri fidem. Ellecq; utrunq; tam necessariū,

*nam in opere &c. signum sed in verbis & fide
promissio & fides
namq; hoc sacramentum quod habet fide & promissionem
&c. per se habet in se ipsum*

DE CAPTIVITATE

in neutrum sine utro efficax esse possit. Neque enim credi potest, nisi al-
sit promissio: nec promissio stabilitur, nisi credatur. ambæ vero si mu-
tæ sint, faciunt veram & certissimam efficaciam sacramentis. Quare
efficacia sacramenti citra promissionem & fidem querere, est frustra
niti, & damnationem inuenire. Sic Christus. Qui crediderit & baptis-
tus fuerit, saluus erit: qui non crediderit, condemnabitur. Quò mon-
strat, fidem in sacramento adeo necessariam, ut etiam sine sacramento
seruare possit, ideo noluit adijcere, Qui non crediderit, & non bap-
tismus fuerit.

Significat itaque baptismus duo, mortem, & resurrectionem: hoc est,
plenariam consummatamque iustificationem. Quod enim minister pue-
rum immergit in aquam, mortem significat: quod autem rursus educit,
vitam significat. Ita Paulus Ro. vi. exponit. Consepulti enim sumus
Christo per baptismum in mortem: ut quemadmodum Christus resur-
xit ex mortuis per gloriam patris, ita & nos in nouitate vitæ ambu-
lemus. Hanc mortem & resurrectionem appellamus nouam creaturam, re-
generationem, & spirituales natiuitatem: quam non oportet allego-
rice tantum intelligi de morte peccati & vita gratiæ, sicut multi solent,
sed de vera morte & resurrectione. Non enim baptismus significatio
ficta est. Neque peccatum moritur, neque gratia surgit plene, donec corp-
peccati, quod gerimus in hac vita, destruat. ut ibidem Apostolus di-
cit. Nam donec in carne sumus, desideria carnis mouent & mouent.
Quare dum incipimus credere, simul incipimus mori huic mundo,
& viuere deo in futura vita, ut fides vere sit mors & resurrectio, hoc
est, spiritualis ille baptismus, quo immergimur & emergimus.

Quid ergo baptismo tribuitur ablutio a peccatis, vere quidem tri-
buitur: sed lentior & mollior est significatio, quam ut baptismum ex-
primat, qui potius mortis & resurrectionis symbolum est. Hac ratio-
ne motus, vellet baptisandos penitus in aquam immergi, sicut sonat
vocabulum & signat mysterium: non quod necessariū arbitret, sed quod
pulchrum foret, rei tam perfectæ & plenæ signum quoque plenum &
perfectum dari, sicut & institutum est sine dubio a Christo. Peccator enim
non tam ablui quam mori debet: ut totus renouetur in aliam creaturam,
& ut morti ac resurrectioni Christi respondeat, cui per baptismum com-
moritur & corresurgit. Licet enim possis Christum dicere ablutum a
mortalitate, dum mortuus est & resurrexit: segnius tamen dixeris, quā
si in totum mutatum & renouatum dixeris: ita ardentius est, per baptismum
nos significari omnibus modis mori & resurgere in eternam vitam,
quam ablui a peccatis.

Hic iterum vides, Baptismi sacramentū etiam quo ad signum non esse momentaneū aliquod negotium, sed perpetuum. Licet enim usus eius subito transeat, tamen res ipsa significata durat usq; ad mortem, immo resurrectionem in nouissimo die. Quamdiu enim viuimus, semper id agimus quod baptismus significat, id est, morimur & resurgimus. Morimur inquā non tantū affectu & spiritualiter, quo peccatis & vanitatibus mundi renunciamus: sed reuera, vitam hanc corporalem incipimus relinquere, & futuram vitam apprehendere, ut sit realis (qd dicitur) & corporalis quoq; transitus ex hoc mūdo ad patrē.

Quare nobis cauendum est ab ijs, qui baptismi vim eo redegerunt tenuitatis & paruitatis, ut gratiā in eo dicant quidem infundi, sed postea per peccatū effundi: tum alia via, ac iam quasi baptismo penitus irritō factō ad cōelum eundū. Non sic tu arbitrabere, sed intelliges eā esse baptismi significationem, qua moriaris & viuas: ideo non posse te siue per poenitentiam, siue per quancūq; aliam viam redire, nisi ad vim baptismi, ac denuo illud facere quod baptisatus es ut faceres, quodq; baptismus tuus significabat. Nunquā sit baptismus irritus, donec desperans redire ad salutē nolueris. Aberrare quidē poteris ad tempus a signo, sed non ideo irritum est signū, ita semel es baptisatus sacramentaliter, sed semper baptisandus fide, semper moriendū, semperq; viuendū. Baptismus totum corpus absorbit, & rursus edidit: ita res baptismi totam vitam tuam cum corpore & anima absorbere debet, & reddere in nouissimo die, indutam stola claritatis & immortalitatis. Itaq; nunq; sine baptismi tam signo quam re ipsa sumus, imo semper sumus baptisandi magis ac magis, donec signum perfecte impleamus in nouissimo die.

Intelligis ergo, quicquid in hac vita gerimus, quod ad mortificationem carnis & viuificationem spiritus valet, ad baptismū pertinere: & quo breuius a vita absoluihur, eo citius baptismū nostrum impleamus: & quo atrociora patimur, eo felicius baptismō respōdeamus. Ideoq; Ecclesiam tunc fuisse felicissimā, quando martyres mortificabantur omni die, & aestimabantur sicut oues occisionis. tunc enim regnabat in Ecclesia virtus baptismi pleno imperio: quā hodie ignoramus etiam prae multitudine operum & doctrinarum humanarum. Quicquid enim viuimus, Baptismus esse debet, & signū seu sacramentum baptismi implere. cū a ceteris omnibus liberati, uni tantū baptismi sumus addicti, id est, morti & resurrectioni.

Hanc gloriam libertatis nostrae, & hanc scientiam baptismi esse hoc die captiuam, cui possumus referre acceptum, quam uni tyrannidi

Vides baptis-
mū in d. 1. 2. 3.
m. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

Hic
p. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

DE CAPTIVITATE

Romani pontificis: qui, ut pastorem primum dectet, unus omniū maxime debuit esse predicator & assertor huius libertatis & scientie, sicut Paul^{us}. ij. Corint. iij. dicit. Sic nos existimet homo sicut ministros Christi, & dispensatores mysteriorum seu sacramentorum dei. Ipse solū id agit, ut suis decretis & iuribus opprimat, & in potestatis sue tyrannide captiuos illaqueet. Obsecro, quō iure (ut non dicam, quam impie & damnabiliter hæc mysteria omitat docere) Papa super vos constituit leges? Quis dedit ei potestatem, captiuandæ huius nostræ libertatis, per baptismum nobis donatæ? Vnum (ut dixi) nobis in tota vita agendum est propositum: ut baptisemur, id est, morificemur: & viuamus per fidem Christi, quam ei unice doctrinam oportuit, maxime a summo pastore. At nunc, tacita fide, infinitis legibus operum & ceremoniarum exincta est Ecclesia, ablata virtus & scientia baptismi, impedita fides Christi.

Dico itaq; neq; Papa, neq; Episcopus, neq; ullus hominum habet ius unius syllabæ constituendæ super Christianum hominē, nisi id sit ei eiusdem consensu. Quicquid aliter sit tyrannico spiritu sit. Ideo orationes, ieiunia, donationes, & quæcūq; tandem Papa in universis suis decretis tam multis quā iniquis statuit & exigit, prorsus nullo iure exigit & statuit: peccatq; in libertatem Ecclesiæ, toties quoties aliquid horum attentauerit. Hinc factū est, ut ecclesiastici hodierni, strenui qui demum sint tutores libertatis Ecclesiæ, id est, lapidum, lignorum, agrorum & censuum (sic enim hodie Ecclesiastica sunt idem quod spiritalia) sed eisdem sictis, verbis veram Ecclesiæ libertatem non modo captiuent, sed pessudent penitus, etiam plus quā Turca, contra Apostolū qui dicit, Nolite fieri serui hominum. Hoc enim vere est hominum serui fieri, statuti & tyrannici eorum legibus subijci.

Adiuuant hanc impiam & perditam tyrannidem discipuli Papæ, huc torquentes & deprauantes illud Christi, Qui vos audit, me audit. Magnis enim buccis hoc inflant verbum pro suis traditionibus: cum Christus hoc dixerit Apostolis cunctibus prædicare Euangelium, & ad Euangelium tantum referri debeat ipsi omisso Euangelio, suis fabulis tantū id apiant. Dicit enim Iohan. x. Oves meæ vocem meam audiunt, alienorum autē vocem non audiunt. Ideo & relictum est Euangelium, ut vocem Christi sonarent Pontifices: at ipsi suas voces sonant, audiri deprecantur volunt. Apostolus quoq; dicit se se missum esse, non baptizare, sed euangelizare, itaq; nemo est obnoxius Pontificis traditionib; nec oportet eum audiri, nisi dum Euangelium & Christum docet: nec aliud ipse docere debet quā fidem liberissimam. Cum autem Christus dicat,

*audire me
audire me
propter hoc dico.*

*fidem liberissimam
liberissimam*

B A B Y L O N I C A.

Qui vos audit, me audit, cur non Papa quoq; audit alios? Non enim soli Petro dicit, qui te audit. Deniq; ubi est vera fides, ibi & verbum si dei esse necessarium est. Cur ergo Papa infidelis nō audit quādoq; seruum suum fidelem habentem verbum fidei? Cæcitas, cæcitas in Pontificibus regnat.

Alij vero multo impudentiores, ex illo Matt. xvi. Papæ arrogāt potestatem legum condendarū. Quodcūq; ligaueris &c. cum ibi Christus de peccatis ligandis & remittendis agat, non de Ecclesia tota capitanda & legibus opprimenda: ita omnia agit ista tyrānis sictis suis verbis, rōtis per vim ac deprauatis verbis dei. Hoc sane confiteor, Esse tyrannidem istam maledictā ferendam Christianis, sicut quamlibet aliam violentiam huius mundi, iuxta illud Christi, Qui te percussit in maxillam dexteram, præbe ei & alteram: sed hoc quæro, quod impij pontifices se id iure posse & facere faciunt, & rei Christianæ se confutere hac Babylone sua presumunt, hanc ipsam opinionē omnibus persuadentes. Si em̄ conscientia impietatis & tyrannidis ea facerent: aut nos patere vim eorum: inter ea securi numeraremus quæ ad mortificandam vitam hanc, & implendū baptismum valent, integra nobis restita conscientia gloriandi de iniuria illata. At nunc volunt sic conscientiam libertatis nostræ illaqueari, ut credamus bene a se geri quæ gerūt: nec licere eā reprehendi, aut inique gesta querulari: & cum sint lupi, videri volūt pastores: cum sint Antichristi, volūt honorari pro Christo. Pro hac dumtaxat clamo Libertate, & conscientia: clamoque reddimus.

Christianis nihil ullo iure posse imponi legum, siue ab hominibus, siue ab angelis, nisi quantum volunt. Liberi enim sumus ab omnibus. Quod si quæ imponuntur, sic ferenda sunt ut libertatis conscientia salua sit, quæ sciat & certo asserimet iniuriam sibi fieri: quam cum gloria ferat, ita cauens, ne iustificet tyrannidē, ut ne murmure contra tyrannidem. Quis enim est (ait Petrus) qui vobis noceat, si bonum emulati fueritis? Omnia cooperantur vobis in bonum. Attamen quia hanc baptismi gloriam, & libertatis Christianæ felicitate pauci noverunt, nec præ tyrannide Papæ nosse possunt, ipse me hic expeditio, & conscientia meam redimo, compellans Papam & omnes papistas, Quod nisi statuta & traditiones sustulerint, & ecclesijs Christi libertatem suam restituerint, eamq; doceri fecerint, reos esse omnium animarum quæ hac misera captiuitate pereunt: esseq; Papatum aliud reuera nihil, quā regnū Babylonis, & veri Antichristi. Quis enim est homo peccati & filius perditionis, quā is, qui suis doctrinis ac statutis prophanis, peccata &

per papam

Cum per papam

Cum per papam

per papam

galeas habet

DE CAPTIVITATE

perditionē animarum auget in Ecclesia, sedens tamen in Ecclesia sicut deus? At hoc totū abunde impleuit tyrannus papalis iam a multis sæculis: quæ fidem extinxit, sacramēta obscurauit, Euangelii oppressit, suas autē ror modo impias & sacrilegas verumetiam barbaras & indoctissimas leges imperauit, & sine fine multiplicauit.

Vide ergo miseriam captiuitatis nostræ. Quomodo sedeat sola ciuitas plena populo, & facta sit vidua domina gentium, princeps prouinciarum sub tributo. Non est qui consoletur eam, etiam amici eius spreuerunt eam &c. Tot ordines, tot ritus, tot sectæ, tot *professiones*, tot studia, tot opera sunt quibus hodie Christiani occupantur, ut obliuiscantur baptismi sui: & nemo præ harum locustarum, erucarum, bruchorum multitudine meminisse possit, sese esse baptisatū, aut quid in baptismo consecutus sit. Decebat enim nos esse sicut paruuli baptisati, qui nullis studijs, nullisq; operibus occupati in omnia sunt liberi, solius gloria baptismi sui securi & salui. Sumus enī & ipsi paruuli in Christo assidue baptisati.

Opponetur forsitan ijs quæ dicta sunt, baptismus paruulorū, qui promissionem dei non capiant, nec fidem baptismi habere possunt: ideoq; aut non requiri fidem, aut paruulos frustra baptisari. Hic dico quod omnes dicunt, fide aliena paruulis succurri, illorū qui offerunt eos. Sicut enim verbū dei potens est dum sonat etiam impij cor immutare, quod non minus est surdum & incapax quā ullus paruulus: ita per orationem Ecclesiæ offerentis & credentis, cui omnia possibilia sunt, & paruulus fide infusa mutatur, mūdatur, & renouatur. Nec dubitarem eum adulū impium, eadem Ecclesia orante & offerente, posse in quouis sacramento mutari. sicut de paralytico Euangelico legimus aliena fide sanato. Atq; hac ratione libens admitterē sacramenta uox legis esse efficacia ad dandā gratiam non modo non ponentibus, sed etiam obstinatissime ponentibus obicem. Quid enim fides Ecclesiæ & oratio fidei non tolleret, cum Paulum Apostolum Stephanus hac vi conuersisse credatur? At tunc sacramenta non sua, sed fidei virtute faciūt quod faciūt, sine qua nihil prorsus faciunt, ut dixi.

Queritur etiam adhuc, an paruulus nondū natus, possit perfecta ex vetero manu vel pede baptisari? Hic nihil temere iudico, meamq; ignorantiam confiteor. Nec scio, an id satis sit quod pro fundamento habet, esse videlicet animam in qualibet parte corporis totam. Non enim anima, sed corpus baptisatur aqua externe. Sed nec hoc iudico quod dicunt, renasci cum non posse qui natus nondum sit: & si vehementer urgeat, ideo magisterio spiritus hæc relinquo, interim sinens.

quench suo sensu abundare.

Vnum hic addo, quod utinam cunctis queam persuadere: id est, ut vota prorsus omnia tollerentur, aut vitarentur, siue sint religionum, siue peregrinationū, siue quoruncunq; operū: maneremusq; in libertate religiosissima & operosissima baptismi. Dicit non potest quantū detrahat baptismus, & obsecret scientiā libertatis Christianæ, opinio illa votorū plus nimio celebris: ut interīm taceam insanda etiam, eaq; infinita pericula animarū, quæ vouendi ista libido, inconsultaq; temeritas quotidie auget. O impijs, pontifices & infelicissimi pastores, qui secure steritids, & in vestris cupiditatibus lasciuitis, & nihil compatiimini super ista contritione Ioseph pessima & periculosissima.

Oportuit hic generali edicto vel tollere vota, illa præsertim perpetua: & ad baptismi vota cunctos reuocare: vel diligenter monere, ne quis temere voueret nullum inuitare, immo difficiles tardosq; esse ad vota permittenda. Abunde enim vouimus in baptismis, & plus quā possumus implere: sat negotij habituri, si huic uni intenderimus. At nūc mare & aridam circumus: ut multos proselytas faciamus: munda dum sacerdotibus, monachis, monialibus implemus, & hos omnes perpetuis votis incarcerationamus. Hic inuenias, qui dispuunt & statuāt, opus intra votū esse præstantius opere extra & citra votum, & nescio quantis præmijs in cælo alijs præferendū. Pharisei cæci & impij, qui ex operū magnitudine & multitudine, aliaue qualitate metiuntur iustitiam & sanctitatem, quæ ex sola fide apud deum mensuratur, apud quē nulla est differentia operum, nisi quanta est fidei differentia.

Faciunt hac bucca sua homines impij, suis inuentionibus opinio nem & opera hominū instant, ad alliciendum stolidum vulgus, quod specie operū scire ducitur, in magnā iacturā fidei, obliuionē baptismi, injuriam libertatis Christianæ. Cum enim votum sic lex quædam & exactio, necessario multiplicatis votis: leges & opera multiplicantur: quibus multiplicatis, fides extinguitur, & baptismi libertas capiuat. Hjs blanditijs impijs non contenti, addunt alijs: Ingressum religionis esse velut nouum baptismū, quod deinceps licet toties renouari, quoties ab integro propositū religiōis renouatur: Ita votarij isti, sibi solis iustitiam, salutem, gloriam tribuerūt: Baptisatis prorsus nihil redierunt, quo possint eis conferri. Iam Rō. pontifex superstitionū omnium: fons & autor, magnificis bullis & indultis has viuendi rationes confirmat, approbat, ornauit: Baptismum vero nemo vel memoria dignatur. Atq; ns pompis speciosis (ut dixi) sequatē populū Christi, in quascunq; volent symplegadas pellunt: ut ingrati suo baptismis, præ-

*pro rebus mem
phos sui*

*pro rebus mem
phos sui*

*religio non
nec baptis.*

*populum religiosum
religio baptis.*

sumant meliora suis operibus prestare, quā alij sua fide.

Quare & deus rursus cum peruersis peruersus, ulturus ingrati-
nem & superbiam votariorum, facit, ut vota sua non seruent: aut cū
ingenti labore seruent, maneatq; in eis inmersi, nunquā fidei & ba-
ptismi gratiam cognoscētes: & cum non sit creditus cum deo spiritus
eorum, perseverent in hypocrisis sua in perpetuum, & eādem ludibrio
sint toti mundo: semper iustitiam sectando, & ad iustitiam nunquam
perueniendo. ut impleatur illud Isaiæ. ij. Et terra repleta est idolis.

Ego sane non prohibuerim, nec repugnaverim, si quis privatim ar-
bitrio suo quippiam velle vouere. ne vota penitus contēnam, aut da-
mnem: sed publicum vitę genus hinc statui & cōfirmari omnino dis-
suaserim. Sufficit cuiq; vouendi privata licentia periculo suo: publica
vero commendari rationem viuendi in votis vouendis, arbitror per-
niciosum esse Ecclesię, & animabus simplicibus. Primum, quod non
parum Christianę vitę repugnet, in hoc, quod votum est lex quedam
cerimonialis & humana traditio seu presumptio, a qua Ecclesiā p. ba-
ptismum liberata est. Christianus enim nulli legi addictus est, nisi diui-
næ. Deinde, quod non habeat exemplum in scripturis, præcipue casti-
tatis, obedientię, pauperiatis perpetuę votum. Quod autem ex scriptu-
ris exemplum non habet periculosum est, nulli prorsus suadendum
multo minus pro vulgari & publico viuendi genere statuendū: &
si cuiuslibet audere suo periculo quod voluerit sit permittendū. Opera
enim quedam spiritus in paucis operatur, quę in exemplum; aut vi-
uendi modum nequaquam sunt vocanda.

Sed & vehementer metuo, ne votiue istę viuendi rationes religio-
forum, sint de numero eorum de quibus Apostolus prædixit: Erunt
docentes in hypocrisis mendacium, prohibentes nubere, & abstinere a
cibis, quos deus creauit ad percipiendū cum grauatuma ctione. Nec
mihi quisquā obiecerit sanctū Bernardū, Franciscum, Dominicū, &
similes religionum vel autores, vel auctores. Terribilis et mirabilis est
deus in consilijs suis super filios hominū. Potuit Daniele, Ananiā,
Azariam, Misael in Babylōnici regni (id est, in media impietate) admi-
nistracione seruare sanctos, cur non potuisset & hos in periculofo vitę
genere sanctificare, aut singulari opere spiritus gubernare, quod tamē
exemplum alijs fieri nolle? Et certum est, nullum illorū per vota sua
& religionem fuisse saluatum, sed per fidem solā, in qua omnes salua-
mur: contra quam maxime omnium pugnant speciose illę seruitiu-
tes votorum.

Sed abunde hic sensu quisq; suo, ego quod cepti prosequar: cū pro-

libertate Ecclesie & gloria baptismi nunc loquar, in medium consule-
re debes quod spiritu magistro intellexero. Quare consulo. Primum
magnatibus Ecclesie, ut omnia ista vota, seu vitas veteriorum, tollat,
vel non probent & extollant. Aut si hoc non fecerint; suadeo omnibus
qui volunt securius salui fieri, ut sibi ab omnibus votis præsertim ma-
gnis & perpetuis temperent; maxime adulescentes & iuuenes. Hoc con-
sulo primum ideo; quod hoc vitæ genus, ut dixi, nullum habet in scri-
pturis testimonium & exemplum, sed solis hominum Pontificum bul-
lis, & vere bullis est infartum. Deinde, quod proclive sit in hypocrisis;
propter suam speciem & singularitatem, unde nascitur superbia & co-
tempus communis Christiani vite. Atque si nulla alia esset causa eade-
vota tollendi, hæc una satis haberet ponderis, Quod per ipsa fidei, &
baptismo detrahatur, & opera magnificantur quæ sine perniciæ magni-
ficari non possunt. Nam inter multa milia vix est unus qui non ma-
gis opera in religionibus suscipiat quàm fidem, qua infamia & sese mu-
tuo præferunt, tanquàm strictiores & laxiores, ut vocant.

Quare ego nulli suadeo, imò omnibus dissuadeo, ingressum cuius-
cunque religionis aut sacerdotij, nisi sit ea scientia præmunirus, ut intelli-
gat, opera quantūlibet sacra & ardua religionum & sacerdotum in o-
culis dei prorsus nihil distare ab operibus rustici in agro laborantis, aut
mulieris in domo sua curantis; sed sola fide omnia apud deum mensu-
rari, sicut Hieremias dicit, Domine oculi tui respiciunt fidem. Ecc. xxxij.
In omni opere tuo crede ex fide animæ tuæ, hæc enim est conservatio
mandatorum dei; imò, frequentius coniungere, ut gratius sit ancille,
aut serui domesticum & vile opus, quàm omnia ieiunia & opera religi-
osi & sacerdotis; ob fidei defectum. Cui ergo probabile sit vota hodie
non nisi ad operum valere instantiā & præsumptionem; metuendum est,
nisi quāminus de fide & Ecclesia esse, quā in sacerdotibus, monachis,
& episcopis; & eos ipsos esse reuera gentiles seu hypocritas, qui se Ec-
clesia aut cor Ecclesie, ac spirituales & rectores Ecclesie arbitrant; cum sint
nihil minus. Et hūc esse verè populū transmigrationis, in quibus capti-
ua sunt oīa quæ nobis in baptismo libera donata sunt; relicto populo ter-
ræ paupere & modico, quod ut coniugatis coniungit, viles in oculis illorum.
¶ Ex his duos insignes errores Romanorum pontificis cognosce. (appar-
tus. Prior, quod dispensat in votis; facit; id, quasi solus præ omni-
bus Christianis habeat auctoritatem, tanta est hominum impiorum te-
meritas & audacia, si enim votum dispensari potest, quilibet frater cum
proximo, & ipse secū dispensare potest. Sin dispensare proximus non po-
test, nullo iure Papa potest. Vnde enim habet hanc auctoritatem? Ex clauibus;

DE CAPTIVITATE

Athæ omnibus cōmunes sunt, & super peccata duntaxat valēt Mat.
xviii. Cum autē & ipsi fateantur, vota esse iuris diuini: quid miseræ fal-
lit & perdit animas, dispensans in iure diuino quod est indispensabi-
le? Blaſuerat quidē, rit. de vot. & voti redem. se posse mutare vota: sicut
olim in lege, primogenitum asini mutabatur oue, quasi idem sit pri-
mogenitum asini, & votum, quod tam constanter ubiq; exigit reddi:
aut si dominus in lege sua, ouem pro asino statuat mutari, mox etiam
homo Papa, in lege non sua, sed eiusdem dei, eandem habeat potesta-
tem. Non Papa hanc decretalem fecit, sed asinus pro Papa mutatus:
sic insigniter & delyrus & impius est.

Posterior, quod rursus decernit, matrimoniu dirimi, si alter altero
etiam inuito, monasteriu ingrediatur, nondum consummato matri-
monio. Obsecro, Quis satan hæc inspirat Papæ portenta? Deus præ-
cipit homini seruare fidem, & veritatem inuicem custodire: deinde, de
suo quenq; facere bonum. odit enim rapinam in holocaustum, ut per
Isaiam dicit. At coniunx alter alteri per pactum fidem debet: nec suus
est, quam nullo iure potest dissoluere, & quicquid de se facit, de rapina
facit, altero inuito. Aut quare non etiam hac regula, qui ære alieno
premitur, religionem intrat & suscipitur, ut a debitis liberetur, ut fidē
liceat negare? Cæci, cæci. Quid est maius? fides a deo præcepta, an vo-
tum per hominem excogitatu & electu? Tu es pastor animarū Papæ?
& vos estis doctores sacræ Theologiæ, qui hæc docetis? Qua enim
causa sic docetis? Nempe, quod votum meliore opere quam coniugi-
um ornastis: sed non fidem, quæ sola magnificat omnia: sed opera
magnificatis, quæ nihil sunt coram deo, aut omnia æqualia, quantiū
ad meritum attinet.

Ego itaq; non dubito in votis, si recta sunt, neq; homines, neq; an-
gelos posse dispensare. Sed hic non sum plane mihi ipsi persuasus, an
ea sub voto cadant omnia quæ hodie vouentur. Quale est illud mire
ridiculum & stultum, quod parentes vouēt prolem, vel nondum na-
tam vel infantem ad religionem seu perpetuam castitatem: immo hoc
sub nullo voto cadere certum est: & videtur esse quædam irritio dei,
dum ea vouent quæ nullo modo in sua sunt potestate. Ad religiosus
venio: quorum tria vota quo magis consydero eo minus intelligo:
mirorq; unde inoleuerit ista votorum exactio, iam hoc multo minus
intelligo, quo ætatis anno voueri possint, ut legitima sint & valeant.
In hoc placet cōuenisse omnes ante annos pubertatis, nihil valere vo-
ta eorum, licet magnam partem puerorum hic fallant, ignaram tam
suar ætatis quam rei quam vouent. Non enim obseruant in suscipien-

dis annos pubertatis. Tum profectos dira conscientia, quā consensu postea secuto captiuos tenent & deuorant: quasi votum quoddam ritum fuit, tandem ratum fiat succedentibus annis.

At mihi fultum videtur, ab alijs præstitui terminū legitimi voti alterius, qui sibiipsis non possunt præstituere. Nec video cur valeat votum decimo octauo anno factū, & non decimo aut duodecimo. Nec satisfacit, quod decimo octauo sentit homo carnem suā. Quid si vix vicesimo aut tricesimo sentiat, aut fortius tricesimo quā vicesimo sentiat. Aut cur non diffinitur æque terminus paupertatis & obedientiæ? Sed quod tempus dabis quo se avarū & superbum sentiat, cū etiā spiritualissimi hos affectus vix deprehendant? Ergo nunquam erit ullum votum, certum & legitimū, nisi donec spirituales facti fuerimus, & votis iā non eguerimus. Vides itaq; res istas incertas & periculosissimas esse unde saluare consilium foret, has sublimes viuēdi rationes votis liberas, soli spiritui relinquere, sicut olim fuerunt: & nequaquā in baptismo & libertate eius satis. Suo forte venient tempore vota latius tractanda: ut sunt reuera tractatu vehementer necessaria.

D E S A C R A M E N T O

P O E N I T E N T I A E.

TERTIO loco de Pœnitentiæ sacramento dicendum: in quare editis iā tractatulis & disputationibus satis multos offendit, et quid in ea sentirem abunde exposui. Nunc breuiter repetenda, pro tyrannide reuelanda, quæ non parcius hic grassatur quā in sacramento panis. In his enim duobus sacramentis quia lucrum & quæstus locū habet, incredibili negotio insaniuit avaritia pastorum in oues Christi: quæ ut iam de votis vidimus, & baptismus ut avaritiæ seruiretur, misere occubuit in adultis.

Primum, huius sacramenti & capitale malum est, quod sacramentū ipsum in totum aboleuerunt, ne vestigio quidem eius relicto. Nā cū & ipsum sicut & alia duo, constet verbo promissionis diuinæ, & fide nostra, unumq; subuerterunt. Nā verbum promissionis ubi Christus dicit Matt. xvi. Quodcūq; ligaueris &c. & xviij. Quodcūq; ligaueris &c. & Ioan. ult. Quorum remisseris peccata, remittuntur eis. &c. quibus prouocatur fides pœnitentium pro remissione peccatorū impetranda, suæ tyrannidi aptrauerunt. Vniuersis enim suis libris, studijs,

DE CAPTIVITATE

sermonibus non hoc egerunt ut docerent, quid Christianis in his ver-
bis promissum esset, quid credere deberet, & quantum consolationis
haberent sed quia late, longe, profunde ipsi potentia & violentia tyrā-
niserent, donec quidā & angelis in cælo ceperint mandare: & iam tunc
incredibili & furēti impietate, se cœlestis & terreni imperij iura in his
accepisse, atque in cœlis etiam ligandi potestatem habere. Ita prorsus ni-
hil de fide salutari populi, sed de potestate tyrannica Pontificū omnia
blatterant, cum Christus nihil de potestate, sed de fide omnia agat.

Non enim imperia, non potestates, non dominationes, sed ministe-
ria in Ecclesia sua constituit: sicut ex Apostolo didicimus, dicente, Sic
nos existimet homo ut ministros Christi, & dispensatores mysteriorū
dei. Quare sicut ibi cum dicit, Quicumque crediderit & baptizatus fuerit
saluus erit, fidem prouocauit baptizandorū: ut hoc promissionis ver-
bo homo certus sit, si baptizaretur credens salutem sese consecuturum:
ubi nihil prorsus potestatis tributum, sed ministerium duntaxat bap-
tizantium institutum sit: ita hic cum dicit, Quodcumque ligaueris &c. si
eodem prouocat penitentis: ut hoc promissionis verbo certus sit, si sol-
ueretur credēs, vere solum se esse in cælo. Vbi plane nihil potestatis,
sed ministerium tangitur absoluētis. Et satis mirum est, quid acciderit
cæcis illis & arrogantibus hominibus: ut ex promissione baptismali,
non etiam sibi tyrannidē arrogarint: aut si hinc non arrogant, cur in
penitentiali promissione id præsumerint, cum utrobique sit par mi-
nisterium, similis promissio, eadem sacramenti ratio: ut non possis ne-
gare, si baptismus non soli Petro debetur, etiam clauē impia tyranni
de soli Papæ arrogari.

Ita cum dicit, Accipite hoc est corpus meum quod pro vobis tra-
detur, Hic est calix in sanguine meo &c. fidem prouocat manducanti-
um: ut his verbis per fidem firmata conscientia certi sint, sese remissio-
nem peccatorum accipere si manducauerint. Nec hic aliquid potesta-
tis sonat, sed solum ministerium. Sed baptismi promissio utcumque vel
infantibus permanfit: panis & calicis promissio extincta, in auaritiæ
seruitutem migravit: & ex fide opus, ex testamento sacrificium natum
est. Penitentiæ promissio abiit in tyrannidem violentissimam, & im-
perium plus quam temporale statuendum.

Non hoc contenta Babylonia nostra, fidem quoque adeo extinxit,
ut impudenti fronte eam negaret necessariam esse in sacramento isto:
immo Antichristica impietate definiret hæresim esse, si fidem necessa-
riam quis assereret.

Quid amplius pouit tyrannis ista facere, & non fecit? Vere super

B A B Y L O N I C A.

flumina Babylonis sedemus & flemus, dum recordamur tui Zion.
In falicibus in medio eius suspendimus organa nostra. Maledicatur do-
minus steriles istas falices fluminum istorum, Amen.

Obliteratis itaque ac subuersis promissione, & fide, videamus quid
substituerint in locum earum.

TRES PARTES DEDERVNT

P O E N I T E N T I A E,

Contritionem, Confessionem, Satisfactionem: sed sic, ut in singulis
si quid boni inesset tollerent, & in eisdem quoque suam libidinem &
tyrannidem constituerent.

P R I N C I P I O, Contritionem sic docuerunt, ut eam si
de promissionis priorem facerent, & longe viliores: ut quæ non esset
fidei opus, sed meritum: immo non memorantur eam. Sic enim ope-
ribus inhæserunt & exemplis scripturarum, in quibus leguntur multi
veniam consecuti, propter cordis contritionem & humilitatem: sed
non aduertunt fidem, quæ contritionem & dolorem cordis operata
est. sicut de Niniuitis lonæ secundo scribitur, Et crediderunt viri Nini-
uite in Domino, & prædicauerunt ieiunium, &c.

His audaciores & peiores, sinxerunt quandam Attritionem, quæ
virtute clauium (quam ignorant) fieret contritio. Eam donant impi-
is & incredulis, ut sic uniuersa contritio aboleretur.

O iram dei insustentabilem, hæc in Ecclesia Christi doceri. Sic
securi, & fide & opere eius abolito, in doctrinis & opinionibus homi-
num incedimus, immo perimus. Magna res est cor contritum, nec ni-
si ardentis in promissionem & cōminationem diuinam fidei: quæ ve-
ritatem dei immobilem intuita tremefacit, & exterrit, & sic conterit cō-
scientiam: rursus exaltat & solatur, seruatque contritam: ut veritas com-
minationis sit causa contritionis, veritas promissionis sit solatijs, si cre-
datur: & hac fide homo mereatur peccatorum remissionem. Proinde
fides ante omnia docenda & prouocanda est. Fide autem obtempera-
tione & consolatio inuitabili sequela sua sponte venient.

Quare, & si non nihil docent, qui ex peccatorum suorum (ut vocant)
collectu & conspectu contritionem parandam docent, periculose ra-
men & peruerse docent: dum non ante principia & causas docent cō-
tritionis. nempe, diuinæ comminationis & promissionis veritatē im-
mobilem, ad fidem prouocandam. ut intelligant, multo maiori nego-
tio sibi veritatem diuinam esse spectandam, unde humiliantur & exal-
tentur, quæ peccatorum suorum turbam: quæ si citra veritatē dei spectentur,

DE CAPTIVITATE

potius reficiabunt & augebunt peccati defyderium, quā contritionē parent. Taceo hic infuperabile calos laboris qđ nobis impofuerunt: ſcilicet, ut omnium peccatorum formemus cōtritionem. cum hoc ſit impoſſibile, & minorem partem peccatorum ſcire poſſimus: deniq; & bona opera inueniantur eſſe peccata, iuxta illud pſal. cxiij. Non in tres in iudicium cum ſeruo tuo. quia non iuſtificabitur in conſpectu tuo omnis viuens. Satis enim eſt, ſi ea doleamus peccata quæ præſente conſcientia mordent, & facili proſpectu memoriæ cognoscuntur. Nā qui ſic affectus eſt, abſq; dubio paratus eſt de omnibus dolere & time-
re: dolebitq; ac timebit, ubi in futurum reuelata fuerint,

Caue ergo in contritionem tuā confidas, aut dolori tuo tribuas re-
miſſionem peccatorum. Non reſpicit te propter hoc deus, ſed propter fidem, qua minis & promiſſis eius credidiſti, quæ operata eſt dolorem. eiſmodi: ac per hoc non diligentia peccatorum collectrici, ſed veritati dei & fidei noſtræ debetur quicquid boni in poenitentia fuerit. Cē-
tera omnia ſunt opera & fructus, quæ ſua ſponte ſequuntur: & bonū hominem non faciunt, ſed a bono iam per fidem veritatis dei factō fi-
unt. Sic fumus aſcendit in ira eius: quia iratus montes cōturbat & ſue-
cendit, ut pſal. xvij. dicitur. Prior eſt terror comminationis: qui ſuccen-
dit impioſ, hanc fides acceptans ſumat contritionis nebulam. &c.

Contritio tamen minus tyrannidi & quæſtui, ſed in totum impieta-
ti & doctrinis peſtilentibus patuit. Confeſſio vero & ſatisfactio egre-
giæ officinæ factę ſunt luci & potentia. De confeſſione prius. Non eſt
dubium, confeſſionem peccatorū eſſe neceſſariam, & diuinitus māda-
tam Matt. iij. Baptiſabantur a Iohanne in Iordane, conſitentes peccata
ſua. i. Iohan. i. Si confeſſi fuerimus peccata noſtra, fidelis eſt & iuſtus q
remittat nobis peccata noſtra. Si dixerimus quia nō peccauiſmus, men-
daceſ eum facimus, & verbum eius in nobis non eſt. Si enim ſanctiſ.
non licet negare peccatum ſuum, quanto minus publicis aut magnis.
peccatis obnoxioſ oportet conſiteri. Sed omnium efficaciffime Matt.
xvii. inſtituta confeſſio probatur, ubi Chriſtus docet fratrem pecca-
tem corripiendum, prodendum, accuſandum, & ſi non audierit exco-
municandum. Tunc enim audiet: quando agnoſcet & conſitebitur pec-
catum ſuum, correptioni credens.

Occulta autem confeſſio quæ modo celebratur, & ſi probari ex ſcri-
ptura non poſſit, miro modo tamen placet: & utilis, immo neceſſaria
eſt: nec vellem eam nō eſſe, immo gaudeo eam eſſe in Eccleſia Chriſti.
cum ſit ipſa afflictis conſcientiis unicum remedium. Siquidē, deſecta
ſtrati noſtro conſciētia, & malo quod latebat familiariter reuelato, ven-

bum solatiij recipimus ex ore fratris a deo prolarum: quod fide suscepi-
 entes, paratos nos facimus in misericordia dei per fratrem nobis lo-
 quentis. Hoc solum detestor, Esse eam confessionem in tyrannidem &
 exactionem pontificum redactam. Nam & occulta sibi reseruant. De
 inde nominatis a se confessoribus reuelari mandant, ad vexandas sci-
 licet hominum conscientias solum pontificantes, officijs veris ponti-
 ficum prorsus (quæ sunt euangelizare, & pauperes curare) contemp-
 tis. Quin ea potissimū reseruant sibi impij tyranni, quæ minoris sunt mo-
 menti: magna vero passim relinquūt vulgo sacerdotum. Qualia sunt
 ridicula illa & conficta in Bulla cenæ domini. Immo, quo sit manife-
 stior peruersitatis impietas, ea quæ contra cultum dei, fidem, & prima
 præcepta sunt nō modo nō reseruant, sed & docent & probant. qua-
 lia sunt discursus illi peregrinationū, cultus peruersi sanctorum, men-
 daces legendæ sanctorum, varia fiducia & exercitia operum & cerimo-
 niarum: quibus omnibus fides dei extinguatur, & idolatria fouetur. si-
 cut est dies hæc: ut pontifices hodie alios non habeamus: quā quales
 olim Hieroboam in Dan & Bersabee cōstituit, vitulorum aureorum
 ministros: ut qui legem dei, fidem, & quicquid ad pascendas oues Chri-
 sti pertinet ignorantes, sua taneū inuenta populis in timore & potesta-
 te inculcant.

Ego & si violentiam istam reseruatorum ferendam esse suadeo, sicut
 & uniuersas omnium tyrannides ferre iubet Christus, & ihs exactori-
 bus parendum esse docet: amen ius reseruandi eos habere nego, nec
 credo: quod nec uno apice aut iota possunt probare, ego autem cōtra-
 rium probō. Primum, Si Christus Matt. xviij. de publicis peccatis di-
 cit, nos esse lucratos animam fratris: si correptus nos audierit: nec pro-
 dendum Ecclesiæ, nisi audire noluerit: & ita inter fratres peccatū emen-
 dari potest: quanto magis de occultis verum erit: ipsum tolli, si fratri
 frater sponte confessus fuerit. ut non sit necesse, Ecclesiæ, id est, prælato,
 aut sacerdoti (ut ipsi garriunt, interpretantes) id ipsum prodere. In quā
 sententiam & aliam habemus Christi autoritatē dicentis ibidē. Quod-
 cūq; ligaueritis super terram, ligatum erit & in cœlis: & quodcūq;
 solueritis super terram, solutum erit & in cœlis. Hoc enim omnibus et
 singulis Christianis dictum est. ubi & iterum in idem dicit. Rursum di-
 co vobis, Si duo ex vobis consenserint super terram, de omni re quā-
 cūq; petierint fiet illis a patre meo qui est in cœlis. At frater fratri oc-
 culta sua pandens, & veniam petens, certe cum fratre super terram con-
 sentit in veritate, quæ Christus est. De quo adhuc clarius ibidē prædi-
 ca cōfirmans dicit. Amen amen dico vobis, ubi fuerint duo, aut tres

g. iij.

Handwritten note: Etiam post alphon in a. Sacerdos in
 p. d. h.

DE CAPTIVITATE

in nomine meo congregati, in medio eorum sum ego.

Proinde ego non dubito, cum esse a peccatis suis occultis absolutū quisquis siue ipse confessus, siue correptus veniam petierit, & emendauerit coram quouis priuati fratre: quicquid contra hæc infanter Pontificum violentia, quando Christus & manifesta dedit absolueri cuilibet suo fidei. Adde & ratiunculam. Si occultorū valeret seruatio illa, ut nisi eis remissis nō esset salus: maxime illa impedirent salutem quæ supra memorauī, ipsa etiā bona opera & idolatriæ, quas a pontificibus docemur hodie. Quod si hæc nō impediunt grauissima, quanto minus & illa stultissime referantur leuiora? Verum, ignorantia & cæcitas pastorum operantur hæc portenta in Ecclesia. Quare ego principes istos Babylonis, & episcopos Bethauen monerem, sibi temperent a referuandis casibus quibuscunq;. Deinde, de occultis audientæ confessionis facultatem permittant liberrimā omnibus fratribus & sororibus: ut peccator cui voluerit suum peccatum reuelare: veniam & solatium, id est, verbum Christi ex ore proximi petiturus. Nihil enim agunt his suis temeritatibus, quā ut conscientias infirmorum sine causa illaqueent, suam tyrannidem impiam stabiliant: & e peccatis ac perditione fratrum avaritiam suam pascant. Sic enim sanguine animarū contaminant manus suas, & filij deuorantur a patribus, & Ephraim deuorant Iudam, & Syria Israel toro ore, ut Isaias dicit.

His malis adiecerunt circumstantias, item matres, filias, sorores, affines, ramos, fructus peccatorum: excogitata scilicet per acutissimos & ociosissimos homines etiam in peccatis arbore quadam consanguinitatis & affinitatis. tam fecunda est impietas & inscitia. Abijt enim ista cogitatio, cuiuscunq; nebulonis fuerit, in publicam legem, sicut & multa alia. Sic enim super Ecclesiam Christi vigilant pastores: ut quicquid vel somniauerint superstitionis, aut operis noui deuotarij illi stultissimi, mox proditum ornent etiam indulgentijs, & muniant bullis, tantū abest, ut inhibeant & populo dei sinceram fidem, & libertatem custodiant. Quid enim libertati & tyrannidi Babylonice? At ego, quicquid est circumstantiarum consuluerim penitus contemnere. Apud christianos una est circumstantia, quæ est, peccasse fratrem. Nulla enim per sona fraternitati christianæ comparanda est: nec aliquid aliud facit obseruatio locorum, temporum, dierum, personarū, & si qua est alia infaturatione superstitiosa, quā ut magnificet ea quæ nihil sunt, in iniuriam eorum quæ omnia sunt: quasi quid grauius aut maius esse possit fraternitatis christianæ gloria. Ita affigunt nos locis, diebus, & personis: ut vilescat fraterni nominis opinio, & pro libertate captiuitatem serua-

mus, nos quibus omnes dies, loci, personæ, & quicquid externū est, æqualia sunt.

S A T I S F A C T I O N E M quā indigne tractarint abunde dixi in causis Indulgentiarum: quæ egregie sunt ab alijs, ad per-
dendos Christianos in corpore & anima. Primum eam sic docuerūt, ut populus vecem satisfactionem non intelligeret unq̃: quæ est inno-
uatio vitæ. Deinde sic instant, & necessariam faciunt, ut fidei in Chri-
stum non relinquunt locum, miserrime excarnificatis eo serupulo con-
scientijs: alio currente ad Romam, alio huc, alio illuc, illo in Carthusi-
am, illo in alium locum: alio virgis se flagellante, alio corpus suū vi-
gilij & ieiunij occidente: omnibus uno furore dicentibus, Ecce hic
& hic est Christus, & regnum dei quod intra nos est, cum observatio-
ne venturum putantibus. Quæ monstra tibi debemus Romana sedes,
& tuis homicidis legibus & ritibus, quibus mundum totū eo perdidici-
sti, ut arbitretur sese posse deo per opera pro peccatis satisfacere: cui so-
la fide cordis contriti satisficit: quam tu his tumultibus non solum tace-
ri facis, sed opprimis etiā, tantum ut habeat sanguifuga tua insatiabi-
lis quibus dicat, affer, affer, & peccata vendas.

Processerant ex his quidam ad eas desperationis machinas anima-
bus parandas: ut statuerent, omnia peccata denuo esse repetenda confi-
renti: pro quibus iniuncta satisfactio esset neglecta. Et quid nō aude-
ret qui in hoc nati fuerunt: ut nihil nō decies captiuarent? Porro quāta
so pars ea est imbuta opinione, se esse in statu salutis: & pro peccatis sa-
tisfacere, si preculas a sacerdote impositas vocerentur murmuraverit?
etiā si interim ne cogitet quidē vitæ rationē emendare. Vno em̃ momē-
to cōtritionis & confessionis mutatā esse vitā credunt, suffesse verō tan-
tū: ut satisfaciant pro prætēitis peccatis. Quō aliter sapienter qui aliud
nō docentur? Nihil hic de mortificationē carnis cogitat: nihil valet exē-
plū Chri, q̃ adulterā absolvens dixit. Vade & amplius noli peccare:
crucē. i. carnis mortificandē ei imponēs. Huic pueritati dedit occasio-
nē non modicā, q̃ peccatē absoluit? ante satisfactionē impletā: qua
fit ut magis solliciti sint de implendā satisfactiōe quæ durat, q̃ de cōtri-
tione quā transisse inter confitendū credūt: cū ecōtra, absolutionē opo-
reat esse sicut erat in primitiua Ecclesia posteriorē, satisfactiōe impleta.
quo fiebat, ut opere cessante postea magis in fide & nouitate vitæ exer-
ceretur. Verū de ijs, satis repetitū esto, quæ sup̃ indulgentijs latius dixi:
atq; hæc in totū de tribus istis sacramētis interim retulisse satisficit: quæ tā
multis & noxijs libris sententiarijs & iuridicis tractant & non tractant.
sufficit de relijs q̃q; sacris aliqd tentare, ne sine cā videar eas reieciſſe.

DE CAPTIVITATE DE CONFIRMATIONE.

¶ Magnum est, quid in mentem illis venerit, ut sacramentum Confirmationis facerent ex impositione manuum, quae legimus Christum parvulos tetigisse, Apostolos dedisse spiritum sanctum, ordinasse presbyteros, & infirmos curasse. ut ad Timot. scribit Apostolus. Nemini manus cito imposueris. Cur non ex sacramento panis eundem Confirmationem fecerunt, quando scriptum est Act. ix. Et cum accepisset cibum confortatus est. Et psal. ciiij. Et panis cor hominis confirmet. ut sic Confirmatio tria complectatur sacramenta, panem, ordinem, & ipsam confirmationem? Si autem sacramentum est quicquid Apostoli fecerunt, cur non magis praedicationem fecerunt sacramentum?

Non haec dico, quod damnem sacramenta, sed quod e scripturis ea probari negem. Atque utinam esset in Ecclesia talis manus impositio, qualis erat Apostolorum tempore: siue eam confirmationem, siue curationem appellare vellemus. At nunc nihil eius relictum est, nisi quantum ipsi excogitavimus pro ornandis officiis Episcoporum: ne penitus sint sine opere in Ecclesia. Postquam enim sacramenta illa negotiosa una cum verbo alijs inferioribus ut viliora reliquerunt (nampe, quod quicquid divina instituit maiestas hominibus oporteat esse contemptum) iustum fuit, ut facile aliquod, quod tam delicatis & magnis heroibus non esset molestum inveniremus, & nequaquam seu vile inferioribus committeremus. Nam quod humana statuit sapientia, oportet ut hominibus sit honoratum. Ita quales sunt sacerdotes, tale habeant ministerium & officium. Nam Episcopus non evangelizans, nec animas curans, quod est nisi idolum in mundo, habens nomen & figuram Episcopi? Nos autem pro hac vice sacramenta divinitus instituta quaerimus: inter quae ut Confirmationem numeremus nullam invenimus causam. Ad sacramenti enim constitutionem ante omnia requiritur verbum divinae promissionis, quo fides exerceatur. At nihil legimus Christum usquam de confirmatione promississe: licet ipse multis imposuerit manus, &c. & Mar. ult. inter signa ponat, Manus aegris imponent, & bene habebunt. At haec nemo sacramento, sicut nec potest, aptavit. Quare satis est, pro ritu quodam Ecclesiastico, seu caerimonia sacramentali Confirmationem habere, similem ceteris caerimonijs consecrandae aquae, aliarumque rerum. Nam si omnis alia creatura sanctificatur per verbum & orationem, cur non multo magis hominem liceat sanctificari eisdem, quae tamen quia promissionem divinam non habent, sacramenta fidei dici non possunt. Neque enim salutem operantur. At sacra servant credentes promissioni divinae.

B A B Y L O N I C A

D E M A T R I M O N I O

¶ Matrimonium non solū sine ulla scriptura pro sacramento censetur, verum eisdem traditionibus quibus sacramentū esse factatur merum ludibrium factū est. de quo aliquid videamus. Dixim⁹, in omni sacramento haberi verbum promissionis diuinæ, cui credi oporteat, ab eo qui signum suscipit: nec solum signum posse sacramentum esse. Nūquā autē legitur, aliquid gr̃e dei accepturum quisquis uxore duxerit. Quin nec signum est diuinius institutum in Matrimonio. Nec em̃ uspiā legitur a deo institutum ut aliquid significaret, licet omnia quæ visibiliter geruntur possint intelligi figuræ & allegoriæ rerū inuisibilium. At figura aut allegoria non sunt sacramenta, ut nos de sacramentis loquimur.

Deinde, cū Matrimonium fuerit ab initio mundi, & apud infideles adhuc permaneat: nullæ subsunt rationes, ut sacramentum nouæ legis & solius Ecclesiæ possit dici. Non minus enim erant matrimonia patrum sancta quam nostra: nec minus vera infidelium quam fidelium: nec tamen in eis ponunt sacramentum. Ad hæc, sunt apud fideles &q; impij coniuges, quibusuis genibus peiores, cur hic sacramentū dici debet, & non apud gentiles? An de baptismo & Ecclesia sic nugabimur, ut, sicut quidā delyrant, Imperium temporale non esse nisi in Ecclesia: ita Matrimonium, non esse sacramentum, nisi in Ecclesia dicamus? Puerilia sunt hæc & ridicula, per quæ nostram iustitiam & temperantem infidelibus risui exponimus.

At dicent, Apostolus dicit Ephē. v. Erūt duo in carne una. Sacramentum hoc magnū est. Tunc ergo tam euidenti Apostoli verbo cōtradicēs? Respondeo, & hoc argumentum esse magnę oscitantia, & indiligitis inconlultæq; lectionis. Non enim habet uniuersa scriptura sancta hoc nomen, sacramentum, in ea significatione qua noster usus, sed in contraria. Vbiq; enim significat non signum rei sacrę, sed rem sacrā secretam & absconditā. Sic Paulus. ij. Corint. iij. Sic nos existimet homo ut ministros Christi, & dispensatores mysteriorum dei. id est, sacramentorum. Vbi enim nos habemus sacramentū, in gr̃co mysterium ponitur: quod aliquando transfert interpret, uliquando dimittit gr̃ecam vocem. Vnde & hic in gr̃co dicitur. Erunt duo in carne una, mysterium hoc magnum est. Quæ res fuit occasio, ut sacramentum nouæ legis intelligerēt lōge aliud facturi, si mysteriū legissent, ut in gr̃co est.

Sic. i. Timo. ij. Christum ipsum vocat sacramentū, dicens, Et manifeste magnum sacramentū est (id est, mysterium est) quod manifestatum est in carne, iustificatum est in spiritu, appruit angelis, prædicatū

*Matrimonium
est sacramentum*

mysterium

*sacramentum dicitur
et manifestum dicitur*

DE CAPTIVITATE

effigens, creditum est mundo, assumptū est in gloria. Cur non & hinc ostēdū nouæ legis hauserunt sacramētum, cū tam claram haberent auctoritatem. Pauli? Aut si hic se continuerunt ubi opportunissime potuerunt copiosi esse in sacramentis inueniendis, cur illic ita luxuriant? Scilicet ignorantia tam rerum q̃ verborū eos sefellit; qui in solo verborum sono, imo opinionibus hēserunt. Cū enim semel sacramētū pro signo accepissent humano arbitrio, mox sine omni iudicio & scrupulo signum ex eo fecerūt ubi cūq; in sacris literis legerūt. Quales verborū significationes & humanas cōsuetudines, & alias in literas sacras inuexerunt easq; in sua somnia transformauerunt, q̃dlibet ex quolibet faciētes. Sic ppetuo desipiunt in verbis illis, opus bonum, opus malū, peccatū, gratia, iustitia, virtus, & fere quicq̃ est capitālū rerum & verborū, omnib. em̃ his utuntur suo arbitrio, ex hominum scriptis assumpto, in perniciē & veritatis dei & salutis nostræ.

Igitur sacramentum, & mysterium apud Paulū est ipsa sapientia scriptus abscondita in mysterio, ut. i. Corint. ij, dicit, quæ est Christus: qui ob idipm etiā non cognoscitur principibus huius mundi. unde & eū crucifixerunt, & adhuc manet eis stultitia, scandalū, lapis offensionis & signum cui contradicitur. Horū mysteriorum dispensatores vocat prædicatores: quia prædicant Christū virtutem & sapientiā dei, sed ita, ut nisi credas non comprehendas. Ideo sacramētū, mysteriū secretaq; res est, quæ verbis indicatur, sed fide cordis capitur. Tale est quod præfente loco dicitur, Erūt duo in carne una, Sacramētū hoc magnū est, quod illi de matrimonio dictū putāt: cū ipse Paulus ea verba de Christo & Ecclesia induxerit, & seipm̃ clare exposuerit dicens, Ego autē dico in Christo & Ecclesia. Ecce q̃ concordant Paulus, & illi. Paulus sacramentum magnū in Christo & Ecclesia se prædicare dicit: illi vero in masculo & foemina prædicant. Si sic licet in sacris literis libidinari: quid mirum, si quodlibet in ea, vel centum sacramenta licee inuenire?

Christus itaq; & Ecclesia mysterium, id est, res secreta est & magna, quæ figurari quidē per matrimonium ceu reali quadā allegoria potuit & debuit: sed matrimoniū non hinc sacramentum dici debuit. Cæli sunt figura Apostolorū, ut psal. xviij. dicitur, & sol Christi, aquæ populorum: sed non ideo sacramenta sunt. Vbiq; em̃ deest & institutio, & promissio diuina, quæ integrant sacramētū. Vnde Paulus Ephe. v. verba illa de matrimonio Gen. ij. dicta, vel proprio spiritu ad Christum trahit, vel generali sña. etiā spūale matrimoniū Chri in eo traditum docet, dicens. Sicut Christus fouet Ecclesiā: quia membra sumus corporis eius, de carne eius & de ossibus eius. prop̃ hoc relinquit hō

*Ex hoc in verbis
non in re*

*hinc
non
in re*

*in quod dicitur
in re*

B A B Y L O N I C A.

mo patrem & matrē suam, & adhaerebit uxori suę, & erunt duo in carne una. Sacramentum hoc magnū est, ego dico in Christo & Ecclesia. Vides ut huc totū textum de Christo velit a se didicū, et de industriā lectorē monet, ut sacm in Chro & Ecclesia intelligat, no in matrimonio.

Fateor quidē, & in veteri lege fuisse sacramentū poenitentię, imo ab initio mundi. Verū promissio noua poenitentię, & donatio clauium nouę legis propria est. Sicut enim pro circumcisione baptisimū, ita pro sacrificijs aut alijs signis poenitentię nunc clauēs habemus. Diximus enim superius, Eundē deum pro diuersis temporibus diuersas promissiones, diuersaq; signa dedisse pro remittendis peccatis, & saluandis hominibus; eandē tamen grāā omnes accepisse. Sicut. ij. Corint. iij. dicat, Habentes eundē spiritum fidei, & nos credimus: propter quod & loquimur. Et. i. Corint. x. Patres nostri omnes manducauerunt eandē escam spirituale, & eundē potum spirituale biberunt. Biberunt autē de spirituali consequente eos petra. Petra autē erat Christus. Ita Heb. xi. Omnes hi defuncti sunt non acceptis promissionib. deo melius aliquid pro nobis prouidentē; ne sine nobis cōsummarentur. Christus enim ueri & hodie & in sæcula, ipse caput Ecclesię suę ab initio ad finē usq; mundi. Diuersa igitur signa, sed eadem omnium fides. Siquidē sine fide impossibile est placere deo, quā & Abel placuit. Heb. xi.

Sit ergo Matrimoniū figura Christi & Ecclesię, sacramentū autē nō diuinitus institutū, sed ab hominibus in Ecclesia inuentum, ignorantia tam rei, quā uerbi abductis. Quæ cum fidei nihil obsistenda in charitate est, licet & multa alia humana studia infirmitatis & ignorantie in Ecclesia tolerantur; donec fidei & diuinis literis nō obsunt. Verum pro firmitate & synceritate fidei & scripturæ nunc agimus. Ne, si quid in sacris literis & fidei nostræ articulis cōtineri affirmauerimus, & postea conuicti nō contineri, ludibrio nostrā fidē exponamus; & ignorantes rerū propriarū inuenti, scandalo sumus aduersarijs & infirmis: imo ne scripturæ sanctę autoritatē eleuemus. Longissime enī discernēda sunt ea quę diuinitus in sacris literis tradita sunt: ab ijs quę per homines in Ecclesia, quālibet sanctitate doctrināq; ppolleāt, sunt inuenta.

¶ Hactenus de ipso matrimonio. Quid autem dicemus de impijs legibus hominum, quibus hoc uitę genus diuinitus institutum, est irritum, sursum ac deorsum iactatū? Deus bone, horror est intendere in temeritatem Romanensium tyrannorum, adeo pro libidine sua dirimentū, rursum cogentū Matrimonia. Obsecro, an datū est eorū libidini hominum genus non nisi ad illudendum & quoquo modo abutendum, & pro pecunijs funestis quodlibet ex eo faciendum?

h ij

*deus
et deus
diuersa signa deo
et quodam fidei*

*Matrimoniū
diuinitus institutum*

DE CAPTIVITATĒ

Vagatur passim non parvæ opinionis liber ex colluvie omnium hūmanaū traditionum, seu sentina quedam collectus & confusus, qui Summa Angelica inscribitur: cum verius sit summa plus quā diabolica: in quo inter infinita potentia quibus confessores instrui putantur, dum perniciosissime confunduntur, decē & octo matrimonij impedimenta numerantur: quæ si æquo & libero fidei oculo inspexeris, videbis esse de numero eorum de quibus Apostolus prædixit, Erunt attendentes spiritibus demoniorum, in hypocrisi loquentium mendacium, prohibentium nubere. Quid est prohibere nuptias, si hoc nō est prohibere tot impedimenta fingere & laqueos ponere ne coeant: aut si coierint, dissolvere matrimonia? Quis dedit hominibus hanc potestatem? Esto, fuerint sancti & pio zelo ducti, quid meā libertatem vexat aliena sanctitas? Quid me capnat alienus zelus? Sit sanctus & zelotes, quisquis volet, & quantum liber, modo alteri non noceat, & libertatem mihi non rapiat.

Verum gaudeo istis dedecorosis legibus suam tandē contigisse gloriam. Nempe earum beneficio hodie Romanenses facti sunt nundinatores. Quid enim vendunt? Vulvas & veretra. Merx scilicet dignissima mercatoribus istis, præ avaritia & impie aie plus quā sordidissimis, & obscœnissimis. Nihil enim est impedimentorum hodie, quod intercedente mammona non fiat legitimum, ut leges istæ hominū non alia causa videantur natæ, nisi ut aliquando essent avaris hominibus rapacibusq; Nimbrotis, rhetia pecuniarum, & laquei animarum: staretq; in Ecclesia dei loco sancto abominatio ista, quæ venderet hominibus publice utriusq; sexus pudenda, seu (ut scriptura vocat) ignominias & turpitudines, quas tamen antea per vim legum suarū rapuissent. O digna Pontificibus nostris negotiatio, quam pro Evangelij ministerio quod præ avaritia & ambitione contemnunt, summo cum dedecore & turpitudine in sensum reprobū datū exercerent.

Sed quid dicam, aut faciam? Si singula persequar, inmodicus erit sermo. Confusissima enim sunt omnia: ut nescias unde exordiaris, quo procedas, & ubi consistas. Hoc scio, nullam rem publicam legibus feliciter administrari. Si enim prudens fuerit Magistratus, ductu naturæ omnia felicius administrabit quā legibus. Si prudens non fuerit, legibus nihil promovebit nisi malum. cum nesciat eis uti, nec eas pro tempore moderare. Ideo in rebus publicis magis curandum est, ut boni & prudentes viri præsent quā ut leges ferantur. Ipsi enim erunt optime leges, omnē varietatē casuum vivaci equitate iudicaturi. Quod si ad hæc eruditio diuine legis, cum prudentia naturali, plane superfluum &

B A B Y L O N I C A

noxium est scriptas leges habere. Super omnia autem, Charitas nullis prorsus legibus indiget.

Dico tamen, & quod in me est facio : monens & rogans omnes sacerdotes & fratres, si viderint aliquid impedimentū in quo Papa potest dispensare, & quod non est in scriptura expressum, ut prorsus ea omnia matrimonia confirmet, quæ contra ecclesiasticas vel pontificias leges quoquo modo fuerint contracta. Arment autem se lege diuina dicente, Quod deus coniunxit homo non separet. Coniunctio enim viri & mulieris est iuris diuini, quæ tenet, quocumque modo contra leges hominū contigerit : debentque leges hominū ei cedere sine ullo scrupulo. Si enim homo relinquit patrem & matrem, & adheret uxori suæ : quanto magis conculcabit friuolas & iniquas leges hominū, ut adhæreat uxori suæ ? Et Papa, vel Episcopus, vel Officialis si dissoluerit aliquid matrimonium contra legem humanā contractum, Antichristus est, & violator naturæ, & reus læsæ maiestatis diuinæ. Quia flat sententia, Quod deus coniunxit homo non separet.

Adde his, quod homo non habuit ius leges tales condendi : et christianis per Christum libertas donata est super omnes leges hominū, maxime ubi lex diuina intercedit. Sicut dicit Marci. ij. Dominus est filius hominis, etiam sabbati. Et non homo propter sabbatum, sed sabbatum propter hominē factum est. Deinde, quod tales leges prædantur sunt per Paulū, ubi prohibentes nubere futuros esse prædixit. Quare hic cedere debet rigor ille impedimentorum ex affinitate, spirituali aut legali cognitione & consanguinitate, quantum permittunt literæ sacræ : in quibus tantū secundus gradus consanguinitatis prohibitus est, ut scribitur Levitici. xviij. ubi duodecim personæ prohibentur, quæ sunt, Mater, Nouerca, Soror naturalis, Soror legitima ex utroque parente, Neptis, Aynita, Matertera, Nurus, Vxor fratris, Soror uxoris, Priuigna, Vxor parui. In quibus non nisi primus gradus affinitatis, & secundus consanguinitatis prohibetur : non tamen uniuersaliter, ut clarum est intuitu. nam fratris aut sororis filia vel neptis non numeratur prohibita : cum tamen sit in gradu secundo. Quare, si quando matrimonium extra hos gradus contractum fuerit, cum nulli alij legantur a deo usquam prohiberi, nullo modo debet dissolui propter leges hominū, cum matrimonium ipsum diuinitus institutum sit incomparabiliter legibus superius : ita ut non ipsum propter leges, sed leges propter ipsum debeant merito dirumpi.

Ita debent istæ nuxæ compaternitatum, comaternitatum, confraternitatum, consororitarum, & consiliatarum prorsus extingui contracto

DE CAPTIVITATE

matrimonio. Quis enim istam cognationem spiritualem inuenit, nisi
superstitio humana? Si nō licet baptisanti aut leuanti baptisatam aut
leuatam ducere, cur licet Christiano Christianam ducere? An est ma-
ior cognatio ista ex ceremonijs seu signo sacramenti contracta, quam
quæ ex re ipsa sacramenti? An non Christianus est frater Christianæ
sororis? An non, baptisatus, baptisatæ spiritualis frater? Quid infa-
nimus? Quid si quis uxorem suā erudiat Euangelio & fide Christi,
factus hoc ipso vere pater eius in Christo, an non liceat uxorem eius
manere? An Paulo non licuisset puellam ex Corinthijs ducere, quos
omnes in Christo genuisse se iactat. Vt de itaq, quā sit libertas Chri-
stiana per cæcitatem humanæ superstitionis oppressa.

Iam multo vanior est cognatio legalis: & tamen hanc etiam super-
ius diuinū matrimonij extulerunt. Nec huic impedimento consensu
rim, quod vocant religionis disparilitatem: ut nec simpliciter, nec sub
conditione conuertendi ad fidē liceat ducere non baptisatā. Quis hoc
prohibuit? Deus, an homo? Quis hominibus potestatem fecit prohi-
bendi sic nubere? Spieirus scilicet mendaciū in hypocrisis loquentes,
ut Paulus dicit. De quibus illud dicere oportet, Narrauerunt mihi ini-
qui fabulatiōes, sed non ut lex tua. Duxit Paritius gentilis Monicam
matrē s. Augustini christianā, cur nō hodie liceat idem? Idē rigor stul-
titiæ, imō impietatis est, impedimentū criminis: scilicet, ubi quis duxe-
rit prius pollutā adulterio: aut machinatus fuerit in mortē alterius cō-
iugis, quo cum superstitē cōtrahere possit. Obsecro, unde iste rigor ho-
minū in homines, qualē nec deus unq; exegit? An ignorare se simu-
lant, Batschaba uxore Vriæ, utroq; crimine implero, id est, præpollutā
adulterio, & occiso viro, tamen ductam a David sanctissimo viro.
Si lex diuina hæc fecit, quid faciūt homines tyrāni in suos cōseruos?

Censetur & impedimentū quod vocant ligaminis, hoc est, si quis
alteri sit alligatus per sponsalia. Hic concludunt, si posteriōrē quis co-
gnouerit, prioris cessare sponsalia. Quod plane non capio. Ego arbi-
tror, eum esse iā non sui iuris, qui uni sese addixerit: ac per hoc prohi-
bente iure diuino debere priori non cognitæ, etiā si posteriōrē cogno-
uerit, dare enim non potuit quod non habuit, sed fecit eam, cōmiste-
q; verum adulteriū. Quod autē aliud illis visum est, fecit, q; copulam
carnis plus attenderūt q; diuinū mandatum, quo priori fidem pollici-
tus debet semper seruare. Qui enim dare vult de suo dare debet. Et de-
us prohibeat, ne quis fratrem suū circūueniat in ullo negotio qd ser-
uandum est ultra, & supra omnes omn:ū hominū traditiones. Ita cre-
do, nō posse talem, salua conscientia, cum secunda cohabitare, & hoc

*Appellatur in nuptiis
impedimentum leguminiū quod
est per sponsalia.*

B A B Y L O N I C A

Impedimentū esse omnino conuertendū. Si em̄ votum religionis fa-
cit alienum, cur non etiā fides data & accepta. cū hæc sit præcepti &
fructus spiritus. Gal. v. illud aut̄ arbitrij humani. Et si licet uxori virū
repetere, voto facto religionis non obstante; cur nun liceat sponsæ re-
petere sponsum suū, etiā secuta copula cum altera. Sed & superius
dixim⁹, nō licere vouere religionē ei qui fidē dedit puellæ, sed est debi-
tor ducendæ. quia debitor est fidei seruandæ: quam nulla traditiōe ho-
minum licet deserere. quia præcepta est a deo. Multo magis hic ita fiet
ut fidem priori seruet. cū posteriori nō nisi mendaci corde dare potue-
rit: ac p̄ hoc nō dederit, sed sefellerit proximā suā contra deū. Quare er-
roris impedimentū hic locū habet: qui facit, ut posterioris nuptiæ ni-

Impedimentū ordinis quoq; merū est hominis cōmen- (hil sim.
tum: præsertim cū garriant eo dirimi etiā contractū: semper suas tradi-
tiones su per dei mandata exaltantes. Ego quidē de sacerdotij ordine
non iudico, qualis hodie est: sed video Paulū iubere, Episcopū unius
uxoris virum esse: ideo nō posse dirimi matrimonij diaconi, sacerdo-
tis, episcopi, seu cuiuscunq; ordinis. Quāq; hoc genus sacerdotum, &
eos ordines non nouerit Paulus quos hodie habemus. Pereant itaq;
maledictæ istæ hoīm traditiones, quæ nō nisi ad multiplicanda pericu-
la, peccata, mala in Ecc̄sia introierūt. Est ergo inter sacerdotē & uxore
verū & inseparabile matrimoniū, mandatis diuinis probatū. Quid si
impij hoīes illud prohibeant, aut dirimāt mera tyrānie sua. Esto, sit
illicitū apud homines, licitum tamē est apud deum: cuius mandatū si
contra hominum pugnet mandata est præferendum.

AEque cōmentum est, impedimentū illud publicæ honestatis, quo
dirimuntur cōtracta. Vrit me audax ista impietas tā prompta ad sepa-
randū quod deus cōiunxit: ut Antichristū in ea cognoscas, qui aduer-
satur oībus quæ Christus fecit & docuit. Quæ ergo est causa, ut spon-
si præmortui nullus cōsanguineus usq; ad quartū gradū possit ducere
spōsam. Nō est hoc publicæ honestatis iustitia, sed inscitia. Cur nō in
populo Israel optimis ac diuinis legibus instituto, erat ista publica ho-
nestatis iustitia? Sed etiā præcepto dei proximus cogebat uxore p̄ximi
relictā ducere. An oportet populū libertatis chr̄ianæ rigidiorib; legi-
bus onerare, q̄ populū seruitutis legalis. Et ut finē faciam istorū si-
gumentorū magis q̄ impedimentorū, Dico, mihi adhuc nullū appa-
rere impedimentū qd contractū iure dirimat, nisi impotentia cognos-
cendæ cōiugis, ignorantia iam cōtracti, & votū castitatis. De voto m̄
ita sum incert⁹ usq; hodie, ut ignore q̄ tpe sit censendū valere. sicut &
supra dixi in baptisimi sacramēto. Disce ergo i hoc uno matrimonio,

*subter
pretextu*

fructu

*de impedimento
ordinis*

*hinc & apud
deum qd licet
illicitum*

*Impedimentum
illud*

Enim

*De voto
castitatis*

DE CAPTIVITATE

quā infelicer & perditē omnia sint confusa, impedita, irreuita, & periculis subiecta per pestilentes, in doctas, impiasq; traditiones hominū, quæcūq; in Ecclesia geruntur, ut nulla remediū spes sit, nisi reuocato libertatis Euangelio, secundū ipsum extinctis semel omnibus omnium hominum legibus, omnia iudicemus & regamus. Amen.

¶ De impotentia itaq; sexus dicendum, quo possit facilius consuli animabus periculo laborantibus. Hoc tamen præmissis, quod ea quæ de impedimentis dixi, dicta volo post matrimoniū contractum, ne talibus ullum dirimatur. Cæterū de contrahēdo breuiter dixerim quod supra dixi, Quod si urgeat amor iuuentutis, & quæuis alia necessitas, propter quam dispensat Papa, dispense etiam quilibet frater cum fratre, aut ipse cum seipso: rapta per hoc consilium uxore de manu tyrannicarum legum, utcūq; poterit. Vt quid enim mea libertas tollitur, aliena superstitione & ignorantia? Aut si pro pecunia Papa dispensat, cur non ipse pro meæ salutis cōmoditate mecum, aut cum fratre dispensem? Statuit leges Papa, sibi statuatur, mea salua libertate vel occulte turpe. Videamus itaq; de impotentia.

Quæro casum eiusmodi, Si mulier impotenti nupta viro, nec possit, nec velit forte tot testimonijs & strepitibus quot iura exigunt iudicialiter impotentiam viri probare, velit tamen prolem habere, aut nō possit continere. Et ego consuluissem, ut diuortium a viro impetret ad nubendum alteri, contenta quod ipsius & mariti conscientia & experientia, abunde testes sunt impotentia illius. Vir autē nolit. Tum ego ultra consulam, ut cum consensu viri (cū iam non sit maritus, sed simplex & solus cohabitator) miscetur alteri, vel fratri mariti: occulto tamē matrimonio: & proles imputeur putatuo (ut dicunt) patri. An hæc mulier salua sit & in statu salutis? Respondeo ego, qd sic. Quia error & ignorantia virilis impotentia hic impedit matrimonium, & tyrannis legum non admittit diuortium: & mulier libera est per legem diuinam: nec cogi potest ad continentiam. Quare vir debet concedere eius iuri, & alteri permittere uxorem, quam specietenus habet.

Vltius si vir nollet consentire, nec diuidi veller. Anteq; permittere eam uri, aut adulterari consulere, ut cōtracto cum alio matrimonio aufugeret in locum ignotum & remotum. Quid enim aliud possit consuli laboranti assiduo libidinis periculo? Scio autem quosdā mouere, qd proles huius oculi matrimonij iniquus hæres sit putatui patris. Sed si consensu mariti fiat, iniquus non erit. Si autem ignorante, aut nolente fiat, iudicet hic Christiana & libera ratio, immo charitas, uter uri maius damnum inferat. Vxor hæreditatem alienat: at maritus

*in mte. dicitur
non esse alia a ppe*

*in mte. dicitur
in mte. dicitur
in mte. dicitur*

*in mte. dicitur
in mte. dicitur*

sefellit uxorem, eamq; toto suo corpore totaq; vita fraudat; an nō magis peccet vir corpus & vitam uxori perdens, quā mulier res tantum temporales viri alienans? Padatur ergo vel diuortium, aut ferat alios nos heredes, qui sua culpa innocentem puellam sefellit, & vita pariter ac corporis usu toto fraudauit; insuper occasionem pene intolerabilem adulteradi dedit. Ponatur utriq; in æqua lance. Certe omni iure, fraus in fraudantem recidere debet, & damnū recompenfare tenetur qui delit. Quid enim differt talis maritus ab eo qui uxorem alicuius captiuam tenet cum marito? Nonne talis tyrannus uxore & filios & maritum alere cogitur, aut liberos dimittere? Cur ergo & hic nō ita fiat? Ita ego arbitror virum debere cogi aut ad diuortium, aut ad alienum heredem alendum. Sic charitas iudicabit, sine dubio. In quo casu uxoris heredem non alio affectu alet impotens iam & nō maritus, quā si uxorem ægotantē, aut alio incōmodo affectam, totis & grauib; expensis foueret. Sane enim, nō uxoris culpa eo incōmodo laborat uxor. Hæc pro mea virili, ad informandas conscientias scrupulosas retule rim, cupiens afflictis meis fratribus in ista captiuitate qualicunq; solatio succurrere.

De diuortio etiā versatur quæstio, an licitum sit. Ego quidē ita de restor diuortium, ut digamiam malim quā diuortiū: sed an liceat ipse non audeo definire. Christus ipse princeps pastorum, Matt. v. dicit. Si quis dimiserit uxorem suam, excepta fornicationis causa, facit eā adulterari. Et qui dimissam duxerit, adulterat. Cōcedit ergo Christus diuortium in causa fornicationis duntaxat. Quare errare Papam necesse est quoties diuortium facit alijs causis: nec satis se tutum arbitrari debet ullus qui pontificia illa temeritate verius quā potestate dispensationē obtinuerit. Sed hoc admiror magis, cur coelibem esse cogant hominē qui diuortio separatus est a coniuge sua, nec aliam ducere permittant. Si enim Christus diuortium concedit in causa fornicationis, & nemi-
nem cogit esse coelibem: & Paulus magis velit nos nubere quā uri: vi-
deat omnino admittere, ut in locum repudiatæ aliam ducat. Quæ res utinam plane discussa & certa esset, ut posset consuli infinitis periculis eorum qui sine culpa sua hodie cælibes esse coguntur. Hoc est, quorū uxores vel mariti aufugiunt, & coniugem relinquunt, decēnio vel nū quā reuerſuri. Urget me & male habet hic casus quotidianis exemplis, siue id singulari nequitia satanæ, siue neglectu verbi dei contingit.

Ego sane qui solus contra omnes statuere in hacre nihil possum, vehementer optarem saltem illud. i. Corint. vii. huc aptari. Quod si infidelis discedit, discedat. Nō enim seruituti subiectus est frater aut soror

quæstio
fornicationis

quæstio
de fornicatione

hinc
hinc
hinc
hinc

DE CAPTIVITATE

in eum modi. Hic Apostolus discedentem infidelem concedit dimitti,
& fidei liberum facit alteram accipere: cur non idem valeat, si fide-
lis, hoc est nomine fidelis re ipsa & que infidelis, coniugem deserat, pre-
sertim nunquam reuerfurus? Ego sane nihil discriminis utrinque depre-
hendere possum. Credo autem, si Apostoli tempore discessor infidelis
reuerfus denuo; aut fidelis factus, aut fidei cohabitare pollicitus fuif-
set admiffus non fuiffet: sed & ipsi alteram ducendi potestas facta fuif-
set. Tamen in ijs nihil definitio (ut dixi) quanquam nihil magis optem
esse definitum. cum nihil magis me & multos mecum vexet hodie. Sola
auctoritate Papæ, aut Episcoporum hic diffiniri nihil volo: sed si duo
eruditi & boni viri in nomine Christi consentiret, & in spiritu Christi
pronunciarent, eorum ego iudicium præferrem etiam Concilijs qua-
lia nunc solent cogi, tantum numero & auctoritate citra eruditione &
sanctimoniam iactata. Suspendo ergo hic organum meum, donec con-
ferat mecum alius melior.

DE ORDINE

¶ Hoc sacramentum Ecclesia Christi ignorat, inuentumque est
ab ecclesia Papæ. Non enim solum nullam habet promissionem gratiæ
illi possum, sed ne verbo quidem eius meminit totum novum testamen-
tum. Ridiculum autem est, asserere pro sacramento dei quod a deo insti-
tutum nusquam potest monstrari. Non quod damnandum censcam eum
ritum per tanta sæcula celebratum, sed quod in rebus sacris nolim hu-
mana commenta fingi: nec liceat asstruere aliquod diuinitus ordinatum
quod diuinitus ordinatum non est. ne ridiculi simus aduersario; contra
dumque sit, ut certa & pura nobis sint omnia, clarisque scripturis firma-
ta, quæ pro articulis fidei iactamus: id quod in præfenti sacramento
præstare ne tantillum quidem possumus.

Nec habet Ecclesia potestatem nouas promissiones gratiæ diuinas
statuere, sicut quidam garrunt: quod non minoris sit auctoritatis quic-
quid ab Ecclesia quæ quod a deo statuitur: cum regatur spiritu sancto.
Ecclesia enim nascitur verbo promissionis per fidem, eodemque auctur
& seratur: hoc est, ipsa per promissiones dei constituitur, non promif-
sio dei per ipsam. Verbum dei enim supra Ecclesiam est incomparabili-
ter: in quo nihil statuere, ordinare, facere, sed tantum statui, ordinari, fie-
ri habet tanquam creatura. Quis enim suum parentem gignit? Quis su-
um autorem prior constituit? Hoc sane habet Ecclesia, quod potest dis-
cernere verbum dei a verbis hominum, sicut Augustinus constituitur.

in fide

ecclesia huius promissio
non est
per se

Ecclesia quod in
mors

B A B Y L O N I C A

Euangelio credidisse, motum autoritate Ecclesiae, quæ hoc esse Euangelium prædicabat. Non quod ideo sit super Euangelium: alioquin esset & super deum cui creditur, quia Ecclesia hunc esse deum prædicat: sed sicut alibi dicit Aug. Veritate ipsa sic capitur anima, ut per eam de omnibus certissime iudicare possit, sed veritate iudicare non possit dicere autem cogatur infallibili certitudine, hanc esse veritatem. Eximī gratia, Mens infallibili certitudine pronunciat. in. & .vij. esse decem, & tamē rationem reddere non potest cur id verum sit, cū negare non possit verum esse: capra scilicet ipsa & iudice veritate, iudicata magis quā iudicantem. Talis est & in Ecclesia sensus illustrante spiritu in iudicandis & approbandis doctrinis, quem demonstrare non potest, & tamen certissimum habet. Sicut enim apud philosophos de cōmūibus conceptionibus nemo iudicat, sed omnes per eas iudicantur: ita apud nos de sensu spiritus, qui iudicat omnes, & a nemine iudicatur, ut Apostolus ait.

*Quæ autem sit mens
ipsa, non potest
dici, sed per eam
certissime iudicare*

Eximī gratia

*Ecclesiam non potest
promittere gratiam
quæ iudicatur per
spiritum...*

*Constat quod
per Ecclesiam*

*Præterea
certissime
promittitur*

*Quid de christo
sentiam*

Verum hæc alia. Sit itaque certum, Ecclesiam non posse promittere gratiam, quod solius dei est: quare nec instituire sacramentum. Quod si quā maxime posset, uō tamen statim sequeretur ordinē esse sacramentum. Quis enim scit quæ sit Ecclesia habens spiritum: cū in his soli & pauci Episcopi, aut docti adesse soleant? quos possibile est non esse de Ecclesia, & omnes errare, sicut sapius erraverunt Concilia: præsertim Constantiensē, quod omnium impiissime erravit. Id enim solum est fideliter probatum, quod ab uniuersali Ecclesia, non tantum Romana approbatur. Quare pmitto, Ordinem esse quendam ritum ecclesiasticū, quales multi alij quoque per Ecclesiasticos peccata sunt introducti, ut consecratio vasorum, domorum, vestium, aquæ, salis, candelarum, herbarū, vini, & similibus, in quibus omnibus nemo ponit sacramentum esse: nec ulla in eis est promissio. Ita ungere manus viri, radi verticem, & id genus alia fieri, non est sacramentum dari, cum nihil eis promittatur, sed tantum ad officia quædam, ceu vasa & instrumenta, parentur.

At dices. Quid ad Dionysium dices, qui sex enumerat sacramenta, inter quæ & Ordinē ponit in Ecclesiastica hierarchia? Respondeo. Scio hunc solū autorem haberi ex antiquis pro septenario sacramentorum, licet matrimonio omisso, senarium tantū dederit. Nihil enim prorsus in reliquis patribus de istis sacramentis legimus. Nec sacramentū nomine cœsuerunt, quoties de his rebus locuti sunt. Recens enim est inuentio sacramentorum. Atque mihi (ut magis temerarius sim) in totū displicet, tantum tribui, quisquis fuerit, Dionysio illi. cū ferme nihil in eo sit solidæ eruditiois. Nā ea quæ in celesti hierarchia de angelis cōmīscit, in quibuslibet sic sudant curiosa & superstitiosa ingenia, quæ rogo autoritate,

Et sic sudant curiosa & superstitiosa ingenia, quæ rogo autoritate,

DE CAPTIVITATE

aut ratione probat. Nonne omnia sunt illius meditata, ac prope so-
mnij simillima, si libere legas & iudices. In Theologia vero mysti-
ca, quam sic instant ignorantissimi quidam theologiſtæ, etiã pernicio-
siſſimus eſt, plus Platonifans quã Chriſtianifans: ita, ut nollem fidei
animum hiſ libris operam dare vel minimã. Chriſtum ibi adeo non
diſces, ut ſi etiã ſcias amittas. Expertus loquor. Paulum potius audi-
amus, ut Ieſum Chriſtum, & hunc crucifixum diſcamus. Hæc eſt enim
via, vita, & veritas: hæc ſcala per quam venit ad patrem. Sicut dicit,
Nemo venit ad patrem niſi per me.

Ita in Eccleſiaſtica hierarchia, quid facit, niſi quod ritus quofdã ec-
cleſiaſticos deſcribit, ludens allegorijs ſuis, quas non probat. Quæ-
le apud nos fecit qui librum edidit qui Rationale diuinorum dicitur.
Ocioſorum hominum ſunt iſta ſtudia allegoriarum. An putas mihi
difficile eſſe, in qualibet re creata allegorijs ludere. Nonne Bonauen-
tura artes liberales allegorice duxit ad Theologiam. Denique Gerſon
Donatum minorẽ fecit myſticum theologum. Mihi non fuerit opero-
ſum, meliorẽ hierarchiam ſcribere quã Dionyſij ſit. cū ille Papã, Car-
dinales, Archiepiſcopos ignorarit, & Episcopum fecerit ſupremum.
Ei quis tam tenuis ingenij, qui allegorijs non queat periclitari. Nol-
lem ego Theologum allegorijs operam dare, donec conſumatus, legi-
timo ſcripturæ ſimpliciſq; ſenſu fuerit. Alioquin, ſicut Origeni con-
gig, non citra periculum theologiſabit.

Non ergo continuo ſacramentũ eſſe debet, quia Dionyſius aliqd
deſcribit. alioqui cur non etiã ſacramentũ faciunt. quam ibidẽ deſcri-
bit proceſſionem quę uſq; hodie perfeuerat. Quin tot erunt illorum
ſacramenta, quot aucti ſunt in Eccleſia ritus & ærimonie.

Huiſcramen-
tã debili fundamẽto nixi, Carãteres effinxerunt, quos
huiſc ſuo ſacramento tribuerunt: qui imprimerentur ordinatis indeli-
biles. Vnde quæſo tales cogitationes? Qua autoritare, qua ratione ſta-
biliuntur? Non quod noliſus eos eſſe liberos ad fingendum, dicen-
dum, aſſerendum quicquid vel libuerit, ſed noſtrã quoq; libertatem
aſſerimus: ne ius ſibi ipsis arrogent ex cogitationibus ſuis articulos fi-
dei faciendi, ſicut hætenus præſumpſerunt. Satis eſt, nos pro cõcordia
eorum ritibus & ſtudijs attemperare, ſed cogi tanq; neceſſarijs ad ſalu-
tem, quæ neceſſaria non ſunt, noliſus. Dimittant ipsis tyrannidis ſue
exactionem, & nos exhibebimus liberum eorum ſenſui obſequium.
ut ſic in pace mutua inuicẽ agam? Turpe eſt & iniquiſſimum, Chri-
ſtũ hoiem q; liber eſt alijs q; cõleſtib. ac diuinis ſubiectũ eſſe tradidit.
Poſt hoc apprehendit extremũ roboris ſui. Nepe, q; Chri- (nibus)

Verum de
my

Salvini in allego-
rijs

indium de Origeni

nonne uirginitas
q; gratia
uſq; ſeruat

ſingulis in ſi-
militudine
natiuitatis

B A B Y L O N I C A.

fuis in cœna dixit. Hoc facite in meam cōmemorationem. Ecce hic in-
quiunt, Christus eos ordinauit in sacerdotes. Hinc inter cœtera & hoc
duxerunt solis sacerdotibus utranq; speciem esse dandam. Deniq; qd
uis hinc luxerunt: ut quilibet arbitrium sibi arrogarint, & verbis
Christi ubilibet dictis quodlibet asserere. Sed est hoc verba dei interp-
tari? Responde quaeso. Christus hic nihil promittit, sed tantū præcipit
fieri istud in sui memoriā. Cur non concludunt, & ibi esse ordinatos
sacerdotes, ubi imponens officii verbi & baptismatis dicit, Ite in or-
bem uniuersum, & prædicate Euangelium omni creaturæ: baptizan-
tes eos in nomine &c. cum sacerdotum sit propriū prædicare & bap-
tizare? Deinde, cum hodie sacerdotis vel primarium opus sit, & (ut di-
cunt) indispensabile, legere horas canonicas: cur non ibi ordinis sa-
cramentū cōceperit? ubi Christus orare præcepit, ut alijs locis multis,
ita præcipue in orto, ne intrent in tentationē? Nisi hic elabantur, qd
non sit præceptum orare, sufficit enim legere horas canonicas, ut sic sa-
cerdotale illud opus nusquam e scripturis probetur: ac per hoc illud
sacerdotum orationale non sit ex deo, sicut vere nō est.

Quis vero patrum antiquorū asseruit his verbis ordinatos esse sa-
cerdotes? Vnde ergo ista intelligētia noua? Scilicet, quod hac arte que-
situm est, ut seminarium discordiæ implacabilis haberetur, quo clerici
& laici plus discernērentur quā cœlum & terra, ad incredibile bap-
tismi gratiæ iniuriam, & euangelicę cōmunionis confusionem.

Siquidem hinc cœpit tyrannis ista detestabilis clericorum in laicos,
qua fiducia corporalis unctionis, quo manus eorum consecratur: de-
indeferatur, & vestium, non modo ceteris laicis christianis: qui spiri-
tu sancto uncti sunt, se præferūt, sed ferme ut canes indignos: qui cū
eis in Ecclesia numerantur habeant. Hinc quiduis mandare, exigere,
minari, urgere, premere audent. Summa, sacramentū Ordinis pulcher-
rima machina fuit, & est, ad stabilienda uniuersa porcenta quæ hactē-
nus facta sunt, & adhuc fiunt in Ecclesia.

Qui si cogerentur admittere, nos omnes esse æqualiter sacerdotes,
quotquot baptisati sumus: sicut reuera sumus: illisq; solū ministeriū
nostro tamen consensu cōmissum, scirent simul: nullum eis esse super
nos ius imperij, nisi quātum nos sponte nostra admitteremus. Sic enī
i. Pet. ij. dicitur. Vos estis genus electum, regale sacerdotium, & sacerdo-
tale regnum. Quare omnes sumus sacerdotes, quotquot Christiani su-
mus. Sacerdotes vero q̄s vocamus: ministri sunt ex nobis electi, qui
nostro nomine omnia faciant. Et sacerdotium aliud nihil est quā mi-
nisteriū. Sic, ij. Corin. iij. Sic nos existimet hō sicut ministros Christi.

James & Mary
L. Smith
W. L. Smith
Jr.

James & Mary
L. ...
...
...

James & Mary
L. ...
...
...

Crossed beginning die *ingestio maximumm habet* *metamorphosis*
out (perichlorin) *pel* *extinguim in maxime*

Crossed beginning die *ingestio maximumm habet* *metamorphosis*
out (perichlorin) *pel* *extinguim in maxime*

B A B Y L O N I C A

fastigiū sanctitatis attingat, etiā is arceat a sacerdotio qui ignorans et
merae infelicitatis casu corruptā virginem duxerit. At si sexcentas me-
retrices polluerit, aut matronas ac virgines quaslibet consuprarit, aut
etiā Ganymedes multos aluerit, nihil impedimento fuerit vel Episco-
pum, vel Cardinālē, vel Papam eū fieri. Tum illud Apostoli, unius u-
xor is vir, sic interpretari oportet: id est, unius Ecclesie prælatus. Inde
incorruptibilia manarūt beneficia: nisi Papa dispensator magnificus
uni iij. xx. c. uxores, id est, Ecclesias copulare voluerit, pecunia vel gratia
corruptus, hoc est, pia charitate motus, & ecclesiarū sollicitudine distractus.

O dignos Pontifices hoc venerabili sacramento Ordinis. O prin-
cipes non catholicarū Ecclesiarū, sed saranicarū synagogarū, imo tene-
brarū. Libet hic cum Isaia clamare, O viri illufores, qui dominamini
super populū meum qui est in Hierusalem. Et illud Amos, vi. Ve vo-
bis qui opulenti estis in Zion, & confiditis in monte Samarie, opu-
mates, capita populorū, ingredientēs pompaticè domum Israel &c. O
ignominia Ecclesie dei, quam ex his monstribus sacerdotalib. contrahit.
Vbi sunt Episcopi aut sacerdotes, qui sciunt Euangeliū, nedum prædi-
cent? Vt quid ergo sese iactant sacerdotes? Cur alijs Christianis tanq̃
sanctiores & meliores & potentiores haberi volunt? Horas legere, ad
quos idiotas nō pertinet, seu (ut Apostolus ait) ad linguā loquentes?
Horas autē orare ad monachos, eremitas, priuatosq; homines, & eos
laicos pertinet: Sacerdotis munus est prædicare: quod nisi fecerit, sic
est sacerdos sicut homo pius est homo. An Episcopum faciat oidi-
nare tales sacerdotes, battalogos? An Ecclesias & campanas consecra-
re? An pueros confirmare? Non. Hæc vel diaconus, vel laicus quilibet
faceret. Ministeriū verbi facit sacerdotem & Episcopum.

Fugite ergo, meo consilio, quicunq; tuto viuere vultis: fugite iuue-
nes, nec istis sacris initiāmini, nisi aut Euangelizare volueritis, aut nisi
vos hoc ordinis sacramento nullo laicis meliores factos credere pore-
stis. Non em̃ horas legere aliquid est. Deinde, missam offerre, sacramē-
tum percipere est. Quid ergo in vobis manet? quod non in quouis
laico maneat? Rasura & vestis? Miseri sacerdotes qui rasura & veste cō-
stat. An oleū digitis vestris infusum? At Christianus quilibet oleo san-
cti spiritus unctus & sanctificatus est corpore & anima, & olim sacra-
mentū manibus trahebatur nō minus q̃ nūc sacerdotes faciūt. Licet no-
stra suspitio laicis nūc magnū reatum injiciat, si vñ calicem nudū, aut
corporale attigerint. Nec Moniali quidem sanctæ virginī liceat lauare
pallas altaris, & linciamina sacra. Vide per deum, sacrosanctam Or-
dinis huius sanctitatem, quantum profecerit. Futurum spero, ut nec

*Conspice hunc g. hunc
palliat hunc ingenuum*

DE CAPTIVITATE

altare liceat attingere laicis, nisi dum nūmos obtulerint. Ego pene dirumpor, cogitans has impissimas hominum temeratissimorum tyrannides, tam nugacibus & puerilibus nugis libertatem & gloriam Christianæ religionis illudendum & pessumdantium.

Ergo itaque certus, & sese agnoscat quicumque se Christianum esse cognoverit, omnes nos equaliter esse sacerdotes: hoc est, eandem in verbo & sacramento quocumque habere potestatem. Verum non licere quinquā hac ipsa uti, nisi consensu cōmunitatis, aut vocatione maioris. Quod enim omnium est cōmuniter nullus singulariter potest sibi arrogare, donec vocetur. Ac per hoc, Ordinis sacramentū, si quicquā est, esse nihil aliud, quā ritum quendam vocandi alicuius in ministeriū ecclesiasticum. Deinde sacerdotium proprie esse non nisi ministerium verbi, verbi in quā non legis, sed Evangelij. Diaconium vero, esse ministeriū non legendi Evangelij aut Epistolæ, ut hodie usus habet, sed opes Ecclesiæ distribuendi pauperibus, ut sacerdotes leventur onere rerum temporalium, & orationi ac verbo liberius insistent. Hoc enim consilio legitur Aduersus. v. Diaconos institutos: atque ita eum qui vel ignorat, vel non prædicat Evangelium, non modo non esse sacerdotem vel episcopum, sed pestem quandā Ecclesiæ: qui sub titulo falso sacerdotis et episcopi, seu sub pelle ovina Evangelium opprimat, & lupum in Ecclesiā agat. Quare si sacerdotes & episcopi quibus hodie referta est Ecclesiā, nisi alia ratione salutem suam operentur: hoc est, nisi agnoscant sese nec sacerdotes nec episcopos esse, doleantque se nomen gerere cuius operis aut nesciunt, aut non possunt implere: sicque orationibus & lachrymis suæ hypocrisis miseram sortem deplorent: vere sunt populus perditionis æternæ, ac de eis illud Isaie, v. verificabitur, Captiuus ductus est populus meus: eo quod non habuerit scientiam, & nobiles eius interierunt fame: & multitudo eius siti exaruit. propterea dilatauit infernus animam suam, & aperuit os suum absque ullo termino. Et descendit fons eius, & populus eius, & sublimis eius, & gloriosi eius in eum. O verbum horrendum nostro sæculo, quo tanta voragine absorbenitur Christiani.

Quantum ergo e scripturis docemur, cum ministerium sit id quod nos sacerdotium vocamus, prorsus non video quā ratione rursus nequeat laicus fieri semel sacerdos factus: cum a laico nihil differat, nisi ministerio. A ministerio autē deponi adeo non sit impossibile, ut passim ea etiam nunc celebretur vindicta in culpabiles sacerdotes: dum aut suspenduntur temporaliter, aut perpetuo priuantur officio suo. Nam cōmentum illud caracteris indelebilis iam olim irritum est. Concedo

B A B Y L O N I C A.

ut Carāterem hunc Papa imprimat ignorante Christo, sitq; hoc ipso sacerdos eo consecratus, non tam Christi quā Papæ perpetuus seruus & captiuus, sicut est dies hæc. Cæterū, nisi fallor, si ruat hoc sacramentum & cōmentum aliquando, vix subsistet ipse Papatus cum suis caracteribus; redibitq; ad nos læta libertas, qua nos omnes æquales esse quocunq; iure intelligemus: & excusso tyrannidis iugo. Sciemus, qd qui Christianus est, Christum habet: qui Christum habet, omnia que Christi sunt habet, omnia potens: de quo plura & robustius, ubi ista amicis meis Papistis displicere sensero.

D E S A C R A M E N T O E X T R E M A E V N C T I O N I S.

H V I C ungendorum infirmorum ritui, duas additiones sese dignas addiderunt Theologi nostri. Vnam, quod sacramentum appellant. Alteram, quod extremā faciant: sitq; nunc sacramentum extreme unctionis, quæ nisi in extremo vitæ agentibus periculo dari non debeat, forte (ut sunt arguti Dialectici) relatiuam fecerunt ad unctionem primam baptismi, & sequentes duas confirmationis & ordinis. Vtū habent hic quod in os mihi retundant. Nempe, quod autoritate Iacobi apostoli, hic promissio & signum sit, quibus ego sacramentū constitui hæcenus dixi. Dicit enim, Si infirmatur quis in vobis, inducat presbyteros Ecclesie, & orent super eum, ungentes eum oleo in nomine domini. Et oratio fidei saluabit infirmum: & alleuiabit eum dominus: & si in peccatis sit, remittentur ei. Ecce inquit, promissio remissionis peccatorum, & signum olei.

Ego autem dico, si vltipiam delyratum est, hoc loco præcipue delyratum est. Omitto enim, quod hanc Epistolam non esse apostoli Iacobi, nec apostolico spiritu dignam, multi valde probabiliter asserant: licet consuetudine autoritatē, cuiuscunq; sit, obtinuerit. Tamen si eū esset apostoli Iacobi, dicerem: non licere, Apostolū suā autoritate sacramentum instituere, id est, diuinā promissionem cum adiuncto signo dare. hoc enim ad Christum solū pertinebat. Sic Paulus sese accepisse a domino dicit sacramentum Eucharistie, & missum non ut baptizet, sed ut euāgelizet. Nusquā autem legitur in Ewangelio, unctionis istius extremæ sacramentum. Sed missa faciamus & ista. Apostoli, siue quisquis fuerit Epistolæ autor, ipsa videamus verba: & simul videlimus quā nihil ea obseruarint, qui sacramenta auxerunt.

*Sacra
Syn.*

*nam a christo
accepti sunt huius*

DE CAPTIVITATE

Primum, si verum putant & seruandum quod Apostolus dicit, quia
 auctoritate mutant & resistunt? Cur faciunt ipsi extremam & singularem
 unctionem ex ea, quam Apostolus voluit esse generalem? Neque enim
 Apostolus extremam esse voluit & solum morituris dandam, sed absolute di-
 cit, Si quis infirmatur, non dicit, si quis moritur. Neque enim curo quid Dio-
 nysius ecclesiastica hierarchia hic faciat: ipsa Apostoli verba aperta sunt, qui-
 bus & ille & isti pariter nituntur, & non non sequitur, ut appareat eos
 non auctoritate ulla, sed suo arbitrio, ex verbis Apostoli male intellectis, sa-
 cramentum & unctionem extremam fecisse, cum iniuria ceterorum infirmo-
 rum, quibus vi propria abstulerunt ungendi beneficium ab Apostolo institutum.

Sed illud pulchrius, quod promissio Apostoli expresse dicit, Oratio si
 dei saluabit infirmum, & alleuiabit eum dominus &c. Vide, Apostolus in
 hoc ungi & orari precipit, ut infirmus sanetur & alleuietur: hoc est, non
 moriatur, nec sit extrema unctio. quod & usque hodie probant preces
 inter unguendum dictae, quae infirmum restituunt. Illi contra dicunt,
 non esse dandam unctionem nisi discessuris: hoc est, ut non sanetur & al-
 leuietur. Nisi res ista esset seria, quis risum posset tenere super tam bel-
 lis, aptis, & sanis Apostolorum verborum glossis? Nonne hic aperte depre-
 hendit insipientia sophistica, quae ut hoc loco, ita multis alijs hoc affir-
 mat quod negat scriptura, hoc negat quod illa affirmat? Quia igitur
 gratias agimus tam eximijis magistris nostris? Recte igitur dixi, nullum
 insignius esse deliratum ab illis quam hoc loco.

Uterius, si unctio ista sacramentum est, debet sine dubio esse (ut di-
 cunt) efficax signum eius quod signat & promittit. At sanitatem & resti-
 tutiorem infirmi promittit, ut stant aperta verba, Oratio fidei saluabit
 infirmum, & alleuiabit eum dominus. Quis autem non videt hanc promissionem
 in paucis, imo nullis impleri? Inter mille enim vix unus restituitur: id
 est, nemo sacramento, sed naturae vel medicinae beneficio fieri putat. nam
 sacramento contrariam vim tribuunt. Quid ergo dicemus? Aut Apostolus
 hac promissione mentitur, aut unctio ista sacramentum non erit. Promis-
 sio enim sacramentalis certa est: at haec in maiori parte fallit. Quin, ut
 iterum Theologorum istorum prudentia & vigilantia cognoscatur, ideo
 extremam esse volunt unctionem: ne sit ista promissio, hoc est, ne sacra-
 mentum sit sacramentum. Si enim extrema est, non sanat, sed cedit infir-
 mitati. Si autem sanat, extrema esse non debet. Ita sit horum Magistrorum
 interpretatio, ut Iacobus intelligatur sibi ipsi contradixisse, &
 ne sacramentum institueret sacramentum instituisse: dum ideo extre-
 mam volunt unctionem, ut non sit verum, sanari per eum infirmum,
 quod ille statuit. Si hoc non est insanire, rogo quid est insanire?

enim probat
 sana h
 ming

Contingit his illud Apostoli. i. Timot. i. Volentes esse legis doctores, cū ignorent quid loquantur, aut de quibus affirmant. Sic omnia circa iudiciū Irgunt & sequuntur. Eadem enī oscitantia & confessionē auricularem ex hoc Apostolo hauerunt, dicente, Confitentini alterutrum peccata vestra. Sed nec hoc seruāt isti, quod Aplūs iubet p. c. byteros Ecclesię induci, & super infirmum orari. Vix unus sacerdos oculis nunc mittitur, cū Aplūs velit multos adesse, non propter unctionem, sed propter orationē. unde dicit. Oratio fidei saluabit infirmū &c. q. quā incertū est mihi, an sacerdotes velit intelligi: cū dicat, presbyteros, id est, seniores. Neq; enim continuo sacerdos aut minister est qui senior est: quo suspicari possis, Apostolū voluisse, ut seniores & grauiores in Ecclesia visitarent infirmū, qui opus misericordię facientes, & in si de orantes eum sanarent: quāq; negari non possit, Ecclesias olim a senioribus fuisse rectas, absq; istis ordinationibus & cōsecrationibus, propter etatem & longum rerum usum in hoc electis.

Quare hanc unctionem eandem ego esse arbitror quę Marci ult. de Apostolis scribitur, Et ungebant oleo multos ægros, & sanabant. ritum scilicet quendā primitiue Ecclesię, quo miracula faciebant super infirmis, qui iam dudū defecer. Quemadmodū & Marci ult. Christus donat credētibz ut sepe tentes tollant, & sup ægros manus ponāt. &c. Ex quibus verbis, mirum est, quod non etiā sacramenta fecerint. cū sint similis virtutis & promissionis cum verbis his Iacobi. Non ergo sacramentum est extrema ista, id est, ficta unctio, sed consilium Iacobi, quo possit qui velit uti, sumptum ac relictum ex Evangelio Mar. ult. ut dixi. Neq; enim credo datum infirmis quibusuis. cum Ecclesię gloria sit infirmitas, & mors lucrum: sed his tantum: qui impatiētiū & rudi fide infirmitatem ferrent. Quos ideo reliquit dominus, ut in eis miracula & virtus fidei eminerent.

Et hoc ipsum caute, & de industria Iacobus prouidit, dum promissionem sanitatis & remissionis precatorum non tribuit unctioni, sed orationi fidei. Sic enim dicit, Et oratio fidei saluabit infirmū, & alleuiabit eum dominus: & si in peccatis fuerit, remittentur ei. Sacramentū em non exigit orationē aut fidem ministri. cū impius etiā baptizet & confectet absq; oratione. Sed nitur in sola promissione & institutione dei, exigens fidem suscipientis. In nostrę autem extremę unctionis hodiernę usu ubi est oratio fidei? Quis ea fide orat super infirmū, ut non hæsit eum restitui? Nam talē orationē fidei Iacobus hic describit de qua & in principio dixerat, Postulet aut in fide nihil hæsitans. Et Christus, Quęcumq; petieritis, credite quia accipietis, & fiet vobis.

fructum salutis. p. vno Iacobi. c. v. vno
Imperio p. vno. p. vno. p. vno. p. vno.

DE CAPTIVITATE

Profus non est dabium, si hodie quoq; talis oratio fieret super in-
firmum, id est, a senioribus, grauioribus, & sanctis viris, plena fide fa-
nari quotquot vellemus. Fides em̄ quid non posset? At nos fide ne-
glecta, quam maxime exigit hæc Apostoli autoritas) deinde quoduis
lacerum vulgus, per presbyteros viros scilicet ætate & fide præsta-
tes intelligimus. Deinde extremâ & quotidiana aut libera unctione fa-
cimus, tandem effectum promissæ ab Apostolo sanitatis non solû nõ
impetramus, sed etiam contrario effectu euacuamus. Nihilõ tamẽ mi-
nus iactamus nostrum sacramentum, immo signum, hæc Aposto-
li Sententia, plus quâ per his diapason repugnanter, fundari & proba-
ri. O Theologos.

ri. O Theologos
Igitur hoc unctionis extremæ nostrum sacramentum non damno,
sed hoc esse quod ab apostolo Iacobo præscribitur constanter nego,
cum nec forma, nec usus, nec virtus, nec finis eius cum nostro consen-
tiant. Numerabimus tamen ipsum inter ea sacramenta quæ nos consti-
tuimus: ut sunt salis, & aquæ consecratio & aspersio. Neque enim negare
possumus, creaturam quamlibet per verbum & orationem sanctifica-
ri: quod apostolus Paulus nos docet: ita non negamus* per extremam
unctionem dari remissionem & pacem. non quia sacramentum sit diui-
nitus institutum, sed quia suscipiens ita credit sibi fieri. Fides enim susci-
piens non errat, quantumlibet minister erret. Si enim ioco baptizans,
aut absolvens, hoc est, non absolvens, quantum ad ministerium pertinet,
reuera absoluit & baptizat, si credat baptizandus & absolvendus: quan-
to magis ungens extrema unctione pacificat, etiam si reuera non paci-
ficet, si ministerium spectes. cum nullum sit tibi sacramentum, fides enim
uncti etiam hoc accipit, quod conferens aut non potuit, aut non vo-
luit dare. Sufficit enim unctio verbum audire & credere. Quicquid enim
credimus nos accepturos esse, id reuera accipimus: quicquid agat, non
agat, simulat, aut iocetur minister. Stat enim Christi sententia, Credenti
omnia possibilia sunt. Erit enim, Fiat tibi sicut credidisti. Verum Sophistæ
nostri de hac fide nihil in sacramentis tractant, sed in virtutibus ipsis
sacramentorum totis studiis nugantur: semper discentes, & nunquam
ad scientiam veritatis pervenientes.

Profiuit tamen, hanc unionem factam esse extremam; quia hoc beneficium minime omnium vexata ac subiecta est tyrannidi & quæstui, relicta scilicet hac una misericordia mortuorum, ut libere possint inungi, etiam non confessi, nec communicati. Quæ si permansisset quotidiana, præsertim si & infirmos sanasset, etiã si peccata non tulisset, quos putas orbes terrarum non haberent hodie Pontifices, qui unius poenitentie

esse sacramentum, & sic numerum eorum imminuere, aut aliam sacramentorum asserere definitionem.

Baptismus autem, quem toti vitæ tribuimus, recte pro omnibus sacramentis satis erit, quibus in vita uti debeamus. Panis autem vere morientium & excedentium sacramentum. Siquidem in eo transiit Christus ex hoc mundo memoramur, ut ipsum imitemur. Et sic distribuamus hæc duo sacramenta, ut baptisimus initio & totius vitæ cursui, panis autem termino & morti depuretur: atque christianus utroque exerceatur in hoc corpusculo, donec plene baptisatus & roboratus transeat ex hoc mundo, natus in æternam novam vitam, manducaturus cum Christo in regno patris sui. sicut in cœna promissit dicens, Amen dico vobis, amen dico non bibam de hoc genimine vitis, donec impleatur in regno dei. ut aperte videatur, sacramentum panis ad futuram vitam acceptandam instituisse. Tunc enim re utriusque sacramenti impleta, cessabit baptisimus & panis.

¶ FINE hic faciam huius præludij, quod pijs omnibus qui sinceram scripturæ intelligentiam, germanumque sacramentorum usum desiderant nosse, libens & gaudens offero. Est enim non parvi momenti donum, nosse ea quæ nobis data sunt. ut. i. Corint. ij. dicitur, & quæ ratione donatis uti oporteat. Hoc enim spiritus iudicio instructi, non fallaciter innitemur ijs quæ secus habent. Has duas res cum nobis Theologi nostri nusquam dederint, quin velut data opera obscurarint, ego si non dedi, certe id effeci ne obscurarem, & alijs occasionem præbui meliora cogitandi. Conatus meus saltem fuit, ut exhiberem utrumque. Non tamè omnia possumus omnes. Impiis vero, & qui pro divinis sua nobis pertinaci tyrannide inculcant, fidens & liber ista obtrudo: nihil moratus in doctrinam ferociam. quanquam & ipsis optem sanum sensum, & eorum studia non contemniam, sed tantum a legitimis ac vere Christianis discernam.

Auditum enim audio, paratas esse denuo in me Bullas, & diras Papisticas, quibus ad reuocationem urgear, aut hæreticus declarer. Quæ si vera sunt, hunc libellum volo partem esse reuocationis meæ futuræ: ne suam tyrannidem frustra inflatam querantur. reliquam partem propediem editurus sum talem, Christo propitio, qualem hæcenus non viderit, nec audierit Romana sedes, obedientiam meam abunde restitutus, in nomine domini nostri Ihesu Christi. Amen.

R S M,



Hostis Herodes im me,
Christum venire quid times.
Non arripit mortalia
Qui regna dat coelestia.

L A E T A
L I B E R T A S.

